

影南宋初年刊本

周易注疏

上卷

足利學校遺蹟圖書館後援會刊

南宋初年刊本周易注疏説明

「周易」とは、周時代の易えきといういみで、今は孔子の教えを伝える儒教じゆの聖典の一つに考えられているが、もとは古いの書物であつたものを、漢代の儒者（孔子の教えを奉ずる人たち）が自分たちの經典「五經」の一つに選えらび出したものである。後世「易經」とよばれることが多い。「注」の字は後世、ことにわが学者は「註」の字に書くが、もともとは別の字で、「注」は水をそそぐいみで、水をかけて地面をやわらかくするように、むずかしい文字面をやわらかく、やさしくする説明のこと、「疏」の字は通ずる、開くといういみで、水路を切り開いて、水を通りよくするいみ、転じて、「注」をさらにやさしく説明した文をいう。

「五經」の注は後漢時代ごかんの末から多くの学者によって作られた。それは、時代の下降に従つて、古いことばがその当時の人たちにわかりにくくなつたからで、その注の文章も、南北朝時代の人々には再びわかりにくくなり、そこで各經について多種の疏ができたのである。そのため、初学者は注や疏の選択に迷ひ、經書の文章のいみもいろいろに説明されるようになった。

唐王朝が天下を統一し、儒学を官吏必修の學問としたとき、經書のテキストとその注釈との統一を必要とし、太宗はまず經書の本文を顏師古げんしこらの學者に命じて校定させて統一し、さらに孔穎達こうえいだつらの學者に命じて、そのころ伝存した五經の注の中から一經一種を選び、新しくその注の注釈である疏を作らせた。周易については、魏の王弼わひが注し、その未完成の部分を晋の韓康伯かんかうはくが補つたものが選ばれた。五經の疏はかくしてでき上がったが、「五經正義」という書名を太宗が賜つた。正しい解釈といういみである。

「五經正義」ができて、南宋のごく初めまでは、經注本とは別に、各經の正義だけが単独に書写され、出版されてゐた。この疏のみのテキストを「單疏本」とよぶ。それを、南宋の初年、おそらく高宗の末年に、學習の便を図つて、經注のテキストの間に正義の文を挿入して出版することが計画実行され、經注疏合刻本ができた。この周易注疏はその最初のもの、正義の文の初めに「…至…」の見出しがあるのは、單疏本の名残りである。

南宋刊本周易注疏考

長澤規矩也

本書は、南宋初年まで經注本と別行してゐた單疏本の疏の文を經注本のテキストに分けて挿入した、經注疏會本の最初といはれる、越刊八行本注疏中最も早く出版されたもので、宋諱「構」字を缺き、「慎」字を缺かないので、高宗の頃、遅くも孝宗の初年までに出版されたものと考へられる。惜しいことに序目を缺き、跋文もないが、初印とまではいへなくても早印に屬し、且本文の完備したものは他に傳はらず、加之、端平元年（三三四）十二月から翌年一月までの陸子適（陸放翁の子）の識語が每卷末にあるので、宋刊宋印、そして宋人の書入れといふ點だけでも貴重といへる。

本書も、室町時代に足利學校を再興したといはれる上杉憲實・憲忠父子が學校に寄贈した古書の一で、舊來、上杉父子の寄贈本はそのまゝ、今日に全部傳へられてゐると考へられてゐた定説が、北宋刊本唐書の出現によつて覆され、學校傳存以外の宋元版の相當量が上杉父子によつて學校に寄進せられたことが推測され、それによつて、かかる夥しき數量の宋元版を憲實はいかにして入手し得たかが問題となり、或は憲實がこれらの古書を金澤文庫から持ち出したものかという推測、從來金澤氏の藏書印と信ぜられた、「金澤文庫」印は、室町中期以降に稱名寺で、寺院相傳の古書と區別するために押捺されたものかという臆説も生じた。卷中、句讀批點は朱筆、批點の塗抹には硃黃を用ひた。

本書の同版本は北京圖書館に現存するが、北京圖書館善本書目に據るに、兩浙東路茶鹽司刻宋元遞修本とあり、序表

及び卷一は清代の陳氏士鄉堂鈔本を以て之に配し、清代藏書家陳鱣の跋があるといふ。即ち、その本は、常熟の瞿氏鐵琴銅劍樓に藏せられてゐたもので、瞿目に據るに、首冊失去し、周漪塘の家で、錢蓀保（求赤）が宋刊本に據つた寫本を借鈔して補全したものであり、補鈔部分に、唐の長孫無忌の「進五經正義表」があり、この表は他本にはないものであると瞿鏞は記してゐるが、この上表は南宋初年覆宋刊の單疏本にも冠せられ、わが國では、木活字印本による岡正禮（玉河）の單刊本があり、それには、天明八年（一七九八）の同人の校語が附いてゐる。果して、この上表がこの本に原存してゐたかどうかについては確證がない。

本館には、越刊八行本は他に尙書・禮記を傳へるが、各覆刻本文は同種本の影印本があるのみならず、前者は元修本で、後者は影印本の底本よりは早印であるが、やはり後修に係り、而も卷三十三至四十は十行本による補寫である。これが、今回、三書の中で易を選んだ理由である。幕末に、大儒松崎謙堂が、本學に傳へた易・書の影寫本を作り、その覆刻を熊本藩細川侯に進言、尙書は成つたが、周易は實現しなかつた。

周易注疏卷第一

國子祭酒上護軍曲阜縣開國子臣孔穎達奉

勅撰



乾下乾元亨利貞



正義曰乾者此卦之名

卦也言懸掛物象以示於人故謂之卦但二畫之體雖象陰陽之氣未成萬物之象未得成卦必三畫以象三才寫天地雷風水火山澤之象乃謂之卦也故繫辭云八卦成列象在其中矣是也但初有三畫雖有萬物之象於萬物變通之理猶有未盡故更重之而有六畫備萬物之形象窮天下之能事故六畫成卦也此乾卦本以象天天下陽氣而成天故此卦六爻皆陽畫成卦也此

天何謂之天而謂之乾者天者定體之
 體用之稱故說卦云乾健也言天之體以健為用
 聖人作易求以教人欲使人法天之用不法天之
 體故名乾不名天也天以健為用者運行不息應
 化無窮此天之自然之理故聖人當法此自然之
 象而施人事亦當應物成務云為不已終日乾乾
 無時懈倦所以因天象以教人事於物象言之則
 純陽也天也於人事言之則君也父也以其居事
 故在諸卦之首為易理之初但聖人名卦體例不
 同或則以物象而為卦名者若否泰剝頤鼎之屬
 是也或以象之所用而為卦名者即乾坤之屬是
 也如此之類多矣雖取物象乃以人事而為卦名
 者即家人歸妹謙履之屬是也所以如此不同者
 但物有萬象人有萬事若執一事不可包萬物之
 象若限局一象不可認萬有之事故名有隱顯辭
 有踳駁不可一例求之不可一類取之故繫辭云

字

校

上下無常剛柔相易不可為典要韓康伯注云不可立定準是也元亨利貞者是乾之四德也子夏傳云元始也亨通也利和也貞正也言此卦之德有純陽之性自然能以陽氣始生萬物而得元始亨通能使物性和諧各有其利又能使物堅固貞正得終此卦自然令物有此四種使得其所故謂之四德言聖人亦當法此卦而行善道以長萬物物得生存而為元也又當以嘉美之事會合萬物今使開通而為亨也又當以義協和萬物使物各得其理而為利也又當以貞固幹事使物各得其正而為貞也是以聖人法乾而行此四德故曰元亨利貞其委曲條例備在文言

龍勿用

注云文言備矣

疏

正義曰居第一之位故稱初以其陽爻故稱九潛者隱伏之名龍者

變化之物言天之自然之氣起於建子之月陰氣始盛陽氣潛在地故言初九潛龍也此自然之

象聖人作法言於此潛龍之時小人道盛聖人雖
 有龍德於此時唯宜潛藏勿可施用故言勿用張
 氏云以道未可行故稱勿用以誠之於此小人道
 盛之時若其施用則為小人所害寡不敵衆弱不
 勝強禍害斯及故誠勿用若漢高祖生於暴秦之
 世唯隱居為泗水亭長是勿用也諸儒皆以為舜
 始漁於雷澤舜之時當堯之世堯君在上不得為
 小人道盛比潛龍始起在建子之月於義恐非也
 第一位言初第六位當言終第六位言上第一位
 當言下所以文不同者莊氏云下言初則上有末
 義故大過彖云棟撓本末弱是上有末義六言上
 則初當言下故小象云潛龍勿用陽在下也則是
 初有下義互文相通義或然也且第一言初者欲
 明萬物積漸從無入有所以言初不言一與下也
 六言上者欲見位居卦上故不言六與末也此初
 九之等是乾之六爻之辭但乾卦是陽生之世故

公

用

六爻所述皆以聖人出處記之其餘卦六爻各因
象明義隨義而發不必皆論聖人他皆放此謂之
爻者繫辭云爻也者效此者也聖人畫爻以倣效
萬物之象先儒云後代聖人以易占事之時先用
蓍以求數得數以定爻果爻而成卦因卦以生辭
則蓍爲爻卦之本爻卦爲蓍之末今案說卦云聖
人之作易也幽贊於神明而生蓍參天兩地而倚
數觀變於陰陽而立卦發揮於剛柔而生爻繫辭
云成天下之亶亶者莫大乎蓍龜是故天生神物
聖人則之又易乾鑿度云垂皇策者犧據此諸文
皆是用蓍以求卦先儒之說理當然矣然陽爻稱
九陰爻稱六其說有二一者乾體有三畫坤體有
六畫陽得兼陰故其數九陰不得兼陽故其數六
二者老陽數九老陰數六老陰老陽皆變周易以
變者爲占故杜元凱注襄九年傳遇艮之八及鄭
康成注易皆稱周易以變者爲占故稱九稱六所

以老陽數九老陰數六者以揲著之數九遇揲則得老陽六遇揲則得老陰其少陽稱七少陰稱八義亦準此張氏以為陽數有七有九陰數有八有六但七為少陽八為少陰質而不變為爻之本體九為老陽六為老陰文而從變故為爻之別名且七既為陽爻其畫已長今有九之老陽不可復畫為陽所以重錢避少陽七數故稱九也八為陰數而畫陰爻今六為老陰不可復畫陰爻故交其錢避八而稱六但易舍萬象所託多塗義或然也九二見龍在田利見大人注出潛離隱故曰見龍處於地上故曰在田德施周普居中不偏雖非君位君之德也初則不彰三則乾乾四則或躍上則過疏正義曰陽處二位故曰亢利見大人唯二五焉九二陽氣發見故曰見龍田是地上可管為有益之處陽氣發在地上故曰在田且一之與二俱為地道二在一上所以稱

道三四爲人道五上爲天道二在一上是九二處
 於地上所田食之處唯在地上所以稱田也
 嗣之注意唯取地上稱田諸儒更廣而稱之言田
 之耕稼利益及於萬物盈滿有益於人猶若聖人
 益於萬物故稱田也德施周普者下小象文謂周
 而普徧居中不偏者九二居在下卦之中而於上
 於下其心一等是居中不偏也不偏則周普也雖
 非君位者二爲大夫己居二位是非君位也君之
 德者以德施周普也文言云德博而化又云君德
 也是九二有人君之德也初則不彰者謂潛隱不
 彰顯也三則乾乾者危懼不安也四則或躍者謂
 進退懷疑也上則過亢過謂過甚亢謂亢極利見
 大人唯二五焉者言此據乾之一卦故云唯二五
 焉於別卦言之非唯二五而已故訟卦蹇卦並云
 利見大人所以施處廣非唯二五也諸儒以爲九
 二當太蕤之月陽氣發見則九三爲建辰之月九

四為建午之月九五為建申之月為陰氣始殺不
宜稱飛龍在天上九為建戌之月羣陰既盛上九
不得言與時偕極於此時陽氣僅存何極之有諸
儒此說於理稍乖此乾之陽氣漸生似聖人漸出
宜據十一月之後至建巳之月巳來此九二當據
建丑建寅之間於時地之萌芽初有出者即是陽
氣發見之義乾卦之象其應然也但陰陽二氣共
成歲功故陰興之時仍有陽在陽生之月尚有陰
存所以六律六呂陰陽相間取象論義與此不殊
乾之初九則與復卦不殊乾之九二又與臨卦不
別何以復臨二卦與此不同者但易論象復臨二
卦既有羣陰見象於上即須論卦之象義各自為
文此乾卦初九九二只論居位一文无羣陰九三
見象故但自明當爻之理為此與臨復不同九三

君子終日乾乾夕惕若厲无咎

注云處下體之極居上體之下在不中之

位履重剛之險上不在天未可以安其尊也下不在田未可以寧其居也純脩下道則居上之德廢純脩上道則處下之禮曠故終日乾乾至于夕惕猶若厲也居上不驕在下不憂因時而惕不失其幾雖危而勞可以无咎處下卦之極愈於上九之亢故竭知力而後免於咎也乾三以處下卦之上故免亢龍之悔坤三以處下卦之上故免龍戰之災



正義曰以陽居三位故稱九三以居不得

中故不稱大人陽而得位故稱君子在憂危之地故終日乾乾言每恒終竟此日健健自強勉力不止有止息夕惕者謂終竟此日後至向夕之時猶懷憂惕若厲者若如也厲危也言尋常憂懼恒如傾危乃得无咎謂既能如此戒慎則无罪咎如其不然則有咎故繫辭云无咎者善補過也此一爻因陽居九三之位皆以人事明其象注處下至之災正義曰處下體之極者極終也三至上卦之下

下體之極故云極也又云居上體之下者四五與
上是上體三居四下未入上體但居上體之下四
則已入上體但居其上體之下故九四注云居上
體之下與此別也云履重剛之險者上下皆有陽
爻剛強好爲險難故云履重剛之險云上不在天
未可以安其尊者若在天位其尊自然安處在上
卦之下雖在下卦之上其尊未安故云未可以安
其尊也下不在田未可以寧其居者田是所居之
處又是中和之所既不在田故不得安其居純脩
下道則居上之德廢者言若純脩下道以事上卦
則已居下卦之上其德廢壞言其太卑柔也純脩
上道則處下之禮曠者曠謂空曠言已純脩居下
卦之上道以自驕矜則處上卦之下其禮終竟空
曠夕惕猶若厲也者言雖至於夕恒懷惕懼猶如
未夕之前常若厲也案此卦九三所居之處實有
危厲又文言云雖危无咎是實有危也據其上下

文勢若字宜爲語辭。但諸儒並以若爲如。如似有厲是實无厲也。理恐未盡。今且依如解之。因時而惕。不失其幾者。因時謂因可憂之時。故文言云。因時而惕。文云。知至至之。可與幾也。是因時而惕。不失其幾也。雖危而勞者。若厲是雖危。終日乾乾。是而勞也。故竭知力而後免於咎者。王以九三與上九相並。九三處下卦之極。其位猶卑。故竭知力而得免咎也。上九在上卦之上。其位極尊。雖竭知力而不免亢極。言下勝於上。卑勝於尊。九四或躍在淵无咎。注云。去下體於上。卑勝於尊。九四或躍在淵无咎。注云。去下體之下。乾道革之時也。上不在天下。不在田中。不在人履重剛之險。而无定位。所處斯誠。進退无常之時也。近乎尊位。欲進其道。迫乎在下。非躍所及。欲靜其居。居非所安。持疑猶豫。未敢伏志。用心存公。進不在私。疑以爲慮。**疏**正義曰。或疑也。躍跳躍也。不謬於果。故无咎也。言九四陽氣漸進。似若龍

體欲飛猶疑或也躍在於淵未即飛也此自然之象猶若聖人位漸尊高欲進於王位猶豫遲疑在於故位未即進也云无咎者以其達疑進退不即果敢以取尊位故无咎也若其貪利務進時未可行而行則物所不與故有咎也若周匝伯內執王心外率諸侯以事紂也注去下體至无咎也正義曰去下體之極者離下體入上體但在下體之上故云去下體之極注九三云處下體之極彼仍處九三與此別也云乾道革之時者革變也九四去下體入上體是乾道革之時云上不在天下不在田中不在人者易之為體三與四為人道人近在田中近於上故九四云中不在人異於九三也在下无定位所處者九四以陽居陰上既不在於天下復不在於地中又不當於人上下皆无定位所處也斯誠進退无常之時者文書云上下无常進退无恒是也欲進其道迫乎在下非躍所及者

謂欲進已聖道而居王位。但通迫於下羣衆未許
非已獨躍所能進及也。欲靜其居。居非所安。持疑
猶豫。未敢決志者。謂志欲靜其居。處百姓既未離
禍患。須當拯救。所以不得安居。故遲疑猶豫。未敢
決斷其志。而苟進也。用心存公。進不在私者。本為
救亂除患。不為於己是進。不在私也。疑以為慮。不
謬於果者。謬謂謬錯。果謂果敢。若不思慮。苟欲求
進。當錯謬於果敢之事。而致敗亡。若疑惑以為思
慮。則不錯謬於果敢之事。其錯謬者。九五飛龍在
若宋襄公與楚人戰。而致敗亡是也。九五飛龍在

天利見大人

注云。不行不躍。而在乎天。非飛如何。故曰飛龍也。龍德在天。則大人之路亨也。

夫位以德興。德以位叙。以至德而處盛位。萬物之觀不亦宜乎。疏正義曰。言九五
故云飛龍在天。此自然之象。猶若聖人有龍德。飛
騰而居天位。德備天下。為萬物所瞻覩。故天下利

見此居王位之大人注不行至亦宜乎正義曰
龍德在天則大人之路亨謂若聖人有龍德居在
天位則大人道路得亨通猶若丈主拘在羑里是
大人道路未亨也夫位以德興者位謂王位以聖
德之人能興王位也德以位敘者謂有聖德之人
得居王位方能敘其聖德若孔子雖有聖德而無
其位是德不上九亢龍有悔疏正義曰上九亢陽
能以位敘也能
曰亢龍此自然之象以人事言之似聖人有龍德
上居天位必而亢極物極則反故有悔也純陽進
極未至大凶但有悔吝而已繫辭云悔吝者言乎
其小疵也故鄭引堯之末年四凶在朝是以有悔
未大凶也凡悔之為文既是小疵不單稱悔也必
以餘字配之其悔若在則言有悔謂當有此悔則
此經是也其悔若死則言悔亡言其悔已亡也若
恒卦九二悔亡是也其悔雖亡或是更取他大結

之若復卦初九不遠復无祇悔之類是也但聖人
至極終始无虧故文云知進退存而不失其
正者其唯聖人乎是知大聖之人本无此悔但九
五天位有大聖而居者亦有非大聖而居者不能
不有矯亢故聖人設法以戒之也
用九見羣龍无首吉注云九天
用天德乃見羣龍之義焉夫以剛健而居人之
首則物之所不與也以柔順而為不正則佞邪
之道也故乾吉在䷆正義曰用九見羣龍者此
无首坤利在永貞䷁一句說乾元能用天德也
九天德也若體乾元聖人能用法德則見羣龍
之義羣龍之義以无首為吉故曰用九見羣龍
无首吉也九天之德者言六爻俱九乃
共成天德非是一爻之九則為天德也
彖曰大哉乾元萬物資始乃統天雲行雨施品物流形大

明終始六位時成時乘六龍以御天乾道變化各

正性命

注云天也者形之名也健也者用形者也夫形也者物之累也有天之形而能永保无虧

為物之首統之者豈非至健哉大明乎終始之道故六位不失其時而成升降无常隨時而用處則乘潛龍出則乘飛龍故曰時乘六龍也乘變化而御大器靜專動直不失大和豈非正性命之情者

邪保合大和乃利貞

注云不和而剛暴

首出庶物萬國咸寧

注云萬國所以寧各以有君也

疏

正義曰夫子所作彖辭統論一卦之義或說其卦之名故略例云彖者何也統論一卦

之體明其所由之主索樁氏莊氏並云彖斷也斷定一卦之義所以名為彖也但此彖釋乾與元亨利貞之德但諸儒所說此彖分解四德意各不同

今案莊氏之說於理稍密依而用之大哉乾元萬
 物資始乃統天者此三句摠釋乾與元也乾是卦
 名元是乾德之首故以元德配乾釋之大哉乾元
 者陽氣是大乾體廣遠又以元大始生萬物故曰
 大哉乾元萬物資始者釋其乾元稱大之義以萬
 象之物皆資取乾元而各得始生不失其宜所以
 稱大也乃統天者以其至健而為物始以此乃能
 統領於天天是有形之物以其至健能摠統有形
 是乾元之德也雲行雨施品物流形者此二句釋
 亨之德也言乾能用天之德使雲氣流行雨澤施
 布故品類之物流布成形各得亨通无所壅蔽是
 其亨也大明終始六位時成者此二句摠結乾卦
 之德也以乾之為德大明曉乎萬物終始之道始
 則潛伏終則飛躍可潛則潛可飛則飛是明達乎
 始終之道故六爻之位依時而成若其不明終始
 之道應潛而飛應飛而潛應生而殺應殺而生六

位不以時而成也。時乘六龍以御天者。此二句申明乾元乃統天之義。言乾之爲德。以依時乘駕六爻之陽氣。以控御於天體。六龍即六位之龍也。以所居上下言之。謂之六位也。陽氣升降。謂之六龍也。上文以至健元始。揔明乾德。故云乃統天也。此明乘駕六龍。各分其事故。云以御天也。乾道變化。各正性命者。此二句更申明乾元資始之義。道體无形。自然使物開通。謂之爲道。言乾卦之德。自然通物。故云乾道也。變謂後來改前。以漸移改。謂之變也。化謂一有一无。忽然而改。謂之爲化。言乾之爲道。使物漸變者。使物卒化者。各能正定物之性命。性者。天生之質。若剛柔遲速之別。命者。人所稟受。若貴賤夭壽之屬。是也。保合大和。乃利貞者。此二句釋利貞也。純陽剛暴。若无和順。則物不得利。又失其正。以能保安合會大和之道。乃能利貞於萬物。言萬物得利而貞正也。首出庶物。萬國咸寧。

者。自上已來。皆論乾德。自然養萬物之道。此二句
論聖人上法乾德。生養萬物。言聖人爲君。在衆物
之上。最尊高於物。以頭首出於衆物之上。各置君
長。以領萬國。故萬國皆得寧也。人君位實尊高。故
於此云首出於庶物者也。志須卑下。故前經云无
首吉也。但前文說乾用天德。其事既詳。故此文聖
人。以人事象乾。於文略也。以此言之。聖人亦當令
萬物資始。統領於天位。而雲行雨施。布散恩澤。使
兆庶衆物。各流布其形。又大明乎盛衰終始之道。
使天地四時貴賤高下。各以時而成。又任用羣賢
以奉行聖化。使物各正性命。此聖人所以象乾而
立化。注天也。至者邪。正義曰。夫形也者。物之累
也。凡有形之物。以形爲累。是含生之屬。各憂性命。
而天地雖復有形。常能永保无虧。爲物之首。豈非
統用之者至極健哉。若非至健。何能使天形无累。
見其无累。則知至健也。乘變化而御大器者。乘變

化則乘潛龍飛龍之屬是也。而御大器大器謂天也。乘此潛龍飛龍而控御天體所以運動不息故云而御大器也。靜專動直不失大和者謂乾之爲體其靜住之時則專一不轉移也。其運動之時則正直不傾邪也。故上繫辭云夫乾其靜也專其動也直是以大生焉。韓康伯注云專專一也直剛正也不失大和則下文保合大和是也。豈非正性命之情者邪。以乾能正定物之性命故云豈非正性命之情者邪。謂物之性命各有情非天之情也。天本无情何情之有而物之性命各有情也。所稟生者謂之性隨時念慮謂之情。无識无情今據有識而言故稱曰情也。夫子爲彖之體斷明一卦之義體例不同莊氏以爲凡有一十二體今則略舉大綱不可事事繁說。莊氏云彖者發首則歎美卦者則此乾彖云大哉乾元坤卦彖云至哉坤元以乾坤德大故先歎美之乃後詳說其義或有先疊文

解義而後歎者則豫卦彖云豫之時義大矣哉之類是也或有先釋卦名之義後以卦名結之者則同人彖云柔得位得中而應乎乾曰同人大有柔得尊位大中而上下應之曰大有之例是也或有特疊卦名而稱其卦者則同人彖云同人曰同人於野亨注云同人于野亨利涉大川非二之所能也是乾之所行故特曰同人曰此等之屬為文不同唯同人之彖特稱同人曰注又別釋其餘諸卦之彖或詳或略或先或後故上下參差體例不同或難具解或易略解若一一比並曲生節例非聖人之本趣恐學者之徒勞心不曉也今皆略而不言必有其義於卦下而具說象曰天行健君子以自強不息

疏

正義曰此大象也十翼之中第三翼揔象一卦

故謂之大象但萬物之體自然各有形象聖人設卦以寫萬物之象今夫子釋此卦之所象故言象

曰天有純剛。故有健用。今畫純陽之卦。以比擬之。故謂之象。象在彖後者。彖詳而象略也。是以過半之義。思在彖而不在象。有由而然也。天行健者。行者運動之稱。健者強壯之名。乾是衆健之訓。今大象不取餘健爲釋。偏說天者。萬物壯健。皆有衰怠。唯天運動。日過一度。蓋運轉不息。未曾休息。故云天行健。健是乾之訓也。順者坤之訓也。坤則云地勢坤。此不言天行。乾而言健者。劉表云。詳其名也。然則天是體名。乾是用名。健是其訓。三者並見。最爲詳悉。所以尊乾異於他卦。凡六十四卦說象。不同。或惣舉象之所由。不論象之實體。又惣包六爻。不顯上體下體。則乾坤二卦是也。或直舉上下二體者。若雲雷屯也。天地交泰也。天地不交否也。雷電噬嗑也。雷風恒也。雷雨作解也。風雷益也。雷電皆至豐也。沛雷震也。隨風巽也。習坎坎也。明兩作離也。兼山艮也。麗澤兌也。凡此一十四卦。皆惣舉。

兩體而結義也。取兩體俱成。或有直舉兩體上下相對者。天與水違行訟也。上天下澤履也。天與火同人也。上火下澤睽也。凡此四卦。或取兩體相違。或取兩體相合。或取兩體上下相承。而為卦也。故兩體相對而俱言也。雖上下二體共成一卦。或直指上體而為文者。若雲上於天需也。風行天上小畜也。火在天上大有也。雷出地奮豫也。風行地上觀也。山附於地剝也。澤滅木大過也。雷在天上大壯也。明出地上晉也。風自火出家人也。澤上於天夬也。澤上於地萃也。風行水上渙也。水在火上既濟也。火在水上未濟也。凡此十五卦。皆先舉上象而連於下。亦意取上象以立卦名也。亦有雖意在上象而先舉下象以出上象者。地上有水比也。澤上有地臨也。山上有澤咸也。山上有火旅也。木上有水井也。木上有火鼎也。山上有木漸也。澤上有雷歸妹也。山上有水蹇也。澤上有水節也。澤上有

風中孚也。山上有雷，小過也。凡此十二卦，皆先舉下象以出上象，亦意取上象共下象而成卦也。或先舉上象而出下象，義取下象以成卦義者，山下出泉，蒙也。地中有水，師也。山下有風，蠱也。山下有火，賁也。天下雷行，无妄也。山下有雷，頤也。天下有山，遯也。山下有澤，損也。天下有風，姤也。地中有山，謙也。澤中有雷，隨也。地中生木，升也。澤中有火，革也。凡此十三卦，皆先舉上體後明下體也。其上體是，天與山則稱下也。若上體是地，地與澤則稱中也。或有雖先舉下象，稱在上象之下者，若雷在地中，復也。天在山中，大畜也。明入地中，明夷也。澤无水，困也。是先舉下象而稱在上象之下，亦義取下象以立卦也。所論之例者，皆大判而言之。其間委曲各於卦下，別更詳之。先儒所云此等象辭，或有實象，或有假象。實象者，若地上有水，比也。地中生木，升也。皆非虛故言實也。假象者，若天在山中，

風自火出如此之類實无此象假而爲義故謂之假也雖有實象假象皆以義示人揔謂之象也天行健者謂天體之行晝夜不息周而復始无時虧退故云天行健此謂天之自然之象君子以自彊不息此以人事法天所行言君子之人用此卦象自彊勉力不有止息言君子者謂君臨上位子愛下民通天子諸侯兼公卿大夫有地者凡言君子義皆然也但位尊者象卦之義多也位卑者象卦之義少也但須量力而行各法其卦也所以諸卦並稱君子若卦體之義唯施於天子不兼包在下者則言先王也若比卦稱先王以建萬國豫卦稱先王以作樂崇德觀卦稱先王以省方觀民設教噬嗑稱先王以明罰勅法復卦稱先王以至日閉關无妄稱先王以茂對時育萬物渙卦稱先王以享於帝立廟泰卦稱后以時成天地之道姤卦稱后以施命誥四方稱后兼諸侯也自外卦並稱君

子潛龍勿用陽在下也見龍在田德施普也終日

乾乾反復道也

注云以上言之則不驕以下言之則不憂反覆皆道也

或躍在

淵進无咎也飛龍在天大人造也亢龍有悔盈不

可久也

疏

正義曰自此已下至盈不可久是夫子釋六爻之象辭謂之小象以初九陽潛

地中故云陽在下也經言龍而象言陽者明經之稱龍則陽氣也此一爻之象專明天之自然之氣也見龍在田德施普者此以人事言之用龍德在田似聖人已出在世道德恩施能普徧也此初九勿用是其周普也若比九五則猶狹也終日乾乾反復道者此亦以人事言之君子終日乾乾自彊不息故反之與覆皆合其道反謂進反在上也下卦之上能不驕逸是反能合道也覆謂從上倒

覆而下居上卦之下能不憂懼是覆能合道也或躍在淵進无咎者此亦人事言之進則跳躍在上退則潛處在淵猶聖人疑或而在於貴位也心所欲進意在於公非是爲私故進无咎也飛龍在天大人造者此亦人事言之飛龍在天猶聖人之王位造爲也唯大人能爲之而成就也姚信陸績之屬皆以造爲造至之造今案象辭皆上下爲讀則姚信之義其讀非也亢龍有悔盈不可久者此亦人事言之九五盈也盈而不已則至上九而致亢極有悔恨也故云盈不可久也但此六爻象辭第一爻言陽在下是舉自然之象明其餘五爻皆有自然之象舉初以見末五爻並論人事則知初爻亦有人事

用九天德不可爲首也

疏

正義曰此正義曰此一節

釋經之用九之象辭經稱用九故象更疊云用九云天德不可爲首者此夫子釋辭也九是天之德

也。天德剛健，當以柔和接待於下，不可更懷尊剛為物之首。故云：天德不可為首也。文言曰：

元者善之長也，亨者嘉之會也，利者義之和也，貞

者事之幹也。君子體仁足以長人，嘉會足以合禮

利物足以和義，貞固足以幹事。君子行此四德者

故曰乾元亨利貞。疏正義曰：文書者是夫子第七翼也，以乾坤其易之門戶邪。

其餘諸卦及爻皆從乾坤而出，義理深奧，故特作

文言以開釋之。莊氏云：文謂文飾，以乾坤德大故

特文飾以為文言。今謂夫子但贊明易道，申說義

理，非是。文飾華彩，當謂釋二卦之經文，故稱文言。

從此至元亨利貞，明乾之四德為第一節，從初九

曰潛龍勿用至動而有悔，明六爻之義為第二節。

自潛龍勿用下至天下治也。論六爻之人事爲第一節。自潛龍勿用陽氣潛藏至乃見天則論六爻自然之氣爲第四節。自乾元者至天下平也。此一節復說乾元之四德之義爲第五節。自君子以德爲行至其唯聖人乎。此一節更廣明六爻之義爲第六節。今各依文解之。此第一節論乾之四德也。元者善之長也。此已下論乾之四德。但乾之爲體是天之用。凡天地運化自然而爾。因无而生有也。无爲而自爲。天本无心。豈造元亨利貞之德也。天本无名。豈造元亨利貞之名也。但聖人以人事託之。謂此自然之功爲天之四德。垂教於下。使後代聖人法天之所爲。故立天四德以設教也。莊氏云：第一節元者善之長者。謂天之體性。生養萬物。善之大者。莫善於施生。元爲施生之宗。故言元者善之長也。亨者嘉之會者。嘉美也。言天能通暢萬物。使物嘉美之會聚。故云嘉之會也。利者義之和。

者言天能利益庶物使物各得其宜而和同也貞
者事之幹者言天能以中正之氣成就萬物使物
皆得幹濟莊氏之意以此四句明天之德也而配
四時元是物始於時配春春爲發生故下云體仁
仁則春也亨是通暢萬物於時配夏故下云合禮
禮則夏也利爲和義於時配秋秋旣物成各合其
宜貞爲事幹於時配冬冬旣收藏事皆幹了也於
五行之氣唯少土也土則分五四季四氣之行非
土不載故不言也君子體仁足以長人者自此已
下明人法天之行此四德言君子之人體包仁道
凡愛施生足以尊長於人也仁則善也謂行仁德
法天之亢德也嘉會足以合禮者言君子能使萬
物嘉美集會足以配合於禮謂法天之亨也利物
足以和義者言君子利益萬物使物各得其宜足
以和合於義法天之利也貞固足以幹事者言君
子能堅固貞正令物得成使事皆幹濟此法天之

貞也。施於五事言之。元則仁也。亨則禮也。利則義也。貞則信也。不論智者行此四事。並須資於知。且乾鑿度云。水土二行。兼信與知也。故略知不言也。君子行此四德者。故曰乾元亨利貞。以君子之人當行此四種之德。是以文王作易。稱元亨利貞之德。欲使君子法之。但行此四德。則與天同功。非聖人不可。唯云君子者。但易之為道。廣為垂法。若限局聖人。恐不逮餘下。故摠云君子。使諸侯公卿之等。悉皆行之。但聖人行此四德。能盡其極也。君子行此四德。各量力而為多少。各有其分。但乾卦象天。故以此四德皆為天德。但陰陽合會二象相成。皆能有德。非獨乾之一卦。是以諸卦之中。亦有四德。但餘卦四德有劣於乾。故乾卦直云四德。更无所言。欲見乾之四德。无所不包。其餘卦四德之下。則更有餘事。以四德狹劣。故以餘事繫之。即坤卦之類是也。亦有四德之上。即論餘事。若革卦云。已

日乃孚元亨利貞悔云也由乃孚之後有元亨利貞乃得悔亡也有四德者即乾坤屯臨隨无妄革七卦是也亦有其卦非善而有四德者以其卦凶故有四德乃可也故隨卦有元亨利貞乃得无咎是也四德具者其卦未必善也亦有三德者即離咸萃兌渙小過凡六卦就三德之中為文不一或摠稱三德於上更別陳餘事於下若離咸之屬是也就三德之中上下不一離則云利貞亨由利貞乃得亨也亦有先云亨更陳餘事乃始云利貞者以有餘事乃得利貞故也有二德者大有蠱漸大畜升困中孚凡七卦此二德或在事上言之或在事後言之由後有事乃致此二德故也亦有一德者若蒙師小畜履泰謙噬嗑賁復大過震豐節既濟未濟凡十五卦皆一德也並是亨也或多在事上言之或在事後者履卦云履虎尾不咥人亨由有事乃得亨以前所論德者皆於經文挺然特明

德者乃言之也。其有因事相連而言德者，則不數之也。若需卦云：需有孚，光亨，貞吉。雖有亨，貞二德連事起文，故不數也。遯卦云：亨，小利，貞。雖有三德，亦不數也。旅卦云：旅，小亨，旅，貞吉。雖有亨，貞二德亦連他事，不數也。比卦云：原筮，元永貞，无咎，吝。否卦云：否之匪人，不利，君子貞。雖有貞字，亦連他文言之。又非本卦德，亦不數之。同人云：同人於野，亨，坎卦云：有孚，維心亨，攸利。云：无咎，可貞。此等雖有一德，皆連事而言之，故亦不數。所以然者，但易舍萬象，事義非一，隨時而變，不可為典要故也。其有意義各於卦下詳之，亦有卦善而德少者。若泰與謙復之類，雖善唯一德也，亦有全无德者。若豫觀剝，晉蹇解，夬姤井艮歸妹，凡十一卦也。大略唯有凶卦无德者。若剝蹇夬姤之屬是也。亦有卦善而无德者。晉解之屬是也。各於卦下詳之。凡四德者，亨之與貞，其德特行若元之與利，則配連他事，其意

以元配亨以利配貞雖配他事爲文元是元大也
始首也利是利益也合和也以當分言之各是其
一德也唯配亨貞俱爲四德元雖配亨亦配他事
故此卦云元永貞坤六五黃裳元吉是也利亦非
獨利貞亦所利餘事多矣若利涉大川利建侯利
見大人利君子貞如此之屬是利字所施處廣故
諸卦謂他事之利不數以爲德也此四德非唯卦
下有之亦於爻下言之但爻下其事稍少故黃裳
元吉及何天之衢亨小貞吉大貞吉初九曰潛龍
此皆於爻下言之其利則諸爻皆有初九曰潛龍
勿用何謂也子曰龍德而隱者也不易乎世注云
世俗所不成乎名遯世无悶不見是而无悶樂則行
移易也之憂則違之確乎其不可拔潛龍也
正義曰此
第二節釋

初九爻辭也。初九曰：潛龍勿用，何謂也？者此夫子
疊經初九爻辭，故言初九曰：方釋其義，假設問辭。
故言潛龍勿用，何謂也？子曰：龍德而隱者也。此夫
子以人事釋潛龍之義，聖人有龍德，隱居者也。不
易乎世者，不移易其心，在於世俗，雖逢險難，不
本志也。不成乎名者，言自隱默，不成就於令名，使
人知也。遯世无悶者，謂遯避世，雖逢无道，心无
所悶，不見是而无悶者，言舉世皆非，雖不見善，而
心亦无悶。上云：遯世无悶，心處僻陋，不見是而无
悶。此因見世俗行惡，是亦无悶，故再起无悶之文。
樂則行之，憂則違之者，心以爲樂，已則行之，心以
爲憂，已則違之，確乎其不可拔者，身雖逐物推移，
潛隱避世，心守道確乎堅實。九二曰：見龍在田，利
其不可拔。此是潛龍之義也。九二曰：見龍在田，利
見大人，何謂也？子曰：龍德而正中者也。庸言之信，

庸行之謹閑邪存其誠善世而不伐德博而化易

曰見龍在田利見大人君德也

疏

正義曰此釋九二爻辭子曰龍

德而正中者九二居中不偏然不如九五居尊得位故但云龍德而正中者也庸言之信庸行之謹者庸謂中庸庸常也從始至末常言之信實常行之謹慎閑邪存其誠者言防閑邪惡當自存其誠實也善世而不伐者謂為善於世而不自伐其功德博而化者言德能廣博而變化於世俗初爻則全隱遯避世二爻則漸見德行以化於俗也若舜漁於雷澤陶於河濱以器不窳民漸化之是也易曰見龍在田利見大人君德者以其異於諸爻九故特稱易曰見龍在田未是君位但云君德也

三曰君子終日乾乾夕惕若厲无咎何謂也子曰

君子進德脩業忠信所以進德也脩辭立其義所

以居業也知至至之可與幾也知終終之可與存

義也

注云處一體之極是至也居一卦之盡是終也處事之至而不犯咎知至者也故可與成務矣

處終而能全其終知終者也夫進物之速者義不若利存物之終者利不及義故靡不有初鮮克有終夫可與存義者其唯知終者乎

是故居上位而不驕在下位而

不憂

注云居下體之上在上體之下明夫終敝故不驕也知夫至至故不憂也故乾乾因

其時而惕雖危无咎矣

注云惕怵惕之謂也處事之極失時則廢辭急則曠故因

其時而惕雖危无咎

疏

正義曰此釋九三爻辭也子曰君子進德脩業者德謂德行業謂功業九

三所以終日乾乾匪懈也進德則知至將進也脩業則知終
日乾乾匪懈也進德則知至將進也脩業則知終
存義也忠信所以進德者復解進德之事推忠於
人以信待物人則親而尊之其德日進是進德也
脩辭立其誠所以居業者辭謂文教誠謂誠實也
外則脩理文教內則立其誠實內外相成則有功
業可居故云居業也上云進德下復云進德上云
脩業下變云居業者以其間有脩辭之文故避其
脩文而云居業且功業宜云居也知至之可與
幾者九三處一體之極方至上卦之下是至也既
居上卦之下而不犯凶咎是知至也既能知是將
至則是識幾知理可與共論幾事幾者去无入有
有理而未形之時也九三既知時節將至知理
到可與共營幾也知終終之可與存義者居一體
之盡而全其終竟是知終也既能知此終竟是有
盡之時可與保存其義義者宜也保全其位不有

失喪於事得宜九三既能知其自全故可存義然
九三唯是一爻或使之欲進知幾也或使之欲退
存義也一進一退其意不同以九三處進退之時
若可進則進可退則退兩意並行是故居上位而
不驕者謂居下體之上位而不驕也以其知終故
不敢懷驕慢在下位而不憂者處上卦之下故稱
下位以其知事將至務幾欲進故不可憂也故乾
乾因其時而惕雖危无咎者九三以此之故恒乾
乾也因其已終已至之時而心懷惕懼雖危不寧
以其知終知至故无咎注處一體至知終者乎
正義曰處一體之極是至也者莊氏云極即至也
三在下卦之上是至極褚氏云一體之極是至者
是下卦已極將至上卦之下至謂至上卦也下云
在下位而不憂注云知夫至至故不憂此以人事
言之既云下位明知在上卦之下欲至上卦故不
憂是知將至上卦若莊氏之說直云下卦上極是

至極儻元上卦之體何可至也何須與幾也是知
至者據上卦爲文莊說非也處事之至而不犯咎
是知至者謂三近上卦事之將至能以禮知屈而
不觸犯上卦之咎則是知事之將至故可與成務
者務謂事務既識事之先幾可與以成其事務與
猶許也言可許之事不謂此人共彼相與也進物
之速者義不若利者利則隨幾而發見利則行也
義者依分而動不妄求進故進物速疾義不如利
由義靜而利動故也存物之終者利不及義者保
全已成之物不妄興動故利不及義也故靡不有
初鮮克有終者見利則行不顧在後是靡不有初
不能守成其業是鮮克有終注明夫至不憂也
正義曰明夫終敝故不驕者解知終也知夫至至
故不憂者解知至也前經知至在前知終在後此
經先解知終後解知至者隨文便而言之也注
處事至无咎正義曰處事之極失時則廢者謂三

在下卦之上體是處事之極至也若失時不進則幾務廢闕所以乾乾須進也懈怠則曠者既處事極極則終也當保守已終之業若懈怠驕逸則功業空曠所以乾乾也失時則廢解知至也懈怠則曠解知終也九四曰或躍在淵无咎何謂也子曰上下

无常非為邪也進退无恒非離羣也君子進德脩

業欲及時也故无咎

疏

正義曰此明九四爻辭也子曰上下无常非為邪者

上而欲躍下而欲退是无常也意在於公非是為邪也進退无恒非離羣者何氏云所以進退无恒者時使之然非苟欲離羣也何氏又云言上下者據位也進退者據爻也所謂非離羣者言雖進退无恒猶依羣衆而行和光俯仰並同於衆非是卓絕獨離羣也君子進德脩業欲及時者進德則欲

上欲進也。脩業則欲下，欲退也。進者棄位，欲退是進德之謂也。退者仍退在淵，是脩業之謂也。其意與九三同，但九四於前進多於九三，故云欲九五及時也。九三則不云及時，但可與言幾而已。曰：飛龍在天，利見大人，何謂也？子曰：同聲相應，同氣相求，水流濕，火就燥，雲從龍，風從虎，聖人作而萬物覩，本乎天者親上，本乎地者親下，則各從其

類也。

疏

正義曰：此明九五爻之義，同聲相應已下至各從其類也。飛龍在天者，言天能廣感

衆物，衆物應之，所以利見大人。因大人與衆物感應，故廣陳衆物相感應，以明聖人之作而萬物瞻覩，以結之也。同聲相應者，若彈宮而宮應，彈角而角動是也。同氣相求者，若天欲雨而柱礎潤是也。

此二者聲氣相感也。水流濕，火就燥者，此二者以
形象相感。水流於地，先就濕處；火焚其薪，先就燥
處。此同氣。水火皆无識，而相感。先明自然之物，故
發初言之也。雲從龍，風從虎者，龍是水畜，雲是水
氣，故龍吟則景雲出，是雲從龍也。虎是威猛之獸，
風是震動之氣，此亦是同類相感，故虎嘯則谷風
生，是風從虎也。此二句明有識之物，感无識，故以
次言之。漸就有識而言也。聖人作而萬物覩者，此
二句正釋飛龍在天，利見大人之義。聖人作則飛
龍在天也。萬物覩則利見大人也。陳上數事之名，
本明於此，是有識感有識也。此亦同類相感。聖人
有生養之德，萬物有生養之情，故相感應也。本乎
天者親上，本乎地者親下者，在上雖陳感應，唯明
數事而已。此則廣解天地之間，共相感應之義。莊
氏云：天地網緼，和二氣共生萬物，然萬物之體
有感於天氣，偏多者有感於地氣，偏多者故同遭

大宗伯有天子地產大司徒云動物植物本受氣
於天者是動物含靈之屬天體運動含靈之物亦
運動是親附於上也本受氣於地者是植物无識
之屬地體凝滯植物亦不移動是親附於下也則
各從其類者言天地之間共相感應各從其氣類
此類因聖人感萬物以同類故以同類言之其造
化之性陶甄之器非唯同類相感亦有異類相感
者若磁石引針琥珀拾芥蠶吐絲而商弦絕銅山
崩而洛鐘應其類煩多難一一言也皆冥理自然
不知其所以然也感者動也應者報也皆先者為
感後者為應非唯近事則相感亦有遠事遙相感
者若周時獲麟乃為漢高之應漢時黃星後為曹
公之兆感應之事廣非片言可悉
今意在釋理故略舉大綱而已

上九曰亢龍有悔

何謂也子曰貴而无位高而无民

注云下无陰也

賢人在

下位而无輔

注云賢人雖在下而當位不爲之助

是以動而有悔也

注云

處上卦之極而不當位故盡陳其闕也獨立而動物莫之與矣乾文書首不論乾而先說元下乃曰乾何也夫乾者統行四事者也君子以自強不息行此四者故首不論乾而下曰乾元亨利貞餘爻皆說龍至於九三獨以君子爲目何也夫易者象也象之所生生於義也有斯義然後明之以其物故以龍敘乾以馬明坤隨其事義而取象焉是故初九九二龍德皆應其義故可論龍以明之也至於九三乾乾夕惕非龍德也明以君子當其象矣統而舉之乾體皆龍別而敘之各隨其義
曰此明上九爻辭也子曰貴而无位者以上九非位而上九居之是无位也高而无民者六爻皆无陰是无民也賢人在下位而无輔者賢人雖在下位不爲之輔助也是以動而有悔者聖人設誠居

此之時不可動作也注處上至其義正義曰夫

乾者統行四事者也君子以自強不息行此四者

注意以乾為四德之主文言之首應先說乾而先

說四德者故自發問而釋之以乾體當分元功唯

統行此四德之事行此四德乃是乾之功故文

先說君子以自強不息行此四德者故先言之發

首不論乾也但能四德既備乾潛龍勿用下也見

功自成故下始云乾元亨利貞

龍在田時舍也終日乾乾行事也或躍在淵自試

也飛龍在天上治也亢龍有悔窮之災也乾元用

九天下治也

注云此一章全以人事明之也九陽也陽剛直之物也夫能全用剛直放達華

柔非天下至理未之能也故乾元用九則天下

也夫識物之動則其所以然之理皆可知也龍之

爲德不爲妄者也。潛而勿用，何乎？必窮處於下，見而在田，必以時之通舍也。以爻爲人，以位爲時，人不妄動，則時皆可知也。文王明夷，**疏**正義曰：此則主可知矣。仲尼旅人，則國可知矣。**疏**一節是文。言第三節說六爻人事所治之義，潛龍勿用下也。者言聖人於此潛龍之時，在卑下也。見龍在田，時舍者，舍謂通舍九二，以見龍在田是時之通舍也。終日乾乾，行事者言行此知至知終之事也。或躍在淵，自試者言聖人逼近五位，不敢果決而進，唯漸漸自試，意欲前進，遲疑不定，故云自試也。飛龍在天，上治者言聖人居上位而治理也。亢龍有悔，窮之災者言位窮而致災，災則悔也。非爲大禍災也。乾元用九，天下治者，易經上稱用九，用九之文，揆是乾德，又乾字不可獨言，故舉元德以配乾也。言此乾元用九德，而天下治，九五止是一爻，觀見事狹，但云上治，乾元揔包六爻，觀見事闊，故云天

下治注此一章至可知也正義曰此一章全以
人事明之者下云陽氣潛藏又云乃位乎天德又
云乃見天則此一章但云天下治是皆以人事說
之也夫能全用剛直放遠善柔非天下至理未之
能也者以乾元用九六爻皆陽是全用剛直放遠
善柔謂放棄善柔之人善能柔諂貌恭心恨當作
使人不知其惡識之為難此用九純陽者是全用
直更无餘陰柔善之人堯尚病之故云非天下之至
理未之能也夫識物之動則其所以然之理皆可
知者此欲明在下龍潛見之義故張氏云識物之
動謂龍之動也則其所以然之理皆可知者謂識
龍之所以潛所以見然此之理皆可知也龍之為
德不為妄者言龍靈異於他獸不妄舉動可潛則
潛可見則見是不虛妄也見而在田必以時之通
舍者經唯云時舍也注云必以時之通舍者則輔
嗣以通解舍舍是通義也初九潛藏不見九二既

見而在田是時之通舍之義也以爻爲人以位爲時者爻居其位猶若人遇其時故文王明夷則主可知矣主則時也謂當時无道故明傷也仲尼旅人則國可知矣國亦時也若見仲尼羈旅於人則知國君无道令其羈旅出外引義潛龍勿用陽氣潛文主仲尼者明龍潛龍見之義

藏見龍在田天下文明終日乾乾與時偕行與天俱

不息或躍在淵乾道乃革飛龍在天乃位乎天德元

龍有悔與時偕極與時運俱終極乾元用九乃見天則注云此一

章全說天氣以明之也九剛直之物唯乾疏正義體能用之用純剛以觀天天則可見矣曰此

一節是文言第四節明六爻天氣之義天下文明者陽氣在田始生萬物故天下有文章而光明也

與時偕行者此以天道釋爻象也所以九三乾乾
不息終日自戒者同於天時生物不息言與時偕
行也偕俱也諸儒以為建辰之月萬物生長不有
止息與天時而俱行若以不息言之是建寅之月
三陽用事三當生物之初生物不息同於天時生
物不息故言與時偕行也乾道乃革者去下體入
上體故云乃革也乃位乎天德者位當天德之位
言九五陽居於天照臨廣大故云天德也乃見天
則者陽是剛亢之物能用此純
剛唯天乃然故云乃見天則
乾元者始而亨者

也利貞者性情也

注云不為乾元何能通物之始不
性其情何能久行其正是故始而

亨者必乾元也利
而正者必性情也

乾始能以美利利天下不言所

利大矣哉大哉乾乎剛健中正純粹精也六爻發

揮旁通情也時乘六龍以御天也雲行雨施天下

平也

疏

正義曰此一節是第五節復明上初章及乾四德之義也乾元者始而亨者也以乾

非自當分有德以元亨利貞為德元是四德之首故夫子怕以元配乾而言之欲見乾元相將之義也以有乾之元德故能為物之始而亨通也此解元亨二德也利貞者性情也者所以能利益於物而得正者由性制於情也乾始能以美利利天下不言所利大矣哉者此復說始而亨利貞之義乾始謂乾能始生萬物解元也能以美利利天下解利也謂能以生長美善之道利益天下也不復說亨貞者前文亨既連始貞又連利舉始舉利則通包亨貞也不言所利大矣哉者若坤卦云利牝馬之貞及利建侯利涉大川皆言所利之事此直云利貞不言所利之事欲見无不利也非唯止一事

而已故云不言所利大矣哉其實此利為无所不利此貞亦无所不貞是乾德大也大哉乾乎剛健中正純粹精者此正論乾德不兼通元也故直云大哉乾乎剛健中正謂純陽剛健其性剛強其行勁健中謂二與五也正謂五與三也故云剛健中正六爻俱陽是純粹也純粹不雜是精靈故云純粹精也六爻發揮旁通情者發謂發越也揮謂揮散也言六爻發揮旁通萬物之情也時乘六龍以御天者重取乾彖之文以贊美此乾之義雲行雨施天下平者言天下普得其利而均平不偏陂注不為至性情也正義曰乾之元氣其德廣大故能徧通諸物之始若餘卦元德雖能始生萬物德不周普故云不為乾元何能通物之始其實坤元亦能通諸物之始以此文言論乾元之德故注連言乾元也不性其情何能久行其正者性者天生之質正而不邪情者性之欲也言若不能以

性制情使其情如性則不能久行其正其六爻發
揮之義案略例云爻者言乎變者也故合散屈伸
與體相乖形躁好靜質柔愛剛體與情反質與願
違是爻者所以明情故六爻發散旁通萬物之情
輔嗣之意以初為无用地土為盡末之境其居
位者啍二三四五故繫辭啍論此四爻初末雖无
正位統而論之爻亦始末之位故乾彖云六位時
成二四為陰位陰居為得位陽居為失位三五為
陽位陽居為得位陰居為失位略例云陽之所求
者陰也陰之所求者陽也一與四二與五三與上
若一陰一陽為有應若俱陰俱陽為无應此君子
其六爻之大略其義具於繫辭於此略言之君子
以成德為行日可見之行也潛之為言也隱而未
見行而未成是以君子弗用也疏正義曰此一節
是末言第六節

更復明六爻之義。此節明初九爻辭。周氏云。上第
六節。乾元者始而亨者也。是廣明乾與四德之義。
此君子以成德爲行。亦是第六節明六爻之義。總
屬第六節。不更爲第七節義。或當然也。君子以成
德爲行者。明初九潛龍之義。故先開此語也。言君
子之人。當以成就道德爲行。令其德行彰顯。使人
日可見其德行之事。此君子之常也。不應潛隱。所
以今日潛者。以時未可見。故須潛也。潛之爲言也。
隱而未見。行而未成。此夫子解潛龍之義。此經中
潛龍之言。是德之幽隱而未宜見。所行之行未可
成就。是以君子弗用者。德既幽隱。行又未成。是君
子於時不用。以逢衆陰未可用也。周氏云。德出於
己。在身內之物。故云成行被於人。在外之事故云
爲行。下文即云。行而未成。是行亦稱成。周氏之說
恐義非也。成德爲行者。言君子成就道德。君子學以
德。以其行其成德爲行。未必文相對。君子學以

聚之問以辯之

注云以君德而處下體資納於物者也

寬以居之仁以

行之易曰見龍在田利見大人君德也

疏正義曰此復明

九二之德君子學以聚之者九二從微而進未

君位故且習學以畜其德問以辯之者學有未了

更詳問其事以辯決於疑也寬以居之者當用寬

裕之道居處其位也仁以行之者以仁恩之心行

之被物易曰見龍在田利見大人君德者既陳其

德於上然後引易本文以結之易之所云是君德

寬以居之仁以行之是九三重剛而不中上不在

也但有君德未是君位

天下不在田故乾乾因其時而惕雖危无咎矣

疏

正義曰此明九三爻辭上之初九九二皆豫陳其

德於上不發首云初九九二此九三九四則發首

先言九三九四其九五全不引易文上九則發首
云亢之爲言也上下不爲例者夫子意在釋經義
便則言以潛見須言其始故豫張本於上三四俱
言重剛不中恐其義同故並先云爻位并重剛不
中之事九五前章已備故不復引易但云大人也
上九亦前章備顯故此直言亢之爲言也案初九
云潛之爲言上爻云亢之爲言獨二爻云言者
氏以初上居无位之地故稱言也其餘四爻是有
位故不言義或然也重剛者上下俱陽故重剛
也不中者不相二五之位故不中也上不在天謂
非五位下不在田謂非二位也故乾乾因其時而
惕雖危无咎矣者居危之地以乾乾夕惕戒懼不
息得无九四重剛而不中上不在天下不在田中
不在人故或之或之者疑之也故无咎

疏

正義曰
此明九

四爻辭也。其重剛不中，上不在天，下不在田，並與
九三同也。中不在人者，三之與四俱為人道，但人
道之中，人下近於地，上遠於天。九三近二是下近
於地，正是人道，故九三不云中不在人。九四則上近
於天，下遠於地，非人所處，故特云中不在人。故
或之者，以其上下无定，故心惑之也。或之者，疑之
也者，此夫子釋經或字，經稱或是疑惑之辭，欲作
欲退猶豫不定，故疑之也。九三中雖在人，但位卑
近下，向上為難，故危惕其憂深也。九四則陽德
漸盛，去五彌近，前進稍易，故但疑惑憂則淺也。夫
大人者，與天地合其德，與日月合其明，與四時合
其序，與鬼神合其吉凶。先天而天弗違，後天而奉
天時，天且弗違，而況於人乎？況於鬼神乎？

疏

正義曰：此

明九五爻辭但上節明大人與萬物相感此論大
人之德无所不合廣言所合之事與天地合其德
者莊氏云謂覆載也與日月合其明者謂照臨也
與四時合其序者若賞以春夏刑以秋冬之類也
與鬼神合其吉凶者若福善禍淫也先天而天弗
違者若在天時之先行事天乃在後不違是天合
大人也後天而奉天時者若在天時之後行事能
奉順上天是大人合天也天且弗違而況於人乎
況於鬼神乎者夫子以天且不違遂明大人之德
言尊而遠者尚不違況小而近者可有違乎況於
人乎況於鬼神乎
亢之爲言也知進而不知退知存而不
知亡知得而不知喪其唯聖人乎知進退存亡而
不失其正者其唯聖人乎

疏

正義曰此明上九之
義也知進而不知退

知存而不知亡。知得而不知喪者。言此上九。其
亢極有悔者。正由有此三事。若能三事備知。雖
上位不至於亢也。此設誠辭。莊氏云。進退據心存
亡。據身得喪。據位。其唯聖人乎。知進退存亡者。
唯聖人。乃能知進退存亡也。何不云得喪者。得喪
輕於存亡。舉重略輕也。而不失其正者。其唯聖人
乎。者。聖人非但只知進退存亡。又能不失其正道。
其唯聖人乎。此經再稱其唯聖人乎者。上稱聖人
為知進退存亡。發文下稱其唯聖人乎者。為不失
其正。發文。言聖人非但知進退存亡。又能不失其
正。故再發聖人之文也。

上右京亮藤原憲忠寄進

周易注疏卷第一 其月二十一日陸子遺三山東憲傳標

三

周易注疏卷第二

國子祭酒上護軍曲阜縣開國子臣孔穎達奉

勅撰

三三坤下坤元亨利牝馬之貞

注云坤貞之所利利於牝馬也馬在下而

行者也而又牝馬順之至也至順而後乃亨故唯利於牝馬之貞

君子有攸往先

迷後得主利西南得朋東北喪朋安貞吉

西南致養之地

與坤同道者也故曰得朋東北反西南者也故曰喪朋陰之為物必離其黨之於類而後獲安貞

吉



正義曰此一節是文王於坤卦之下陳坤德之辭但乾坤合體之物故乾後次坤言

利

地之為體亦能始生萬物各得亨通故云元亨要
 乾同也利牝馬之貞者此與乾異乾之所利利於
 萬事為貞此唯云利牝馬之貞坤是陰道當以柔
 順為貞假借柔順之象以明柔順之德也牝對牡
 為柔馬對龍為順假借此柔順以明柔道故云利
 牝馬之貞牝馬外物自然之象此亦聖人因坤元
 亨利牝馬之貞自然之德以垂教也不云牛而云
 馬者牛雖柔順不能行地无疆无以見坤廣生之
 德馬雖比龍為劣所行亦能廣遠象地之廣育君
 子有攸往者以其柔順利貞故君子利有所往先
 迷後得主利者以其至陰當待唱而後和凡有所
 為若在物之先即速惑若在物之後即得主利以
 陰不可先唱猶臣不可先君卑不可先尊故也西
 南得朋者此假象以明人事西南坤位是陰也今
 以陰詣陰是得朋俱是陰類不獲吉也猶人既陰
 陰柔之行又向陰柔之所是純陰柔弱故非吉也

學

校

東北喪朋安貞吉者西南既為陰東北及西南即
為陽也以柔順之道往諄於陽是喪失陰朋故得
安靜貞正之吉以陰而兼有陽故也若以人事言
之象人臣離其黨而入君之朝女子離其家而入
夫之室莊氏云先迷後得主利者唯據臣事君也
得朋喪朋唯據婦適夫也其理褊狹非易弘通之
道注坤貞至牝馬之貞正義曰至順而後乃身
故唯利於牝馬之貞者案牝馬是至順牝馬在元
亨之下在貞之上應云至順而後乃貞今云至順
而後乃亨倒取上文者輔嗣之意下句既云牝馬
之貞避此貞文故云乃亨但亨貞相將之物故云
至順之貞亦是至順之亨此坤德以牝馬至順乃
得貞也下文又云東北喪朋去陰就陽乃得貞吉
上下義反者但易舍萬象一屈一伸此句與乾相
對不可純剛敵乾故利牝馬下句論凡所交接不
可純陰當須剛柔交錯故喪朋吉也注西南至

貞吉正義曰坤位在西南說卦云坤也者地也萬物皆致養焉坤既養物若向西南與坤同道也陰之為物必離其黨之於反類而後獲安貞吉者若二女同居其志不同必之於陽是之于反類乃得吉也凡言朋者非啍心為其黨性行相同亦為其黨假令人是陰柔而之剛正亦是離其黨豕

曰至哉坤元萬物資生乃順承天坤厚載物德合

元疆含弘光大品物咸亨牝馬地類行地无疆注云地之

所以得无疆者以卑順行之故柔順利貞君子攸

行先迷失道後順得常西南得朋乃與類行東北

喪朋乃終有慶安貞之吉應地无疆注云地也者形之名也坤也者

公

用

用地者也。夫兩雄必爭，二主必危。有地之形，與剛健爲耦，而能永保无疆，用之者不亦至順乎？若夫行之，不以牝馬利之，不以永貞方，而又剛柔而又圓，求安難矣。

疏 正義曰：至哉无疆，此五句揔明坤義。及元德之首也，但元是坤德之首，故連言之。猶乾之元德與乾相連，共文也。至哉，坤元者，歎美坤德，故云至哉。至謂至極也。言地能生養至極，與天同也。但天亦至極，包籠於地，非但至極又大於地，故乾言大哉。坤言至哉，萬物資生者，言萬物資地而生，初稟其氣，謂之始成。形謂之生，乾本氣初，故云資始。坤據成形，故云資生。乃順承天者，乾是剛健，能統領於天，坤是陰柔，以和順承奉於天，坤厚載物，德合无疆者，以其廣厚故能載物，有此生長之德，合會无疆。凡言无疆者，其有二義：一是廣博，无疆二是長久，无疆也。自此已上，論坤元之德也。含弘光大，品物咸亨者，包含

弘厚光著盛大故品類之物皆得亨通但坤比乾
即不得大名若比衆物其實大也故曰含弘光大
者也此二句釋亨也牝馬地類行地无疆者以
柔順故云地類以柔順爲體終无禍患故行地无
疆不復窮已此二句釋利貞也故上文云利牝馬
之貞是也柔順利貞君子攸行者重釋利貞之義
是君子之所行兼釋前文君子有攸往先迷失道
者以陰在物之先失其爲陰之道後順得常者以
陰在物之後陽唱而陰和乃得主利是後順得常
西南得朋乃與類行者以陰而造坤位是乃與類
俱行東北喪朋乃終有慶者以陰而詣陽初雖離
群乃終久有慶善也安貞之吉應地无疆者安謂
安靜貞謂貞正地體安靜而貞正人若得靜而能
正即得其吉應合地之无疆是慶善之事也注
若夫行至難矣正義曰行之不以牝馬牝馬謂柔
順也利之不以永貞永貞謂貞固剛正也言坤既

至柔順而利之，即不兼剛正也。方而又剛者，言體
既方正而性又剛強，即太剛也。所以須牝馬也。柔
而又圓者，謂性既柔順，體又圓曲，謂太柔也。故須
永貞也。若其坤无牝馬，又无永貞，求安難矣。云永
貞者，是下用六爻辭也。東北
喪朋去陰就陽，是利之永貞。
象曰：地勢坤注云：地勢不順其勢
君子以厚德載物**䷁**正義曰：君子用此地之
厚德，容載萬物，言君子
者亦包公卿諸侯之等，但厚德載物，隨分多少，非
如至聖載物之極也。注：地形不順其勢，順正義
曰：地體方直，是不順也。
其勢承天，是其順也。
初六：履霜，堅冰至。注云：始於履霜至于
堅冰，所謂至柔而動也。剛陰之為道，本於卑弱，而
後積著者也。故取履霜以明其始陽之為物，非其
於始，以至於著者也。故以
出處明之，則以初為潛。
䷁正義曰：初六陰氣之微，似若初寒之

始但履踐其霜微而積漸故堅冰乃至義取所謂
陰道初雖柔順漸積著乃至堅剛凡易者象也
以物象而明人事若詩之比喻也或取天地陰陽
之象以明義者若乾之潛龍見龍坤之履霜堅冰龍
戰之屬是也或取萬物雜象以明義者若屯之六
三即鹿无虞六四乘馬班如之屬是也如此之類
易中多矣或直以人事不取物象以明義者若乾
之九三君子終日乾乾乾坤之六三含章可貞之
是也聖人之意可以取象者則取象也可以取人
事者則取人事也故文言注云至於九三獨以君
子爲目者何也乾乾夕惕非龍象曰履霜堅冰陰
德也故以人事明之是其義也

始疑也馴致其道至堅冰也

疏

正義曰夫子所作象辭元在六

爻經辭之後以自卑退不敢干亂先聖正經之辭
及至輔嗣之意以爲象者本釋經文宜相附近其

義易了故分爻之象辭各附其當爻下言之猶如
元凱注左傳分經之年與傳相附陰始疑也者釋

履霜之義言陰氣始凝結而為霜也馴致其道至
堅冰也者馴猶狎順也若鳥獸馴狎然言順其陰

柔之道習而不已乃至堅冰也褚氏云履霜者從
初六至六三堅冰者從六四至上六陰陽之氣无

為故積馴履霜必至於堅冰以明人事有為不可
不制其節度故於履霜而逆以堅冰為戒所以防

漸慮微慎六二直方大不習无不利注云居中得
正極於地

任其自然而物自生不假脩營象曰六二之動直
而功自成故不習焉而无不利

以方也動而直方不習无不利地道光也疏正
義

曰直方大不習无不利者文言云直其正也二得
其位極地之質故亦同地也俱包三德生物不邪

謂之直也。地體安靜，是其方也。无物不載，是其大也。既有三德，極地之美，自然而生，不假脩營，故云不習。无不利，物皆自成，无所不利，以此爻居中得位，極於地體，故盡極地之義。此因自然之性，以明人事，居在此位，亦當如地之所為。象曰：六二之動，直以方者，言六二之體所有興動，任其自然之性，故云直以方也。不習，无不利，地道光者，言所以不假脩營，物无不利，猶地道光大故也。注：居中至地質，正義曰：質謂形質，地之形質，直方又大。此六二居中得正，是盡極地之體質也，所以直者，言氣至即生物，由是體正直之性，其運動生物之時，能任其質性，直而且方，故象云：六二之動，直以方也。注：動而至質也。正義曰：是質以直方，動又直方，是質之與行，內外相副，物有內外，不相副者，故略例云：形躁好靜，質柔愛剛，此之類是也。六三含章可貞，或從王事，先

成有終

注云三處下卦之極而不疑於陽應斯義者也。不為事始須唱乃應待命乃發含美而可

正者也。故曰含章可貞也。有事則從不敢為首。故曰或從王事也不為事主。順命而終。故曰无成有

終也。象曰含章可貞以時發也。或從王事知光大也。

注云知慮光大故不擅其美。

疏

正義曰含章可貞者六三處下卦之極而能不被疑於陽章美

也。既居陰極能自降退不為事始。唯内含章美之道待命乃行可以得正。故曰含章可貞。或從王事

无成有終者言六三為臣或順從於王事故不敢為事之首。主成於物。故云无成。唯上唱下和奉行

其終。故云有終。象曰含章可貞以時發者。夫子釋含章之義以身居陰極不敢為物之首。但内含章

美之道待時而發是以時發也。或從王事知光大者釋无成有終也。既隨從王事不敢主成物始。但

奉終而行是知慮光大不自擅其美唯奉於上

注三處至有終也正義曰三處下卦之極者欲見

三雖陰爻其位尊也不疑於陽者陰之尊極將與

陽敵體心被陽所忌今不被疑於陽言陽不害也

應斯義者斯此也若能應此義唯行含章可六四

貞已下之事乃應斯義此爻全以人事明之六四

括囊无咎无譽

注云處陰之卦以陰居陰履非中位无直方之質不造陽事无含章之美

括結否閉賢人乃隱

施慎則可非素之道

象曰括囊无咎慎不害也疏

正義曰括結也囊所以貯物以譬心藏知也閉其

知而不用故曰括囊功不顯物故曰无譽不與物

忤故曰无咎象曰慎不害者釋所以括囊无咎之

義由其謹慎不與物競故不被害也注處陰至

之道正義曰不造陽事无含章之美者六三以陰

居陽位是造為陽事但不為事始待唱乃行是陽

事猶在故云含章章即陽之美也。今六四以陰處陰內无陽事是不造陽事无含章之美。當括結否閉之時是賢人乃隱唯施。六五黃裳元吉。注方黃中

謹慎則可。非通泰之道也。下之飾也。坤為臣道。美盡於下。夫體无剛健而能極物之情通理者也。以柔順之德處於盛位任夫文理者也。垂黃裳以獲元吉。非用武者也。象曰黃極陰之盛。不至疑陽以文在中。美之至也。

裳元吉。文在中也。

注云用黃裳而獲元吉以文在中也。

疏

正義曰黃裳元吉者

黃是中之色。裳是下之飾。坤為臣道。五居君位。是臣之極貴者也。能以中和通於物理。居於臣職。故云黃裳元吉。元大也。以其德能如此。故得大吉也。象曰黃裳元吉。文在中者。釋所以黃裳元吉之義。以其文德在中。故也。既有中和。又奉臣職。通達文理。故云文在中。言不用威武也。注黃中至美之

至也正義曰黃中之色裳下之飾者左氏昭十二年傳文也裳下之飾則上衣比君下裳法臣也垂黃裳以獲元吉非用武者以體先剛健是非用威武也以内有文德通達物理故象云文在中也

上六龍戰于野其血玄黃

注去陰之為道卑順不盈乃全其美盛而不已固陽

之地陽所不堪故戰于野象曰龍戰于野其道窮也

疏

正義曰龍

戰于野其血玄黃者以陽謂之龍上六是陰之至極陰盛似陽故稱龍焉盛而不已固陽之地陽所不堪故陽氣之龍與之交戰即說卦云戰乎乾是也戰於卦外故曰戰于野陰陽相傷故其血玄黃注陰之至戰于野正義曰盛而不已固陽之地者固為占固陰去則陽來陰乃盛而不去占固此陽所生之地故陽氣用六利永貞

注云用六之利利永貞也

象曰用

六永貞以大終也

注云能以永貞大終者也

疏

正義曰用六利永貞者此坤之

六爻撝辭也言坤之所用用此衆爻之六六是柔順不可純柔故利在永貞永長也貞正也言長能

貞正也象曰以大終者釋永貞之義既能用此柔順長守貞正所以廣大而終也若不用永貞則是

柔而又圓即前注云求安難矣此永貞即坤卦之下安貞吉是也

文言曰坤至柔

而動也剛至靜而德方

注云動之方正不為邪也柔而又圓消之道也其德至靜

德必方也

後得主而有常含萬物而化光坤道其順乎

承天而時行

疏

正義曰此一節是第一節明坤之德也自積善之家以下是第二節

也分釋六爻之義坤至柔而動也剛者六爻皆陰是至柔也體雖至柔而運動也剛柔而積漸乃至

堅剛則上云履霜堅冰是也。又地能生物。初雖柔弱。後至堅剛而成就。至靜而德方者。地體不動。是至靜生物。不邪是德能方正。後得主而有常者。陰主卑退。若有事之後。不爲物先。即得主也。此陰之恒理。故云有常含萬物而化光者。自明彙辭含弘光大。言含養萬物而德化光大也。坤道其順乎。承天而時行者。言坤道柔順承奉於天。以量時而行。即不敢爲物之先。恒相時而動。積善之

家必有餘慶。積不善之家必有餘殃。臣弑其君。子弑其父。非一朝一夕之故。其所由來者漸矣。由辯之不早辯也。易曰履霜。堅冰至。蓋言順也。

疏

正義

曰此一節明初六爻辭也。積善之家必有餘慶。積不善之家必有餘殃者。欲明初六其惡有漸。故先

明其所行善惡事由久而積漸故致後之吉凶其所由來者漸矣者言弑君弑父非一朝一夕率然而起其禍患所從來者積漸久遠矣由辯之不早辯者臣子所以久包禍心由君父欲辯明之事不早分辯故也此戒君父防臣子之惡蓋言順者言此履霜堅冰至盡言順習陰惡之道積微而不已乃致此弑害稱蓋者是疑之辭凡萬事之起皆從小至大從微至著故上文善惡並言今獨言弑君弑父有漸者以陰主柔順積柔不已乃終至禍亂故特於坤之初六言之欲戒其防柔弱之初又陰為弑害故寄此以明義直其正也方其義也君子敬以直內

義以方外敬義立而德不孤直方大不習无不利

則不疑其所行也

疏

正義曰此一節釋六二爻辭直其正者經稱直是其

正也。方其義者。經稱方是其義也。義者宜也。於事得宜。故曰義。君子敬以直內者。覆釋直其正也。言君子用敬以直內。謂心也。用此恭敬以直內心。義以方外者。用此義事以方正外物。言君子法地正直而生萬物。皆得所宜。各以方正。然即前云直其正也。方其義也。下云義以方外。即此應云正以直內。改云敬以直內者。欲見正則能敬。故變正為敬也。敬義立而德不孤者。身有敬義以接於人。則人亦敬義以應之。是德不孤也。直則不邪。正則謙恭。義則與物无競。方則疑重不躁。既不習无不利。則所行不須疑慮。故曰即不疑其所行。陰雖有美含之以從王事。弗

敢成也。地道也。妻道也。臣道也。地道无成而代有

終也。

疏

正義曰。此此一節。明六三爻辭言陰雖有美含之以從王事者。釋含章可貞之

義也。言六三之陰雖有美道，包含之德，若或從王
事，不敢為主，先成之也。地道也，妻道也，臣道也。者
欲明神道，處卑待唱，乃和。故歷言此三事，皆卑應
於尊，下順於上也。地道无成而代有終者，其地道
卑柔无敢先唱，成物必待陽
始先唱而後代陽有終也。天地變化，草木蕃，天地
閉，賢人隱。易曰：括囊无咎无譽。蓋言謹也。

䷋

正義

曰：此一節明六四爻辭「天地變化，謂二氣交通，生
養萬物」故草木蕃。滋天地閉，賢人隱者，謂二氣不
相交，通天地否，閉賢人潛隱。天地通則草木蕃，明
天地閉，草木不蕃。天地閉，賢人隱，明天地通則賢
人出，互而相通。此乃括囊无咎，故賢人隱，屬天地
閉也。蓋言謹者，謹謂謹慎，蓋言賢人君子於此之
時，須謹
慎也。君子黃中通理，正位居體，美在其中而暢

於四支發於事業美之至也

疏

正義曰此一節明六五爻辭也

黃中通理者以黃居中兼四方之色奉承臣職是通曉物理也正位居體者居中得正是正位也變上體之中是居體也黃中通理是美在其中有美在於中必通暢於外故云暢於四支四支猶人手是比于四方物務也外內俱善能宣發於事業所營謂之事事成謂之業美莫過之故云美之至也

陰疑於陽必戰

注云辯之不早疑盛乃動故必戰

為其嫌於先陽也

注云為其嫌於非陽而戰

故稱龍焉猶未離其類也

注云猶未失其陰類為陽所滅

故稱血焉


注云猶與陽戰而相傷故稱血

夫玄黃者天地之雜也夫

玄而地黃

疏

正義曰此一節明上六爻辭陰疑於陽必戰者陰盛為陽所疑陽乃



震下屯元亨利貞

注云坎上云剛柔始交是以屯也

發動欲除去此陰陰盛不肯退避故必戰也為其嫌於无陽故稱龍焉者上六陰盛似陽為嫌純陰非陽故稱龍以明之猶未離其類也故稱血焉者言上六雖陰盛似陽然猶未能離其陰類故為陽所傷而見滅也夫玄黃地黃者釋其血玄黃之義莊氏云上六之爻兼有天地雜氣所以上六被值其血玄黃也天色玄地色黃故血有天地之色人相傷是言陰陽俱傷也心莊氏之言非王之本意今所不取也

則无險勿用有攸往

注云往利建侯注云得疏正義

難也剛柔始交而難生初相逢遇故云屯難也以陰陽始交而為難因難物始大通故元亨也萬物

大亨乃得利益而貞正故利貞也。但屯之四德於乾之四德故屯乃元亨。亨乃利貞。乾之四德之所不包此即勿用有攸往。又別言利建侯。不如此乾之无所不利此已上說屯。之自然之四德。聖人當法之勿用有攸往利建侯者以其屯難之世世道初創其物未寧故宜利建侯以寧之。此二句釋人事也。
彖曰屯剛柔始交而難生動乎險中大亨貞
注云

始於險難至於大亨而後全平故曰屯元亨利貞。
雷雨之動滿盈
注云雷雨之動乃得滿盈

皆剛柔始交之所為。
天造草昧宜建侯而不寧
注云屯體不寧故利建侯也屯

者天地造始之時也。造物之始始於冥昧故曰草昧也。廋造始之時所宜之善莫善建侯也。

正義曰屯剛柔始交而難生者此一句釋屯之名以剛柔二氣始欲相交未相通感情意未得故難。



生也。若剛柔已交之後，物皆通泰，非復難也。唯初
始交時而有難，故云剛柔始交而難生。動乎險中，
大亨貞者，此釋四德也。坎為險，震為動，震在坎下，
是動於險中。初動險中，故屯難動而不已。將出於
險，故得大亨貞也。大亨即元亨也。不言利者，利屬
於貞，故直言大亨貞。言大耳，言雷雨之動滿盈者，周氏云：此
一句覆釋亨也。但屯有二義：一難也，二盈也。上既
以剛柔始交釋屯難也，此又以雷雨二象解盈也。
言雷雨二氣初相交動，以生養萬物，故得滿盈。即
是亨之義也。覆釋亨者，以屯難之世，不宜亨通，恐
亨義難曉，故特釋之。此已下說屯之自然之象也。
天造草昧，宜建侯而不寧者，釋利建侯也。草謂草
創昧，謂冥昧。言天造萬物於草創之始，如在冥昧
之時也。于此草昧之時，王者當法此屯卦，宜建立
諸侯，以撫恤萬方之物，而不得安居无事。此二句
以人事釋屯之義。注雷雨至所為正義曰：雷雨

之動乃得滿盈者周氏褚氏云釋亨也萬物盈滿則亨通也皆剛柔始交之所為者雷雨之動亦陰陽始交之所為也萬物盈滿亦陰陽而致之故云皆剛柔始交之所為也若取屯難則坎為險則上云動乎險中是也若取亨通則坎為雨震為動此云雷雨之動是也隨義而取象其例不一注屯體至建侯正義曰屯體不寧者以此屯遭險難其體不寧故宜建侯也造物之始始於冥昧者造物之始即天造草昧也草謂草創初始之義始於冥昧者言物之初造其形未著其體未彰故在幽冥間昧也象曰雲雷屯君子以經綸注云君子經綸之時疏謂經綸正義曰經綸謂經緯也謂繩綸言君子決此屯象有為之時以經綸天下約束於物故云君子以經綸也姚信云綸謂緯也以織綜經緯此君子之事非其義也劉表鄭立玄以綸為綸字非王本意也初九磐桓

利居貞利建侯

注云處屯之初動則難生不可以進故磐桓也處此時也其利安在不唯

居貞建侯乎夫息亂以靜守靜以侯安民在正弘正

在謙屯難之世陰求於陽弱求於強民思其主之

時也初處其首而又下焉

象曰雖磐桓志行正也

注云

爻備斯義宜其得民也

不可以進故磐桓也非為宴安以貴下賤大得民

棄成務也故雖磐桓志行正也

以貴下賤大得民

也

注云陽貴而陰賤也

疏

正義曰磐桓不進之貌處屯之初動即難生故磐桓也志行正也

利居處貞正亦宜建立諸侯象曰雖磐桓志行正

者言初九雖磐桓不進非苟求宴安志欲以靜息

亂故居處貞也非是苟貪逸樂唯志行守正也以

貴下賤大得民者貴謂陽也賤謂陰也言初九之

陽在三陰之下是以貴下賤屯難之世民思其主

之時既能以貴下賤所以大得民心也

注處屯

至得民也。正義曰：息亂以靜者，解利居貞也。守靜以侯者，解利建侯也。安民在正者，解貞也。弘正在謙者，取象其以貴下賤也。言弘大此屯，正在於謙也。陰求於陽，弱求於強者，解大得民也。注：不可至行正也。正義曰：非爲宴安棄成務者，言已止爲前進有難，故磐桓且住，非是苟求宴安棄此所成之務，而不爲也。言身雖住，但欲以靜息亂也。六二屯如遭如乘馬班如。

匪寇婚媾，女子貞不字，十年乃字。

注云：志在乎五，不從於初，屯難之時。

正道未行，與初相近而不相得，困於侵害，故屯。道也。時方屯難，正道未通，涉遠而行，難可以進，故曰乘馬班如也。寇謂初也。无初之難，則與五婚矣。故曰匪寇婚媾也。志在於五，不從於初，故曰女子貞不字也。屯難之世，勢不過十年者也。十年則反常反常，則本志斯獲矣。故曰十年乃字。象曰：

六二之難乘剛也十年乃字反常也

䷆

正義曰
屯如遯

如者屯是屯難遯是遯迴如是語辭也言六二欲應於九五即畏初九逼之不敢前進故屯如遯如也乘馬班如者子夏傳云班如者謂相牽不進也馬季長云班班旋而不進也言二欲乘馬往適於五正道未通故班旋而不進也匪寇婚媾者寇謂初也言二非有初九與已作寇害則得共五為婚媾矣馬季長云重婚曰媾鄭玄云媾猶會也女子貞不字者貞正也女子謂六二也女子以守貞正不受初九之愛字訓愛也十年乃字者十年難息之後即初不害己也乃得往適於五受五之字愛十者數之極數極則變故云十年也象曰六二之難乘剛也者釋所以屯如遯如也有畏難者以其乘陵初剛不肯從之故有難也十年乃字反常者謂十年之後屯難止息得反常者謂反常道即二適

于五是其得常也已前有難不得行常十年難息
得反歸於常以適五也此爻因六二之象以明女
子婚媾之事即其餘人事亦當法此猶如有人通
近於強雖遠有外應未敢苟進被近者所陵經久
之後乃得與應相合是知萬事皆象於此非唯男
女而已諸爻所云陰陽男女之象義皆倣於此

六三即鹿无虞惟入于林中君子幾不如舍往吝注云

三既近五而无寇難四雖比五其志在初不妨已
路可以進而无屯遭也見路之易不揆其志五應
在二往必不納何異无虞以從禽乎雖見其禽而
无其虞徒入于林中其可獲乎幾辭也夫君子之
動豈取恨辱哉故象曰即鹿无虞以從禽也君子
不如舍往吝窮也

舍之往吝窮也

疏

正義曰即鹿无虞者即就也
虞謂虞官如人之田獵欲從

就於鹿。當有虞官助已。商度形勢可否。乃始得鹿。若无虞官。即虛入于林木之中。必不得鹿。故云唯入于林中。此是假物爲喻。今六三欲往從五。如就鹿也。五自應二。今乃不自揆度。彼五之情納已以否。是无虞也。即徒往向五。五所不納。是徒入于林中。君子幾不如舍者。幾辭也。夫君子之動。自知可否。豈取恨辱哉。見此形勢。即不如沐舍也。言六三不如舍。此求五之心。勿往也。往吝者。若往求五。即有悔吝也。象曰。即鹿无虞。以從禽者。言就鹿當有虞官。即有鹿也。若无虞官。以從逐于禽。亦不可得也。君子舍之往吝窮者。君子見此之時。當舍而不往。若往則有悔吝窮苦也。注三既近五至吝窮也。正義曰。見路之易不揆其志者。三雖比四。四不害已身无屯。邇是路之平易。即意欲向五而不預先揆度五之情意。納已以否。是无虞也。獵人先遣虞官。商度鹿之所在。猶若三欲適五。先遣人謝度。

丑之情意幾為語辭不為義也。知此幾不為事之
幾微。凡幾微者乃從无向有。其事未見乃為幾也。
今即鹿无虞是已成之事。事已顯著故不得為幾微之幾。
六四乘馬班如求婚。

媾往吉无不利。

注云二雖比初執貞不從不害已志者也求與合好往必見納矣故曰往

吉无不利象曰求而往明也。

注云見彼之情狀也

疏

正義曰乘馬班如求婚媾

往吉无不利者六四應初故乘馬也。慮二妨已路故初時班如旋也。二既不從於初故四求之。為媾必得媾合所以往吉无不利。象曰求而往明者言求初而往婚媾明識初與二之情狀知初納已知二不害已志。
九五屯其膏小貞吉大貞凶。
注云處屯是其明矣
尊位之上不能恢弘博施无物不與拯濟微滯亨子群小而繫應在二屯難其膏非能光其施者也。

固志同好不容他間象曰屯其膏施未光也

䷂

正義曰屯其膏者膏謂膏澤恩惠之類言九五既居尊位當恢弘博施而所施者福

是屯難其膏小貞吉大貞凶者貞正也出納之謂之有司是小正為吉若大人不能恢弘博施是

大正為凶注處屯至貞之凶正義曰固志同好不容他間者間者厠也五應在二是堅固其志在

于同好不容他上六乘馬班如泣血漣如注云處險人閒厠其間也

无應援進无所適雖比於五五屯其膏不與相得居不獲安行无所適窮困闡厄无所委仰故泣血

連象曰泣血漣如何可長也䷂正義曰處險難

援若欲前進即无所之適故乘馬班如窮困闡厄无所委仰故泣血漣如象曰何可長者言窮困

血何可
父長也

三三 艮上 蒙耳匪我求童蒙童蒙求我初筮告

再三瀆瀆則不告 注云筮者決疑之物也童蒙之來求我欲決所惑也決之不一不知

所從則復惑也故初筮則告再三則瀆瀆蒙也利能為初筮其唯二乎以剛處中能斷夫疑者也利

貞 注云蒙之所利乃利正也夫明莫若聖昧莫若蒙蒙以養正乃聖功也然則養正以明失其道矣

疏 正義曰蒙者微昧闇弱之名物皆蒙昧唯願亨通故云蒙亨匪我求童蒙童蒙求我者物

既闇弱而意願亨通即明者不求於闇即匪我師德之高明往求童蒙之闇但闇者求明明者不謬

於闇故云童蒙求我也初筮告者初者發始之辭筮者決疑之物童蒙既來求我我當以初始一理

剖決告之。再三瀆瀆則不告。童蒙來問本爲決疑。師
再或三。是褻瀆。瀆則不告。童蒙來問本爲決疑。師
若以廣深二義再三之言告之。即童蒙聞之轉亦
瀆亂。故不如不告也。自此已上解蒙亨之義。順此
上事乃得亨也。故亨文在此事之上也。不云元者
謂時當蒙弱。未有元也。利貞者貞正也。言蒙之爲
義利以養正。故彖云。蒙以養正。乃聖功也。若養正
以明。即失其道也。注筮者至夫疑者也。正義曰
初筮則告者。童蒙旣來求我。我當以初心所念所
筮之義一理而則告之。再三則瀆瀆蒙也者。若以
棄此初本之意而猶豫遲疑。攷頭別說。則童蒙之
入間之褻瀆而煩亂也。故再三則瀆瀆蒙也能爲
初筮其唯二乎者。以彖云初筮告以剛中者剛而
得中故知是二也。注蒙之至失其道矣。正義曰
然則養正以明失其道者。言人雖懷聖德若隱默
不言人則莫測其淺深。不知其大小。所以聖德彌

遠而難測矣。若彰顯其德，苟自發明，即人知其所為，識其淺深，故明夷注云：明夷在衆顯明於外，巧

所避是也。此卦繇辭皆以人事明之。彖曰：蒙山下有險，險而止，蒙。注云：困退

用險進則闕，山不知所適，蒙之義也。蒙亨以亨行，時中也。注云：時之所願，唯願亨也。

以亨行之，匪我求童蒙，童蒙求我，志應也。注云：我謂得時中也。非童蒙者，求所告闇者，求明明者，不諮於闇，故蒙之為義匪

我求童蒙，童蒙求我，也。童初筮告以剛中也。注云：謂蒙之來求我，志應故也。二也。二

為衆陰之主也。无剛決中，何由得初筮之告乎？再三瀆瀆則不告，瀆蒙也。

蒙以養正，聖功也。疏正義曰：山下有險者，坎在艮下，是山下有險，艮為止。

蒙以養正，聖功也。疏正義曰：山下有險者，坎在艮下，是山下有險，艮為止。

坎上遇止是險而止也。恐進退不可。故蒙昧也。此釋蒙卦之名。蒙亨以亨行時中者。疊蒙亨之義。言居蒙之時。人皆願亨。若以亨道行之于時。則得中也。故云時中也。匪我求童蒙。童蒙求我。志應者以童蒙闇昧之志。而求應會明者。故云志應也。再三瀆瀆財不告。瀆蒙者所以再三不告。恐瀆亂蒙者自此已上。彖辭總釋蒙亨之義。蒙以養正。聖功也。者能以蒙昧隱默。自養正道。乃成至聖之功。此一

句釋經之利貞

象曰山下出泉蒙

注云山下出泉未

知所適蒙之象也

果行育德

注云果行者初筮之義也。育德者養正之功也。

疏

正義曰山下出泉蒙者山

下出泉未有所適之處。是險而止。故蒙昧之象也。君子以果行育德者。君子當法此蒙道。以果決其行。告示蒙者。則初筮之義。育德謂隱默懷藏不自彰顯。以育養其德。果行育德者。自相連錯。若童蒙

來問則果行也。尋常處衆則育德是不相須也。初六發蒙利用刑人用說桎

梏以往吝

注云處蒙之初二照其上故蒙發也蒙發疑明刑說當也以往吝刑不可長也

象曰利用刑人以正法也

注云刑人之道道所惡也以正法制故刑人也

疏

正義曰發蒙者以初近於九二二以陽處中而明能照闇故初六以能發去其蒙也利用刑人用說桎梏者蒙既發去无所疑滯故利用刑戮于人又利用說去罪人桎梏以蒙既發去疑事顯明刑人說桎梏皆得當在足曰桎在手曰梏小雅云桎謂之桎械謂之桎以往吝者若以正道而往即其事益善矣若以刑人之道出往行之即有鄙吝象曰利用刑人以正法者且刑人之道乃賊害於物是道之所惡以利用刑人者以正其法制不可不刑矣故刑罰不可不施於國鞭扑不可不施於家案此經

刑人說人二事象直云利用
刑人一者但舉刑重故也
九二包蒙吉納婦吉

子克家

注云以剛居中童蒙所歸包而不距則遠近咸至故曰包蒙吉也婦者配已而成德者也體

陽而能包蒙以剛而能居中以此納配物莫不應故納婦吉也處于卦內以剛接柔親而得中能幹其任施之於象曰子克家剛柔接也

疏

正義曰包蒙吉

納婦吉子克家者包謂包含九二以剛居中群蒙悉來歸己九二能含容而不距皆與之決疑故得吉也九二以剛居中陰來應之婦謂配也故納此正配而得吉也此爻在下體之中能包蒙納婦在內理中幹了其任即是子孫能克荷家事故云子克家也象曰子克家剛柔接者以陽居於卦內接待群陰是剛柔相接故克幹家事也注以剛至之義正義曰親而得中者言九二居下卦之中來

上下俱陰以己之剛陽迎接上下二陰陰陽相親故云親而得中也能幹其任者既能包蒙又能納

正是能六三勿用取女見金夫不有躬无攸利注云童蒙

之時陰求於陽晦求於明各求發其昧者也六三在下卦之上上九在上卦之上男女之義也上不求

三而三求上女先求男者也女之爲體正行以待命者也見剛夫而求之故曰不有躬也施之於女

行在不順故勿用取女而無攸利象曰勿用取女行不順也疏

正義曰勿用取女者女謂六三言勿用取此六三之女所以不須取者此童蒙之世陰求於陽是女

求男之時也見金夫者謂上九以其剛陽故稱金夫此六三之女自往求見金夫女之爲體正行以

待命而嫁今先求於夫是爲女不能自保其躬固守貞信乃非禮而動行既不順若欲取之无所利

益故云不有躬无攸利也象曰勿用取女行不順者釋勿用取女之義所以勿用取此女者以女行

不順故也六四困蒙吝注云獨遠於陽處兩陰之中闇莫之發故曰困蒙也困於蒙昧不能

比賢以發其志亦以鄙矣故曰吝也象曰困蒙之吝獨遠實也注云陽稱實也

疏正義曰此釋六四爻辭也六四在兩陰之中去九二既遠无人發去其童蒙故曰困于蒙昧而

有鄙吝象曰獨遠實者實謂九二之陽也九二以陽故稱實也六三近九二六五近上九又應九二

唯此六四既不近二又不近上故云獨遠實也注陽稱實者正義曰陽主生息故稱實陰主消損故

不得六五童蒙吉注云以夫陰質居於尊位不自任察而委於二付物以能不勞

聰明功斯克矣象曰童蒙之吉順以巽也注云委物故曰童蒙吉

不為順

斷

正義曰童蒙吉者言六五以陰居於尊位其應在二二剛而得中五則以事委

任於二不勞己之聰明猶若童稚蒙昧之人故所以得吉也象曰順以巽者釋童蒙之吉巽亦順也

猶委物於二順謂心順巽謂貌順故褚氏云順者

心不違也巽者外迹相卑下也注委物至以巽

也正義曰委物以能謂委付事物與有能之人謂

委二也不先不為者五雖居尊位而事委任於二

不在先而肯唱是順於二也不為者謂不自造為

是委任二也不先於二是心順也不自造為是貌

也

上九擊蒙不利為寇利禦寇

注云處蒙之終以剛居上能擊去童

蒙以發其昧者也故曰擊蒙也童蒙願發而已能

擊去之合上下之願故莫不順也為之扞禦則物

咸附之若欲取之則物咸叛

矣故不利為寇利禦寇也象曰利用禦寇上下

順也

疏

正義曰擊蒙不利為寇利禦寇者處蒙之終以剛居上能擊去眾陰之蒙合上

下之願故莫不順從也若因物之來即欲取之而為寇害物皆叛矣故不利為寇也若物從外來為之杆禦即物咸附之故利用禦寇也象曰利用禦寇上下順者所宜利為物禦寇者由上下順從故也言此爻既能發去眾蒙以合上下之願又能為之禦寇故上下彌更順從也

䷄

乾下坎上

需有孚光亨貞吉利涉大川

疏

正義曰此

需卦繇辭也需者待也物初蒙稚待養而成无信即不立所待唯信也故云需有孚言需之為體唯有信也光亨貞吉者若能信即需道光明物得亨通于正則吉故云光亨貞吉也利涉大川者以剛健而進即不患於險難彖曰需須也險在前也德乃亨故云利涉大川

彖曰需須也險在前也

剛健而不陷其義不困窮矣需有孚光亨貞吉位

乎天位以正中也

注云謂五也位乎天位用其中正以此待物需道畢矣故光亨貞吉

利涉大川往有功也

注云乾德獲進往轉亨也

疏

正義曰此釋需卦繇辭需

須也險在前者釋需卦之名也是需待之義故云需須也險在前釋所以需待由險難在前故有待乃進也剛健而不陷其義不困窮矣者解需道所以得亨由乾之剛健前雖遇險而不被陷滯是其需待之義不有困窮矣故得光亨貞吉由乾之德也需有孚光亨貞吉位乎天位以正中者此疊出需卦繇辭然後釋之也言此需體非但得乾之剛彊而不陷又由中正之力也以九五居乎天子之位又以陽居陽正而得中故能有信光明亨通而貞吉也剛健而不陷只由二象之德仙乎天位以

正中是九五之德也。凡卦之為體，或直取象而為卦德者，或直取爻而為卦德者，或以兼象兼爻而為卦德者，此卦之例是也。利涉大川，往有功者，釋利涉大川之義，以乾剛健故行險有功也。注謂五至貞吉，正義曰：需道畢矣者，凡需待之義，先須於信後乃光明，亨通於物而貞吉能備此事，是須道終畢，立即居於天位，以陽居尊中，則不偏正則无邪，以此待物，即所為皆成，故須道畢矣。

注乾德至輒亨也。正義曰：前云剛健而不陷，此云往有功，剛健即乾也。故乾德獲進往而有功，即是往輒亨通也。此雖釋利涉大川，兼釋上光亨之義，由是光亨乃得利涉大川，故於利涉大川乃明亨也。象曰：雲上於天，需君子以飲食宴樂。注云：童蒙

光亨飲食宴樂，真在茲乎。

疏

正義曰：坎既為險，又為雨，今不言險雨者，此象不取險難之義也。

故不云險也。雨是已下之物，不是須待之義。故不云雨也。不言天上有雲，而言雲上於天者，若是天上有雲，先以見欲雨之義。故云雲上於天。若言雲上於天，是天之欲雨待時而落，所以明需天惠，將施而盛德又亨，故君子初九需于郊，利用恒无咎。注於此之時，以飲食宴樂。初九需于郊，利用恒无咎。注居需之時，最遠於難，能抑其進，以象曰需于郊，不遠險待時，雖不應幾，可以保常也。

犯難行也。利用恒无咎，未失常也。疏正義曰：但難在於坎

初九去難既遠，故待時在于郊。郊者是境上之地，亦去水遠也。利用恒无咎者，恒常也。遠難待時，以避其害，故宜利保守其常，所以无咎。猶不能見難速進，但得无咎而已。象曰：不犯難行者，去難既遠，故不犯難而行，未失常者，不敢九二需于沙，小有進，遠難待時，是未失常也。

言終吉

注云轉近於難故曰需于沙也不至致寇故曰小有言也近不逼難遠不後時履健居中

以待其會雖小有言以吉終也

象曰需于沙衍在中也雖小有言

以吉終也

䷄

正義曰沙是水傍之地去水漸近待時于沙故難稍近雖未致寇而

小有言以相責讓近不逼難遠不後時但履健居中以待要會雖小有責讓之言而終得其吉也象曰須于沙衍在中者衍謂寬衍去難雖近猶未逼于難而寬衍在其中也故雖小有言以吉終也

九三需于泥致寇至

注云以剛逼難欲進其道所以招寇而致敵也猶有須焉不陷

其剛寇之來也自我所招勒慎防備可以不敗

象曰需于泥災在外也自

我致寇勒慎不敗也

䷄

正義曰泥者水傍之地泥溺之趣逼近於難故

進其道難必害已故致寇至猶且遲疑而需待時雖即有寇至亦未爲禍敗也象曰災在外者釋需于泥之義言爲需雖復在泥泥猶居水之外即災在身外之義未陷其剛之義故可用需以免自我致寇敬慎不敗者自由也由我欲進而致寇來已若敬慎則不有禍敗六四需于血

出自穴

注云凡稱血者陰陽相傷者也陰陽相近而不相得陽欲進而陰塞之則相害也穴者陰

之路也處坎之始居穴者也九三剛進四不能距見侵則辟順以聽命者也故曰需于血出自穴也

象曰需于血順以聽也

䷄

正義曰需于血者謂陰陽相傷故有血也

九三之陽而欲上進此六四之陰而塞其路兩相妨害故稱血言待時于血猶待時於難中也出自穴者穴即陰之路也而處坎之始是居穴者也三來逼已四不能距故出此所居之穴以避之但順

以聽命而得免咎也。故象云：需於血，順以聽命也。注：凡稱血者，至自穴也。正義曰：稱血者，陰陽相傷者也。即坤之上六，其血玄黃是也。穴者，陰之路也。者，凡孔穴穿道皆是幽隱。故云：陰之路也。處，坎之始居穴者。坎是坎險，若處坎之上，即是出穴者也。處，坎之始是居穴者也。但易含萬象，此六四一爻，若以戰鬪言之，其出則為血也。若以居處言之，其處則為穴也。穴之與血，各隨事義也。

九五需于酒食貞

吉。注云：需之所須，以待達也。已得天位，暢其象曰：酒中正，无所復須，故酒食而已，獲貞吉也。

食貞吉以中正也

疏

正義曰：需于酒食，貞吉者，五既為需之主，已得天位。

无所復需，但以需待酒食，以處相宴樂而得貞吉。象曰：酒食貞吉，以中正者，釋酒食貞吉之義。言九五居中得正，需道上六入于穴，有不速之客三人，亨通上下无事也。

來敬之終吉

注云六四所以出自穴者以不與三相得而塞其路不辟則害故不得不出自

穴而辟之也至於上六處卦之終非塞路者也與三為應三來之已乃為已援故无畏害之辟而乃有入穴之固也三陽所以不敢進者須難之終也難終則至不待召也已居難終故自來也處无位之地以一陰而為三陽之主故必敬之而後終吉

象曰不速之客來敬之

終吉雖不當位未大失也


注云處无位之地不當位者也敬之則得終吉故雖

不當位未大失也

疏

正義曰上六入于穴者上六陰爻故亦稱穴也上六與三相應三來

之已不為禍害乃得為已援助故上六无所畏忌乃入于穴而居也有不速之客三人來者速召也不須召喚之客有三人自來三人謂初九九二九三此三陽務欲前進但畏于險難不能前進其難



坎下
乾上

訟有孚窒惕中吉

注云窒謂窒塞也皆惕然後可以獲中吉

終凶利見大人不利涉大川



正義曰訟有孚窒惕中吉者窒塞也

既通三陽務欲上升不須召喚而自來故云有不速之客三人來也。敬之終吉者上六居无位之地以一陰而為三陽之主不可怠慢故須恭敬此三陽乃得終吉。象曰雖不當位未大失者釋敬之終吉之義言己雖不當位而以一陰為三陽之主若不敬之則有凶害今由己能敬之雖不當位亦未有大失言初時雖有小失終久乃獲吉故云未大失也。且需之一卦須待難通其於六爻皆假他物之象以明人事待通而亨須待之義且凡人萬事或有去難速近須出須處由此六爻即萬事盡矣不可皆以人事曲細比之易之諸爻之例並皆倣此

惕懼也。凡訟者，物有不和，情相乖爭，而致其訟。凡訟之體，不可妄興，必有信實，被物止塞，而能惕懼中道而止，乃得吉也。終凶者，訟不可長。若終竟訟事，雖復窒惕，亦有凶也。利見大人者，物既有訟，須大人決之，故利見大人也。不利涉大川者，以訟不可長，若以訟而往，涉危難，必有禍患，故不利涉大川。彖曰：訟，上剛下險，險而健，訟。訟有孚窒惕，中吉，剛來而得中也。終凶，訟不可成也。利見大人，尚中正。

也不利涉大川，入于淵也。

注云：凡不和而訟，无施而可涉，難特甚焉。准有信而

見塞懼者，乃可以得吉也。猶復不可終中，乃吉也。不閉其源，使訟不至，雖每不枉而訟至終竟，此亦凶矣。故雖復有信而見塞懼，猶不可以爲終也。故曰：訟有孚窒惕，中吉，終凶也。无善聽者，雖有其實。

何由得明而令有信塞懼者得其中吉必有善聽
之主焉其在二乎以剛而來正夫群小斷不失中
應斯

䷆

正義曰此釋繇辭之義訟上剛下險險
任也而健訟者上剛即乾也下險即坎也猶

人意懷險惡性又剛健所以訟也此二句因卦之
象以顯有訟之所由案上需須也以釋卦之名此

訟卦不釋訟名者訟義可知故不釋也諸卦其名
難者則釋之其名易者則不釋之他皆倣此訟有

孚室惕中吉剛來而得中者先疊出訟之繇辭以
剛來而得中者釋所以訟得其有孚室惕中吉者

言由九二之剛來向下體而處下卦之中為訟之
主而聽斷獄訟故訟者得其有孚室惕中吉也終

凶訟不可成者釋終凶之義以爭訟之事不可使
成故終凶也利見大人尚中正者釋利見大人之

義所以於訟之時利見此大人者以時方鬪爭貴
尚居中得正之主而聽斷之不利涉大川入于淵

者釋不利涉大川之義若以訟事往涉于川即必隊于深淵而陷于難也注凡不和至應斯任正義曰无施而可者言若性好不又與人鬭訟即

无處施設而可也言所往之處皆不可也涉難特甚焉者言好訟之人習常施爲已自不可若更以

訟涉難其不可特甚焉故云涉難特甚焉中乃言者謂此訟事以中途而止乃得吉也前注云可以

獲中吉謂獲中止之吉不開其源使訟不至者若能謙虛退讓與物不競即此是開塞訟之根源使

訟不至也今不能如此是不開塞訟源使訟得至也雖每不枉而訟至終竟者謂雖每訴訟陳

其道理不有枉曲而訟至終竟此亦凶矣象曰

天與水違行訟君子以作事謀始注云聽訟吾猶人也必也使无訟乎

无訟在於謀始謀始在於作制契之不明訟之所以以生也物有其分職不相濫事何由興訟之所以

起契之過也。故有德司契而不責於人。

疏

正義曰：天道西轉，水流東注，是天與水相違而

行相違而行，象人彼此兩相乖戾，故致訟也。不云水與天違行者，凡訟之所起，必剛健在先，以爲訟

始，故云天與水違行也。君子以作事謀始者，物既有訟，言君子當防此訟源，凡欲興作其事，先須謀

慮其始。若初始分職分明，不相干涉，即終无所訟也。注：聽訟至不責於人，正義曰：訟之所以起，契

之過者，凡鬬訟之起，只由初時契要之過，謂作契要

要，不分明，有德司契者，言上之有德司主契要而能使分明，以斷於下，亦不須責在下之人。初六不

永所事，小有言，終吉。

注云：處訟之始，訟不可終，故不

和陰，非先唱者也。四召而應，見犯乃訟，處訟之始，不爲訟先，雖不能不訟，而了訟必辯明也。象曰：

不永所事訟不可長也雖小有言其辯明也

疏

正義曰不永所事者永長也。不可長久為關訟之事。以訟不可終也。小有言終吉者言初六應于九四。然九四剛陽先來非理犯己。初六陰柔見犯。乃訟雖不能不訟。是不獲已而訟也。故小有言以處訟之始。不為訟先。故終吉。象曰訟不可長者釋不永所事。以訟不可長。故不長此鬪爭之事。其辯明者釋小有言。以訟必辯析分明。四雖初時犯己。已能辯訟道理分明。故初時小有言也。注處訟之始。不為訟先者。正義曰處訟之始者。始入訟境。言訟事尚微。故云處訟之始也。不為訟先者言己是陰柔待唱乃和。故云下為訟先也。

九二不克訟歸而逋其邑人三

百石先眚

注云以剛處訟不能下物。自下訟上宜其不克。若能以懼歸竄其邑。乃可以免災眚。

過三百非為竄也竄而據強災未免也

象曰不克訟歸逋竄也自

下訟上患至掇也

疏

正義曰不克訟者克勝也以剛與訟不能下物自下

訟上與五相敵不勝其訟言訟不得勝也歸而逋其邑者訟既不勝怖懼還歸逋竄其邑若其邑

強大則大都偶國非逋竄之道人三百戶者鄭注禮若其邑狹少唯三百戶乃可也三百戶者鄭注禮

記云小國下大夫之制又鄭注周禮小司徒云方十里為成九百夫之地溝渠城郭道路三分去其

一餘六百夫又以田有不易有一易有再易受田三百家即此三百戶者一成之地也鄭注云不

易之田歲種之一易之田休一歲乃種再易之田休二歲乃種言至薄也苟自藏隱不敢與五相敵

則无災眚象曰歸逋竄者釋歸而逋邑以訟之勝故退歸逋竄也患至掇者掇猶拾掇也自下

上悖逆之道故禍患來至若手自拾掇其物言患必來也故王肅云若手拾掇物然注以剛至災

未免也正義曰若能以懼歸竄其邑乃可免災者如此注意則經稱其邑二字連上為句人三百戶

合下為句六三食舊德貞厲終吉或從王事先成注云體夫柔弱

以順於上不為九二自下訟上不見侵奪保全其有故得食其舊德而不失也居爭訟之時處兩剛

之間而皆近不相得故曰貞厲柔體不爭繫應在上衆莫能傾故曰終吉上壯爭勝難可忤也故或

從王事先成也象曰食舊德從上吉也疏正義曰食舊德者六

三以陰柔順從上九不為上九侵奪故保全已之所有故食其舊德之德標也貞厲者貞正也厲危

也居爭訟之時處兩剛之間故須貞正自危厲故曰貞厲然六三柔體不爭係應在上衆莫能傾故

終吉也。或從王事无成者三。應於上上則壯而又勝。故六三或從上九之王事不敢觸忤无敢先成。故云无成。象曰從上吉者釋所以食舊德以順從上九故得其吉食舊德也。九四不克

訟

初辯明也

復即命渝安貞吉

注云處上訟下可以改變者也故其咎不大若能反

從本理變前之命安貞不犯不失其道為仁由己故吉從之

象曰復即命渝安

貞不失也

疏

正義曰不克訟者九四既非理陵犯於初初能分辯道理故九四訟

不勝也復即命渝者復反也即就也九四訟既不勝若能反就本理變前與初爭訟之命能自渝變休息不與初訟故云復即命渝安貞吉者既能反從本理渝變往而爭訟之命即得安居貞吉象曰安貞不失者釋復即命渝之義以其反理變命故得安貞之吉不失其道。注處上至吉從之正義

曰若能反從本理者釋復即之義復反也即從也
本理謂原本不與初訟之理當反從此原本不爭
之理故云反從本理變前之命者解命渝也渝變
也但倒經渝字在命上故云變前之命前命者謂
往前共初相訟之命也今乃變之也安貞不犯者
謂四安居貞正不復犯初故云安貞不犯為仁由
己故言從之者為仁由己論語文初不犯己已莫
陵於初是為仁義之道自由於己故云為仁由己

九五訟元吉

注云處得尊位為訟之主用其中正以斷枉直中則不過正則不邪剛无所溺

公无所偏

象曰訟元吉以中正也

䷅

正義曰訟元吉者處

得尊位中而且正以斷獄訟故得元吉也象曰以
中正也者釋元吉之義所以訟得大吉者以九五
處中而得正位中則不有過差正則不有邪曲中
正為德故元吉注處得至元吉正義曰處得尊

位爲訟之主者居九五之位當爭訟之時是主斷獄訟者也然此卦之內斷獄訟之人凡有二主案上注云善聽之主其在一乎是二爲主也此注又云爲訟之主用其中正以斷枉直是五又爲主也一卦兩主者凡諸卦之內如此者多矣五是其卦尊位之主餘爻是其卦爲義之主猶若復卦初九是復卦之主復義在于初九也六五亦居復之尊位爲復卦尊位之主如此之例非一卦也所以然者五居尊位猶若天子總統萬機與萬物爲主故諸卦皆五居尊位諸爻則偏主一事猶若六卿春官主禮秋官主刑之類偏主一事則其餘諸爻各主一事也即六卿總歸於天子諸卦之爻皆以九五爲尊位也若卦由五位五又居尊正爲一主也若比之九五之類是也今此訟卦二既爲主五又爲主皆有斷獄之德其五與二爻其義同然也故俱以爲主也案上彖辭剛來而得中今九五象辭

云訟元吉。以中正。何知？彖辭剛來得中，非據九五也。輔嗣必以爲九二者，凡上下二象在於下象者，則稱來。故賁卦云：柔來而文剛，是離下艮上而稱柔來。今此云剛來而得中，故知九二也。且凡云來者，皆據異類而來。九二在一陰之中，故稱來。九五在外卦，又三爻俱陽，不得稱來。若於爻辭之中，亦有從下卦向上卦稱來也。故需上六有不速之客三人來，謂下卦三陽來然。需上六陰爻陽來，謂之亦是往，非類而稱來也。以斷枉直者，枉曲也。凡二人來訟，必一曲一直。此九五聽訟能斷，定曲直者，故云。以上九或錫之鞶帶，終朝三褫之。注云：處訟之斷，枉直。極以剛居上。

訟而得勝者也。以訟受錫，樂何？象曰：以訟受服，亦可保。故終朝之間，褫帶者三也。

不足訖也。

疏

正義曰：或錫之鞶帶者，且九以剛居上，是訟而得勝者也。若以謙讓

象錫則可長保有若因訟而得勝雖或錫與鞶帶不可長久終一朝之間三被褫脫故云終朝三褫之象曰以訟受服亦不足愆者釋終朝三褫之義以其因訟得勝受此錫服非德而受亦不足可愆故終朝之間三被褫脫也凡言或者或之言有也言或有如此故言或則止云或從王事无成及坤之六三或從王事无成之類是也鞶帶謂大帶也故杜元凱相二年傳鞶厲旒纓注云鞶大帶也此訟一卦及爻辭並以人事明之唯不利涉大川假外物之象以喻人事

上杉右京亮藤原憲忠憲進

周易注疏卷第二

端平改元冬十二月廿三日陸子道三山寫易東牋探閱

凡

周易注疏卷第三

國子祭酒上護軍曲阜縣開國子臣孔穎達奉

勅撰

三三



坤次下師貞丈人吉无咎注云丈人嚴莊之稱也為師之正丈人乃吉也

興役動眾无功罪也故吉乃无咎也疏正義曰師貞丈人吉无咎者

尊重之人言為師之正唯得嚴莊丈人監臨主領乃得吉无咎若不得丈人監臨之眾不畏懼不能

齊眾必有咎害注丈人至乃无咎也正義曰興役動眾无功罪者監臨師眾當以威嚴則有功勞

乃得无咎若其不以威嚴師必无功豕曰師眾也而有其罪故云興役動眾无功罪也

利

貞正也能以衆正可以王矣剛中而應行險而順

以此毒天下而民從之吉又何咎矣

注云毒猶役也

疏

正義曰師

衆也貞正也能以衆正可以王矣者此釋師卦之名并明用師有功之義但師訓既多或訓爲強或訓爲長恐此師名取法之與長故特明之師訓爲衆也貞爲正也貞之爲正其義已見於此復云貞正者欲見齊衆必須以正故訓貞爲正也與下文爲首引之勢故云能以衆正可以王矣剛中而應者剛中謂九二而應謂六五行險而順者行險謂下體坎也而順謂上體坤也若剛中而無應或有應而不剛中或行險而不柔順皆不可行師得言也以此毒天下而民從之吉又何咎矣者毒猶役也若用此諸德使役天下之衆人必從之以得其吉又何无功而咎貢乎自剛中以下釋丈人吉无

學

授

咎也言丈人能備此諸德也

象曰地中有水師君子以容民畜

衆

正義曰君子以容民畜衆者言君子法此師

寧此則容民畜衆也又爲師之主雖尚威嚴當殺

其小過不可純用威猛於軍師之中亦是容民畜

衆大是容民畜衆之象若其不然或當云地在水

否臧凶

注云爲師之始齊師者也齊衆以律失律則

否失令有功法所不赦故

象曰師出以律失律凶

也疏

正義曰初六師出以律者律法也初六爲師

之時當須以其法制整齊之故云師出以律也否
臧凶者若其失律行師无問否之與臧皆爲凶也
否謂破敗臧謂有功然否爲破敗即是凶也何須
更云否臧凶者本意所明雖臧亦凶臧文旣單故
以否配之欲盛言臧凶不可單言故云否之與臧
皆爲凶也象曰失律凶者釋師出以律之義言所
以必須以律者以其失律則凶反經之文以明經
義注爲師至皆凶正義曰爲師之始齊師者也
者以師之初爻故云爲師之始在師之首先唱發
始是齊整師衆者也失律而臧何異於否者若棄
失法律不奉法而行雖有功而臧何異於否也失
令有功法所不赦者解何異於否之義令則法律
也若失此法令雖有功勞軍法所不容赦故云何
異於否然闔外之事將軍所裁臨事制宜不必皆
依君命何得有功法所不赦者凡爲師之體理非
一端量事制宜隨時進退此則將軍所制隨時施

行若苟順私情故違君命九二在師中言无咎王

三錫命

也承上之寵為師之主任大役重无功則凶

故言乃无咎也行師得吉莫善懷邦

象曰在師中

吉承天寵也王三錫命懷萬邦也

疏

正義曰在師中吉者以剛

居中而應於五是在師中吉也无咎者承上之寵

為師之主任大役重无功則凶故吉乃无咎王三

錫命者以其有功故王三加錫命象曰承天寵者

釋在師中吉之義也正謂承受五之恩寵故中吉

上下兼該故注文屬下象文屬上但象略其无咎之字故言屬師中也故乃得成命者案曲禮云三

賜不及車馬一命受爵再命受服三命受車馬三賜三命而尊之得成故乃得成命也六三

師或輿尸凶

注云以陰處陽以柔乘剛進則无應象退无所守以此用師宜獲輿尸之凶

曰師或輿尸大无功也

疏

正義曰師或輿尸凶者以陰處陽以柔乘剛進

无所應退无所守以此用師或有輿尸之凶象曰大无功也者釋輿尸之義以其輿尸則大无功也

而下

注以陰至之剛已又以陰居陽是退无所守

注云得位而无應无應不可以行得位則可以處故左次之而无咎也行師之

六四

師左次无咎

注云得位而无應无應不可以行得位則可以處故左次之而无咎也行師之

法欲右背高故左次之

象曰左次无咎未失常也

注云雖不能

夷其疏正義曰師左次无咎者六四得血而无虞
常也疏无咎故師在高陵之左以次山時无咎也
次无咎故師在高陵之左以次山時无咎也
日未失常者釋无咎之義以其雖未有功未失常
道注得位至故左次之正義曰行師之法欲右
背高者此兵法也故漢書韓信云兵法欲右背山
陵前左
水澤
六五田有禽利執言无咎長子帥師弟子

輿尸貞凶注云處師之時柔得尊位陰不先唱柔不
犯物犯而後應往必得直故田有禽也物

先犯己故可以執言而无咎也柔非軍帥陰非剛
武故不躬行必以授也授不得主則衆不從故長
子帥師可也弟子
象曰長子帥師以中行也弟子
之凶固其宜也

輿尸使不當也疏正義曰田有禽利執言者柔得
尊位陰不先唱柔不犯物犯而

後應往必得直故往即有功猶如田中有禽而來
犯苗若往獵之則无咎過也人之脩田非禽之所
犯王者守國非叛者所亂禽之犯苗則可獵取叛
人亂國則可誅之此假他象以喻人事故利執言
无咎已不直則有咎已今得直故可以執此言往
問之而无咎也長子帥師弟子與尸貞凶者以己
是柔不可為軍帥己又是陰身非剛武不可以親
行故須役任長子弟子之等若任役長子則可以
帥師若任用弟子則軍必被敗而與尸是為正之
凶蒞氏云長子謂九二德長於人弟子謂六三德
劣於物今案象辭云長子帥師以中行也是九二
居中也弟子與尸使不當也謂六三失位也汪
往必得直正義曰往必得直者見犯乃行上六大
欲往征之則於理正直故云往必得直

君有命開國承家小人勿用

注云處師之極師之終也
大君之命不失功也

開國承家以寧邦也
小人勿用非其道也
象曰大君有命以正功也小

人勿用必亂邦也
疏正義曰大君有命者上六處
師之極是師之終竟也大君

謂天子也言天子爵命此上六若其功大使之開
國為諸侯若其功小使之承家為卿大夫小人不

用者言開國承家須用君子勿用小人也象曰大
君有命以正功也者正此上六之功也小人勿用

必亂邦也者若用小人必
亂邦國故不得用小人也

坤下
比吉原筮元永貞无咎不寧方來後夫

凶疏正義曰比吉者謂能相親比而得其吉原筮
元永貞无咎者欲相親比必能原窮其情筮

謂其意唯有元大永長貞正乃得无咎元永貞者
謂兩相親比皆須永貞不寧方來者比是寧樂之

時若能與人親比則不寧之方皆悉歸來後夫
者夫語辭也親比貴速若及早而來人皆親已故
在先者吉若在後而至者人或踈已親比不彖曰
成故後夫凶或以夫為丈夫謂後來之人也彖曰

比吉也比輔也下順從也原筮元永貞无咎以剛

中也

注云處比之時將原筮以求无咎其唯元永貞
乎夫羣黨相比而不以元永貞則凶邪之道也

若不遇其主則雖永貞而猶未足免於
咎也使永貞而无咎者其唯九五乎 不寧方來

上下應也

注云上下无陽以分其民五獨處尊莫不
歸之上下應之既親且安安則不安者託

焉故不寧方所以來上下應故也夫无者求有有
者不求所與危者求安安者不求所保火有其炎
寒者附之故已苟安 後夫凶其道窮也
注云將合和
焉則不寧方來矣 親而獨在後

親成則誅疏正義曰比吉也者釋親比為善言相是以凶也

得吉由比者人來相補助也下順從者在下之人順從於是相補助也謂衆陰順從九五也自此

已上釋比名為吉之義原筮元永貞无咎以剛中者釋原筮元永貞无咎之義所以得如此者以九

五剛而處中故使比者皆得原筮元永貞无咎也

不寧方來上下應者釋不寧方來之義以九五中故上下羣陰皆來應之於此之時陰往比陽

陰未得其所皆未寧也後夫凶其道窮者釋後夫凶也他悉親比已獨後來比道窮困无與親故其

凶也此謂上六也注處比至九五乎正義曰將原筮以求无咎其唯元永貞乎者原謂原窮比者

根本筮謂筮決求比之情以求久長无咎其唯元永貞乎元大也永長也為己有大長貞正乃能原筮相親比之情得久長而无咎謂彼此相親比也

若不遇其主則雖永貞而猶未足免於咎者若不
逢遇明主則彼此相求比者雖各懷永貞而猶未
足免離於咎雖有永貞而无明主照察不被上知
相親涉於朋黨故不免咎也使永貞而无咎者其
唯九五乎者使比者得免咎保永貞久而无咎其
唯九五乎以九五為比之主剛而處中能識比者
之情意故使比者得保永貞无凶咎也注將合
至以凶也正義曰親成則誅者彼此相比皆速來
為親親道已成已獨在後而來衆象曰地上有水
則嫌其離貳所以被誅而凶也

比先王以建萬國親諸侯

注云萬國以比建諸侯以比親正義曰

親諸侯非諸侯已下之所為故特云先王也建萬
國謂割土而封建之親諸侯謂爵賞恩澤而親友
之萬國據其境域故曰建也諸侯謂其君身故云
親也地上有水猶域中有萬國使之各相親比猶

物故去地有水流通相潤及初六有孚比之无咎有孚

盈缶終來有它吉

注云處比之始為比之首者也夫以不信為比之首則禍莫大焉故

必有孚盈缶然後乃得免比之咎故曰有孚比之无咎也處比之首應不存一心无私吝則莫不比之著信立誠盈溢乎質素之器則物終來无衰竭也親乎天下著信盈缶應者豈一道而來故必有

它吉

象曰比之初六有它吉也

疏

正義曰有孚比之无咎者處比

之始為比之首若无誠信禍莫大焉必有誠信而相親比終始如一為之誠信乃得无咎有孚盈缶終來有它吉者身處比之首應不在一心无私吝莫不比之有此孚信盈溢質素之缶以此待物物皆歸向從始至終尋常恒來非唯一人而已更有它人並來而得吉故云終來有它吉也此假外象

喻人事也

注應不在一心死私吝正義曰應不

在一者初六

无應是應不在一故心死私吝也若

心有偏應即

私有愛吝也以六二比之自内貞吉

應不在一故

心无私吝也六二比之自内貞吉

注云處比之時居中得位而繫應在

象曰比之自内

五不能來它故得其自内貞吉而已

象曰比之自内

不自失也

疏

正義曰比之自内貞吉者居中得位

道自在其内獨與五應但貞吉而已不如初六有

它吉也象曰不自失者釋比之自内之義不自失

其所應之偶故云比

六三比之匪人

之自内不自失也

注云四自外比

相得遠則无應所與比者

象曰比之匪人不亦傷

皆非已親故曰比之匪人

象曰比之匪人不亦傷

乎

正義曰比之匪人不亦傷乎者言六三所比

疏

皆非已親之人四自外比二為五應近不相

乎

正義曰比之匪人不亦傷乎者言六三所比

得遠又无應是所欲親比
皆非其親是以悲傷也
六四外比之貞吉
注云外比於五

履得其位比不失賢
象曰外比於賢以從上也
疏

正義曰六四上比於五故外比也
居得其位比不失賢所以貞吉凡下體為內上體為外六四比五

故云外比也
象曰外比於賢以從上也者九五居中得位故稱賢也五在四上四往比之是以從上

九五顯比王用三驅失前禽邑人不誡吉
注云云比之主

而有應在二顯比者也
比而顯之則所親者狹矣夫无私於物唯賢是與則去之與來皆无失也夫

三驅之禮禽逆來趣已則舍之背已而走則射之
愛於來而惡於去也故其所施常失前禽也以顯

比而居王位用三驅之道者也
故曰王用三驅失前禽也用其中正征討有常伐不加邑動必討

邑人无虞故不誠也雖不得乎大人之吉是象曰

顯比之吉也此可以爲上之使非爲上之道象曰

顯比之吉位正中也舍逆取順失前禽也邑人不

誠上使中也疏正義曰五應於二顯明比道不能

失前禽者此假田獵之道以喻顯比之事凡三驅

之禮禽向己者則舍之背己者則射之是失於前

禽也顯比之道與己相應者則親之與己不相應

者則踈之與三驅田獵愛來惡去相似故云王用

三驅失前禽也言顯比之道似於此也邑人不誠

吉者雖不能廣普親比於自己相親之處不妄加

討罰所以己邑之人不須防誠而有吉也至于邑

人不誠而爲吉非是大人弘闊之道不可爲大人

之身但可爲大人之使象曰顯比之吉位正中者

所以顯比得吉者以所居之位正而且中故云顯

比之吉舍逆取順失前禽也者禽逆來向己者則
舍之而不害禽順去背己而走者則射而取之是
失前禽也邑人不誠上使中者釋邑人不誠之義
所以己邑之人不須防誠止由在上九五之使得
其中正之人伐不加邑動必討叛不橫加死罪止
由在上使中也中謂九五也此九五雖不得為王
者之身堪為王者之使以居中位故云上使中也
注為比至之道正義曰去之與來皆死失者若
比道弘闊不偏私於物唯賢是親則背己去者與
來向己者皆悉親附无所失也言去亦不失來亦
不失夫三驅之禮者先儒皆云三度驅禽而射之
也三度則已今亦從之去則射之褚氏諸儒皆以
為三面著人驅禽必知三面者禽唯有背己向己
趣己故左右及於後皆有驅之愛於來而惡於去
者來則舍之是愛於來也去則射之是惡於去也
故其所施常失前禽者言獨比所應則所比為失

如三驅所施愛來憎去則失在前禽也用其中正
征討有常伐不加邑動必討叛者此九五居中得
正故云用其中正也心既中正不妄喜怒故征伐
有常也所伐之事不加親己之邑興師動衆必欲
討其叛逆二以其顯比親者伐所不加也叛者必
欲征伐也云雖不得乎大人之吉是顯比之吉者
以象云顯比之吉其比狹也若大人之吉則比道
弘通也可以爲上之使非爲上之道者九五居上
之位若爲行如此身雖爲王止可爲上使
之人非是爲王之道故云非爲上之道 上六比
之无首凶注云无首後也處卦之終是後夫也親象
曰比之无首无所終也疏正義曰无首凶者謂无
獨在後是親比於人无能爲頭首也它人皆比親
道已成己獨在後衆人所棄宜其凶也象曰无所

終者釋比之无首既不能為比之初
首被人所棄故无能與之共終也

三

乾下

小畜亨

注云不能畜太止健
剛志故行是以亨

密雲不雨自

我西郊

疏

正義曰小畜亨者但小有所畜唯畜九
三而已初九九二猶剛健得行是以剛

志上得亨通故云小畜亨也若大畜乾在於下艮
在於上艮是陽卦又能止物能止此乾之剛健所
畜者大故稱大畜此卦則異在於上乾唯能於下
是陰柔性又和順不能止畜在下之乾唯能於下
九三所畜狹小故名小畜密雲不雨者若陽之上
外陰能畜止兩氣相薄則為雨也今唯能畜止九
三其氣被畜但為密雲初九九二猶自上通所以
不能為雨也自我西郊者所聚密雲由在我之西
郊去我既遠潤澤不能豕曰小畜柔得位而上下
行也但聚在西郊而已

應之曰小畜

注云謂六四也成卦之義在此爻也體无二陰以分其應故上下應之也既得

其位而上下應之三不能陵小畜之義也

健而巽剛中而志行乃亨密

雲不雨尚往也自我西郊施未行也

注云小畜之勢足作密雲乃自

我西郊未足以爲雨也何由知未能爲雨夫能爲雨者陽上薄陰陰能固之然後烝而爲雨今不能制初九之復道固九二之牽復九三更以不能復爲劣也下方尚往施豈得行故密雲而不能爲雨尚往故也何以明之夫陰能固之然後乃雨乎上九獨能固九三之路故九三不可以進而輿說輻也能固其路而安於上故得旣雨旣處若四三皆能若上九之善畜則能雨明矣故舉一卦而論之能爲小畜密雲而已陰苟不足以固陽則雖復至盛密雲自我西郊故不能雨也雨之未下即施之

未行也彖全論一卦之體故曰密雲不雨象各言一爻之德故曰既雨既處也䷆正義曰而上下應之曰小畜者柔得位謂六四也以陰居陰故稱得位此卦唯有一陰上下諸陽皆來應之故曰小畜此釋小畜卦名也言此卦之畜六四唯畜其下九三初九九二猶不能擁畜而云上下應之者若細別而言小畜之義唯當畜止在下三陽猶不能畜盡但畜九三而已若大判而言之上下五陽總應六四故云上下應之其四雖應何妨總不能畜止剛健也健而巽剛中而志行乃亨者內既剛健而外逢柔順剛發於中不被擁抑而志意得行以此言之故剛健之志乃得亨通此釋亨也密雲不雨尚往者所以密雲不雨者不能畜止諸陽初九九二猶得上進陰陽氣通所以不雨釋密雲不雨也自我西郊施未行者釋自我西郊之義所以密雲不雨從我西郊而積聚者猶所施潤澤

未得流行周徧故不覆國都但遠聚西郊也然雲
在國都而不雨亦是施未行也必云在西郊者若
在國都雨雖未落猶有覆蔭之施不得云施未行
今言在西郊去施遠也注小畜至既與正義曰
九三更以不能復爲劣者初九旣得復道九二可
牽以獲復皆得剛健上通則是陰不能固陽而九
三劣弱又不能自復則是陽不薄陰是以皆不雨
也且小畜之義貴於上往而九三不能自復更爲
劣弱故言九三更不能復爲劣也能固其路而安
於上者謂上九能閉固九三之道路不被九三所
陵得安於上所以旣雨旣處也故舉一卦而論之
能爲小畜密雲而已者此明卦之與爻其義別也
但卦總二象明上體不能閉固下體所以密雲不
能爲雨爻則止明一爻之事上九能固九三所以
上九而有雨也所以卦與爻其義異也諸卦多然
若比卦云比吉上六則云比之死首凶也復卦云

復亨上六云迷復凶也此皆卦
之與爻義相違反它皆倣此
象曰風行天上小

畜君子以懿文德

注云未能行其施者故可以懿文德而已

疏

正義曰君子以懿文

德者懿美也以於其時施未得行喻君子之人但脩美文德待時而發風為號令若風行天下則施附於物不得云施未行也今風在天上去物既遠无所施及故曰風行天上凡大象君子所取之義或取二卦之象而法之者若地中有水師君子以容民畜衆取卦象包容之義若履卦象云上天下澤履君子以辯上下取上下尊卑之義如此之類皆取二象君子法以爲行也或直取卦名因其卦義所有君子法之須合卦義行事者若訟卦云君子以作事謀始防其所訟之源不取天與水違行之象若小畜君子以懿文德不
初九復自道何其取風行天上之象餘皆倣此

咎吉

注云處乾之始以升巽初四爲己應不距己者也以陽升陰復自其道順而无違何所犯咎得

義之

象曰復自道其義吉也

疏

正義曰處乾之始以升巽初四爲己

應以陽升陰反復於上自用己道四則順而无違於己无咎故云復自道何其咎吉象曰其義吉者以陽升陰以剛應柔其義於理吉也

九二牽復吉

注云處乾之中以升巽五五非畜極非固

己者也雖不能若陰之不違可牽以獲復是以吉也

象曰牽復在中亦不自

失也

疏

正義曰牽復吉者牽謂牽連復謂反復二欲往五五非止畜之極不開固於己可自

牽連反復於上而得吉也象曰牽復在中亦不自失者既彊牽連而復在下卦之中以其得中不被

閉固亦於己不自有失解牽復吉也

九三輿說輻夫妻反目

注云上爲畜盛不可

牽征以斯而進故必說輻也已為陽極上為陰象
長畜於陰長不能自復方之夫妻反目之義也

曰夫妻反目不能正室也

疏

正義曰九三欲復而進上九固而止之不

可以行故車輿說其輻夫妻反目者上九體巽為
長女之陰今九三之陽被長女閉固不能自復夫
妻乖戾故反目相視象曰不能正室者釋夫妻反
目之義以九三之夫不能正上九之室故反目也
此假象以六四有孚血去惕出无咎注云夫言血者
喻人事也

陽犯陰也四乘

於三近不相得三務於進而已隔之將懼侵克者
也上亦惡三而能制焉志與上合共同斯誠三雖

逼己而不能犯故得象曰有孚惕出上合志也

疏

正義曰有孚血去惕出无咎者六四居九三之上
乘陵於三三既務進而已固之懼三害已故有血

也畏三侵陵故惕懼也但上九亦憎惡九三六四與上九同志共惡於三三不能害已故得其血去除其惕出散信能血去懼除乃得无咎象曰有孚惕出上合志者釋惕出之意所以惕出者由己與上九同合其志共惡於三也注夫言至无咎也正義曰爻言血者陽犯陰也者謂此卦言血陽犯陰也夫者發語之端非是總凡之辭故需六四云需於血注云凡稱血者陰陽相傷也則稱血者非唯陽犯陰也九五有孚攣如富以其鄰注云處得尊位不疑於二來而不距

二牽已牽不為專固有孚攣如之謂也以陽居陽處實者也居盛處實而不專固富以其鄰者也

象曰有孚攣如不獨富也疏正義曰有孚攣如者五居尊位不疑於二

來而不距二既牽挽而來已又攣攣而迎接志意合同不有專固相逼是有信而相牽攣也如語辭

非義類富以其鄰者五是陽爻即必富實心不專
固故能用富以與其鄰鄰謂二也象曰不獨富也
者釋攀如之義所以攀攀於二者以
其不獨自專固於富欲分與二也
上九既雨既

處尚德載婦貞厲月幾望君子征凶

注云處小畜之極能畜者也陽

不獲亨故既雨也剛不能侵故既處也體巽處上
剛不敢犯尚德者也為陰之長能畜剛健德積藏
者也婦制其夫臣制其君雖貞近危故曰婦貞厲
也陰之盈盛莫盛於此故曰月幾望也滿而又進
必失其道陰疑於陽必見戰伐雖復
象曰既雨既
君子以征必凶故曰君子征凶也

處德積載也君子征凶有所疑也

注云夫處下可以征而无咎者唯泰

也則然坤本體下又順而弱不能敵剛故可以全
其類征而言也自此以往則其進各有難矣夫

雖不能若艮之善畜猶不肯爲坤之順從也故可得少進不可盡陵也是以初九九二其復則可至於九三則輿說輻也夫大畜者畜之極也畜而不已畜極則通是以其畜之盛在於四五至于上九道乃大行小畜積極而後乃能畜是疏正義曰以四五可以進而上九說征之輻雨旣處者九三欲進已能固之陰陽不通故已得其雨也旣處者三不能侵不憂危害故已得其處也尚德載者體巽處上剛不敢犯爲陰之長能畜止剛健慕尚此德之積聚而運載也故云尚德載也言慕尚此道德之積載也婦貞厲者上九制九三是婦制其夫臣制其君雖復貞正而近危厲也月幾望者婦人之制夫猶如月在望時盛極以敵日也幾辭也已從上釋故於此不復言也君子征凶者陰疑於陽必見戰伐雖復君子之行而亦凶也象曰旣雨旣處德積載者釋旣雨旣處之義言所以得旣

雨既處者以上九道德積聚可以運載使人慕尚
故云既雨既處也君子征凶有所疑者釋君子征
凶之義言所以征凶者陰氣盛滿被陽有所疑忌
必見戰伐故征凶也注處小畜至征凶正義曰
處小畜之極能畜者也者已處小畜盛極是閑畜
者也陽不獲亨故既雨也者陽若亨通則不雨也
所以卦辭辭云小畜亨密雲不雨今九三之陽被
上九所固不獲亨通故既雨也注夫處至征之
輻正義曰夫巽雖不能若艮之善畜者謂雖不能
如大畜艮卦在上善畜下之乾也巽雖不能如艮
之善畜故其畜小也猶不肯爲坤之順從者謂猶
不肯如泰卦坤在於上順從乾也故可得少進者
謂初九九二得前進也不可盡陵者九三欲陵上
九被上九所固是不可得盡陵也畜而不已畜極
則通是以其畜之盛在于四五至于上九道乃大
行者此論大畜義也大畜畜而不已謂之大畜四

爻五爻是畜之盛極而不休已畜極則通四五畜道既極至於上九无可所畜故上九道乃大行无所畜也小畜積極而後乃能畜者小畜之道既微積其終極至於上九乃能畜也謂畜九三也是以四五可以進者四雖畜初五雖畜二畜道既弱故初二可以進上九說征之輻者上九畜之積極故能說此九三征行之輻案九三但有說輻无征之文而王氏言上九說征之輻者輿之有輻可以征行九三爻有征義今輿輻既說則是說征之輻因上九征凶之文征則行也文雖不言於義必有言輻者鄭注云謂輿下縛木與輻相連鈞心之木是也予夏傳云輻車轡也

三

乾允上

履虎尾不啞人亨

䷆

正義曰履虎尾不啞人亨者履卦之

義以六三為主六三以陰柔履踐九二之剛履危者也猶如履虎尾為危之甚不啞人亨者以六三

在兌體兌為和說而應乾剛雖履其危而不見害
故得亨通猶若履虎尾不見噬齧于人此假物之
象以喻人事
彖曰履柔履剛也說而應乎乾是以履虎

尾不噬人亨

注云凡彖者言乎一卦之所以為主也成卦之體在六三也履虎尾者言其危

也三為履主以柔履剛履危者也履虎尾而不見
噬者以其說而應乎乾也乾剛正之德者也不以
說行夫佞邪而以說應乎乾
宜其履虎尾不見噬而亨
剛中正履帝位而不

疚光明也

注云言五之德

疏

正義曰履柔履剛者言履卦之義是柔之履剛六三陰爻在九

二陽爻之上故云柔履剛也履謂履踐也此釋履
卦之義說而應乎乾是以履虎尾不噬人亨者釋
不噬人亨之義六三在兌體兌為和說應於上九
上九在乾體兌自和說應乎乾剛以說應剛无所

見害是以履踐虎尾不咥害於人而得亨通也若
以和說之行而應於陰柔則是邪佞之道由以說
應於剛故得吉也剛中正履帝位者謂九五也以
剛處中得其正位居五之尊是剛中正履帝位也
而不疚光明者能以剛中而居帝位不有疚病由
德之光明故也此二句贊明履卦德義之美於經
无所釋也象曰上天下澤履君子以辯上下定民志
正義曰君子以辯上下定民志者天尊在上澤卑
處下君子法此履卦之象以分辯上下尊卑以定
正民之志意使尊卑有序也但此履卦名含二義
若以爻言之則在上履踐於下六三履九二也若
以二卦上下之象言之則履禮也在下以禮承事
於上此象之所言取上下二卦卑承尊之義故云
上天下澤履但易含萬象反初九素履往无咎
履取義不可定為一體故也初九素履往无咎

注云
處履

疏

之初為履之始履道惡華故素乃无咎處
履以素何往不從必獨行其願物无犯也
象曰素

履之往獨行願也
疏正義曰初九素履往无咎者
處履之始而用質素故往而

无咎若不以質素則有咎也象曰獨行願者釋素
履之往它人尚華已獨質素則何咎也故獨行所

願則物
九二履道坦坦幽人貞吉
注云履道尚謙不
愿犯也

惡夫外飾者也而二以陽處陰履於謙也居內履
中隱顯同也履道之美於斯為盛故履道坦坦无

險厄也在幽
象曰幽人貞吉中不自亂也
疏正義
而貞宜其吉

道坦坦者坦坦平易之貌九二以陽處陰履於謙
退己能謙退故履道坦坦平易无險難也幽人貞

吉者既无險難故在幽隱之人守正得吉象曰中
不自亂者釋幽人貞吉以其居中不以危險而自

亂也。既能謙退，幽居何有危險？自亂之事，注履道至其吉。正義曰：履道尚謙者，言履踐之道貴尚謙退。然後乃能踐物履，又為禮故尚謙也。居內履中，隱顯同者，履道尚謙，不喜處盈，然以陽處陰，尚於謙德。居內履中，以信為道，不以居外為榮。處內為屈，若居在外亦能履中，謙退隱之與顯在心齊等。故曰：隱顯同也。在幽而貞，宜其吉者，以其在內卦之中，故太在幽也。謙而得中，是貞正也。在幽能行此正，故六三眇能視，跛能履，履虎尾，咥人凶，武曰宜其吉。

人爲于大君注云：居履之時，以陽處陽，猶曰不謙而泥以陰居陽，以柔乘剛者乎？故以此爲明眇目者也。以此爲行跛足者也。以此履危見咥者也。志在剛健，不脩所履，欲以陵武於人，爲于大君行未能免於凶而**象曰：眇能視，不足以有明也。**志存于王頑之甚也。

跛能履不足以與行也啞人之凶位不當也武人

爲于大君志剛也

疏

正義曰眇能視跛能履者居履之時當須謙退今六三以

陰居陽而又失其位以此視物猶如眇目自爲不能視不足爲明也以此履踐猶如跛足自爲能履不足與之行也履虎尾啞人凶者以此履虎尾啞人爲于大君者行此威武加陵於人欲自爲於大君以六三之微欲行九五之志頌愚之甚象曰不足以有明者釋眇能視物目既隆眇假使能視无多明也不足以與行者解跛能履足既蹇跛假使能履行不能遠故去不足以與行也位不當者釋啞人之凶所以被啞見凶者緣居位不當謂以陰處陽也志剛者釋武人爲于大君所以陵武加人欲爲大君以其志意剛猛以陰而處陽是志意剛也

九四履虎尾

韻 懼 貌 又 暮
 色 黃 切 驚

愬愬終吉

注云逼近至尊以陽承陽處多懼之地故曰履虎尾愬愬也然以陽居陰以謙爲本

雖處危懼終獲其志故終吉也

象曰愬愬終吉志行也

疏

正義曰
覆虎尾

終吉初雖愬愬終得其吉以謙志得行故終吉也
 陰意能謙退故終得其吉也象曰志行者釋愬愬
 承陽處嫌隙之地故愬愬危懼也終吉者以陽居

九五 夬履貞厲

注云得位處尊以剛決正故曰夫履
貞厲也履道惡盈而五處實是以危

象曰大履貞厲位正當也

疏

正義曰夫履者夫者
決也得位處尊以剛

決正履道行正故夬履也。貞厲者厲危也。履道惡盈而五以陽居尊故危厲也。象曰位正當者釋夫。履貞厲之義所以夬履貞厲者以其位正當處。在九五之位不得不決斷其理不得不有其貞厲。

履貞厲之義所以決履貞厲者以其位正當處
在九五之位不得不決斷其理不得不有其貞厲

履貞厲之義所以決履貞厲者以其位正當處
在九五之位不得不決斷其理不得不有其貞厲

履貞厲之義所以決履貞厲者以其位正當處
在九五之位不得不決斷其理不得不有其貞厲

地故也

上九視履考祥其旋元吉

注云禍福之祥生乎所履處履

之極履道成矣故可視履而考祥也居極應

象曰

元吉在上大有慶也

疏

正義曰視履考祥者祥謂

已成故視其所履之行善惡得失考其禍福之徵

祥其旋元吉者旋謂旋反也上九處履之極下

應允說高而不危是其不墜於禮而能旋反行之

禮道大成故元吉也象曰大有慶者解元吉在上

疏

正義曰小往大來

之義既以元吉而在上九是大有福慶也以有福慶故在上元吉也

三三

坤上

泰小往大來吉亨

疏

正義曰小往大來

往陽長故大來以此吉而亨通此卦亨通之極而

始而利貞也所以象云豕曰泰小往大來吉亨則

是天地交而萬物通也上下交而其志同也內陽

而外陰內健而外順內君子而外小人君子道長

小人道消也疏正義曰泰小往大來吉亨則是天

來吉亨名爲泰也所以得名爲泰者正由天地氣

交而生養萬物物得大通故云泰也上下交而其

志同者此以人事象天地之交上謂君也下謂臣

也君臣交好故志意和同內陽而外陰內健而外

順內健則內陽外順則外陰內陽外陰據其象內

健外順明其性此說泰卦之德也陰陽言交健順

言卦此就卦爻釋小往大來吉亨也內君子而外

小人君子道長小人道消者更就人事之中釋小

往大來
吉亨也
象曰天地交泰后以財成天地之道輔相

天地之宜以左右民

注云泰者物大通之時也上下大通則物失其節故財成而輔

相以左右民也

疏

正義曰肩以財成天地之道者由物皆通泰則上下失節后君也於此之時君

當翦助成就天地之道輔相天地之宜者相助也

助養其人也天地之道者謂四時也冬寒夏暑春

生秋殺之道若氣相交通則物失其節物失其節

則冬溫夏寒秋生春殺君當財節成就使寒暑得

其常生殺依其節此天地自然之氣故云天地之

道也天地之宜者謂天地所生之物各有其宜若

大司徒云其動物植物及職方云楊州其貢宜稻

麥雍州其貢宜黍稷若天氣大同則所宜相反故

人君輔助天地所宜之物各安其性得其宜據物

言之故稱宜也此卦言后者以不兼公卿大夫故
不云君子也兼通諸侯故不得直言先王欲見天
子諸侯俱是南面**初九拔茅茹以其彙征吉**注云茅之爲物
拔其根而相牽引者也茹相牽引之貌也三陽同
志俱志在外初爲類首已舉則從若茅茹也上順
而應不爲違距進皆得志故以其類征吉**象曰拔茅征吉志在外也****疏**
正義曰拔茅茹者初九欲往於上九二九三皆欲
上行已去則從而似拔茅舉其根相牽茹也以其
彙者彙類也以類相從征吉者征行也上坤而順
下應於乾已去則納故征行而吉象曰志在外者
釋拔茅征吉之義以其三陽志意皆在於外已行
則從而似拔茅往行而得吉此假外物以明義也

九二包荒用馮河不遐遺朋亡得尚于中行

注云體健居中

而用乎泰能包含荒穢受納馮河者也用心弘大
无所遐棄故曰不遐遺也无私无偏存乎光大故
曰朋亡也如此乃可以得尚
象曰包荒得尚于中

行以光大也

疏

正義曰包荒用馮河者體健居中
而用乎泰能包含荒穢之物故云

包荒也用馮河者无舟渡水馮陵于河是頑愚之
人此九二能包含容受故曰用馮河也不遐遺者
遐遠也遺棄也用心弘大无所踈遠棄遺於物朋
亡者得中无偏所在皆納无私於朋黨之事亡
也故云朋亡也得尚於中行者中行謂六五也
中而行以九二所為如此尚配也得配六五之中
也象曰包荒得尚于中行以光大也者釋得尚中
行之義所以包荒得配此六五之中者以无私无
偏存乎光大之道故此包
荒皆假外物以明義也
九三无平不陂无往不復

艱貞无咎勿恤其孚于食有福

注云乾本上也坤本下也而得泰者

降與升也而三處天地之際將復其所處復其所處則上守其尊下守其卑是故无往而不復也无平而不陂也處天地之將閉平路之將陂時將大變世將大革而居不失其正動不失其應艱而能貞不失其義故无咎也信義誠著故不恤其孚而自明也故曰勿恤其孚于食有福也

象曰

无往不復天地際也

注云天地將各分復之際

䷆

正義曰无平不

地相交之際將各分復其所處乾體初雖在下今將復歸於上坤體初雖在上今欲復歸於下是初始平者必將有險陂也初始往者必將有反復也无有平而不陂无有往而不復者猶若无在下者而不在上无在上者而不歸下也艱貞无咎者已居變革之世應有危殆只為已居得其正動有其

應艱難貞正乃得无咎勿恤其孚于食有福者恤
憂也孚信也信義先以誠著故不須憂其孚信也
信義自明故於食祿之道自有福慶也象曰天地
際者釋无往不復之義而三處天地交際之處天
體將上地體將下故往者將復平者將陂注乾
本至有福也正義曰將復其所處者以泰卦乾體
在下此九三將棄三而向四是將復其乾之上體
所處也泰卦坤體在上此六四今將去四而歸向
初復其坤體所處也處天地之將開平路之將陂
者天將處上地將處下開而不通是天地之將開
也所以往前通泰路无險難自今已後時既否閉
路有傾危是平路之將陂也此因三之向四是下
欲上也則上六將歸於下是上欲下也故云復其
所處也信義誠著者以九三居不失正動不失應
是信義誠著也故不恤其孚而自明者六四翩翩
解於食有福以信義自明故飲食有福六四翩翩

不富以其鄰不戒以孚

注云乾樂上復坤樂下復四處坤首不固所居見命則退

故曰翩翩也坤爻皆樂下已退則從故不待富而用其鄰也莫不與已同其志願故不待戒而自孚

也象曰翩翩不富皆失實也不戒以孚中心願也

疏

正義曰六四翩翩者四主坤首而欲下復見命則退故翩翩而下也不富以其鄰者以用也鄰

謂五與上也今已下復衆陰悉皆從之故不待財富而用其鄰不戒以孚者鄰皆從已共同志願不待戒告而自孚信以從已也象曰皆失實者解翩不富之義猶衆陰皆失其本實所居之處今既見命翩翩樂動不待財富並悉從之故云皆失實也不戒以孚中心願者解不戒以孚之義所以不待六四之戒告而六五上六皆已孚信者由中心皆願下復故不待戒而自孚也

六五帝

乙歸妹以祉元吉

注云婦人謂嫁曰歸泰者陰陽交通之時也女處尊位履中居順降

身應二感以相與用中行願不失其禮帝乙歸妹誠合斯義履順居中行願以祉盡夫陰陽交配之宜故元象曰以祉元吉中以行願也



正義曰帝乙歸妹者

女處尊位履中居順降身應二感以相與用其中情行其志願不失於禮爻備斯義者唯帝乙歸妹于妹而能然也故作易者引此帝乙歸妹以明之也以祉元吉者履順居中得行志願以獲祉福盡夫陰陽交配之道故大吉也象曰中以行願者釋以祉元吉之義止由中順行其志願故得福而元吉也

注婦人謂嫁曰歸正義曰婦人謂嫁曰歸隱二年公羊傳文也

上六城復于

隍勿用師自邑告命自吝

注云居泰上極各反所應泰道將滅上下不交卑不

上承尊不下施是故城復于隍卑道崩也勿用師
不煩攻也自邑告命貞吝否道已成命不行也

象曰城復于隍其命亂也

疏

正義曰城復于隍者居泰上極各反所應

泰道將滅上下不交卑不上承尊不下施猶若城
復于隍也予夏傳云隍是城下池也城之為體由
基土陪扶乃得為城今下不陪扶城則損壞以此
崩倒反復於隍猶君之為體由臣之輔翼今上下
不交臣不扶君君道傾危故云城復于隍此假外
象以喻人事勿用師者謂君道已傾不煩用師也
自邑告命貞吝者否道已成物不順從唯於自己
之邑而施告命下既不從故貞吝象曰其命亂者
釋城復于隍之義若教命不亂臣當輔君猶土當
扶城由其命錯亂下不奉上猶土不陪城使復于
隍故云其命亂也注卑道崩也正義曰卑道
向下不與上交故卑之道崩壞不承事於上也

䷀

坤上

否之匪人

不利君子貞大往小來

䷀

正義

曰否之匪人者言否閉之世非是人道交通之時故云匪人不利君子貞者由小人道長君子道消故不利君子為正也陽氣往而陰氣來故云大往小來陽主生息故稱大陰主消耗故稱小

曰否之匪人不利君子貞大往小來則是天地不

交而萬物不通也上下不交而天下无邦也内陰

而外陽内柔而外剛内小人而外君子小人道長

君子道消也

䷀

正義曰上下不交而天下无邦者與泰卦反也泰卦云上下交而其

志同此應云上下不交則其志不同也非但其志不同上下乖隔則邦國滅亡故變云天下无邦也

內柔而外剛者欲取否塞之義故內至柔弱外禦剛彊所以否閉若欲取通泰之義則云內健外順各隨義爲文故此象曰天地不交否君子以儉德云剛柔不云健順

辟難不可榮以祿

疏

正義曰君子以儉德辟難者言君子於此否塞之時以節

儉爲德辟其危難不可榮華其身以居祿位此若據諸侯公卿言之辟其羣小之難不可重受官賞若據王者言之謂節儉爲德辟其陰陽厄運之難不可重自榮華而驕逸也

初六拔茅

茹以其彙貞吉亨

注云居否之初處順之始爲類之首者也順非健也何可以征居否

之時動則入邪三陰同道皆不可進故茅茹以類貞而不諂則吉亨

象曰拔茅貞吉

志在君也

注云志在於君故不苟進

疏

正義曰拔茅茹者以居否之初處順之始未可以動

動則入邪不敢前進三陰皆然猶若拔茅牽連其根相茹也已若不進餘皆從之故去拔茅茹也以其彙者以其同類共皆如此貞吉亨者守正而居志在於君乃得吉而亨通象曰志在君者釋拔茅貞吉之義所以居而守正者以其志意在君不敢懷諂苟進故得吉亨也此假外物以明人事六

二包承小人吉大人否亨

注云居否之世而得其位用其至順包承於上小人

路通內柔外剛大人否之其道乃亨

象曰大人否亨不亂羣也

疏

正義

曰包承者居否之世而得其位用其至順包承於上小人吉者否閉之時小人路通故於小人為吉也大人否亨者若大人用此包承之德能否閉小人之吉其道乃亨象曰大人否亨不亂羣者此釋所以大人否亨之意良由否閉小人防之以得其道小人雖盛不亂羣故言不亂羣也

六三

包羞

注云俱用小道以承其上而位不當所以包羞也

象曰包羞位不當也

疏

正義曰包羞者言羣陰俱用小人之道包承於上以失位不當所包承之事唯羞辱也

九

四有命无咎疇離祉

注云夫處否而不可以有命者以所應者小人也

則消君子之道者也今初志在君處乎窮下故可以有命无咎而疇麗福也疇謂初也

象曰

有命无咎志行也

疏

正義曰有命无咎者九四處否之時其陰爻皆是小人若

有命於小人則君子道消也今初六志在於君守正不進處于窮下今九四有命命之故无咎疇離祉者疇謂初六也離麗也麗謂附著也言九四命初身既无咎初既被命附依祉福言初六得福也象曰有命无咎志行者釋有命无咎之義所以九四有命得无咎者由初六志意得行守正

而應於上故九
四之命得无咎
九五休否大人吉其亡其亡繫于

苞桑注云居尊當位能休否道者也施否於小人否之休也唯大人而後能然故曰大人吉也處君

子道消之時已居尊位何可象曰大人之吉位正以安故心存將危乃得固也

當也疏正義曰休否者休美也謂能行休美之事於否塞之時能施此否閉之道過絕小人

則是否之休美者也故云休否大人吉者唯大人乃能如此而得吉也若其凡人則不能其亡其亡

繫于苞桑者在道消之世居於尊位而遇小人必近危難須恒自戒慎其意常懼其危亡言下學戒

慎如此也繫于苞桑者苞本也凡物繫于桑之苞本則牢固也若能其亡其亡以自戒慎則有繫于

苞桑之固无傾危也象曰大人之吉位正當者大人吉之義言九五居尊得位正所以當過絕

人得其吉

注居尊至得固也正義曰心存危難

解其士其亡之義身雖安靜心意常存將有危難

恒念其亡其亡乃得固者即繫于苞桑也必云苞

桑者取會韻之義又桑之為物其根衆也衆則碎

固之上九傾否先否後喜注去先傾後通故後喜也

義上九傾否先否後喜始以傾為否後得通乃喜

象曰否終則傾何可長也

䷋正義曰傾否先否後喜者處否之極否道

已終此上九能傾毀其否故云傾否也先否後喜

者否道未傾之時是先否之道否道已傾之後其

事得通故云後有喜也象曰否終則傾何可長者

釋傾否之義否道已終通道將至故否之終極則

傾損其否何得長

久故云何可長也

䷀離下同人于野亨利涉大川利君子貞**䷌**正義

乾上

曰同人謂和同於人于野亨者野是廣遠之處惜其野名喻其廣遠言和同於人必須寬廣无所不同用心无私處非近狹遠至于野乃得亨通故云同人于野亨與人同心足以及涉難故曰利涉大川也此利涉大川假物象以明人事

彖曰同人柔得位得中而應乎乾曰同人注云二為同人之主同人曰同人

于野亨利涉大川乾行也注云所以乃能同人于野亨利涉大川非二之所能

也是乾之所行故特曰同人曰文明以健中正而應君子正也注云行健

不以武而以文明用之相應不以邪而唯君子為以中正應之君子正也故曰利君子貞

能通天下之志注云君子以文明為德疏正義曰同人柔得位得中而應乎乾曰同

人者此釋所以能同於人之義柔得位得中者
 六二也上應九五應於乾也同人曰同人于
 亨利涉大川乾行者釋同人于野亨利涉大川之
 義所以能如此者由乾之所行也言乾能行此德
 非六二之所能也故特云同人曰乃云同人于野
 亨與諸卦別也文明以健中正而應君子正者此
 釋君子貞也此以二象明之故云文明以健中正
 而應謂六二九五皆居中得正而又相應是君子
 之正道也故云君子正也若以威武而為健邪僻
 而相應則非君子之正也唯君子為能通天下之
 志者此更贊明君子貞正之義唯君子之人於同
 人之時能以正道通達天下之志故利君子之貞
 注所以乃能至同人曰正義曰故特曰同人曰
 者謂卦之彖辭發首即疊卦名以釋其義則以例
 言之此發首應云同人于野亨今此同人于野亨
 之上別云同人曰者是其義有異此同人卦名以

六二為主故同人卦名繫屬六二故稱同人曰猶
言同人卦曰也同人于野亨利涉大川雖是同人
卦下之辭不開六二之義故更疊同人于野亨之
文乃是乾之所行也 注君子以文明為德正義
曰若非君子則用威武今卦之下體為離故彖云
文明又云唯君子能通天下之志是君子用文明
為德也謂文 象曰天與火同人 上天體於上而火炎
理通明也

君子以類族辨物

君子小人各得所同

疏

正義曰天體在上火又炎上取其性

同故云天與火同人君子以類族辨物者族聚也
言君子法此同人以類而聚也辨物謂分辨事物
各同其黨使自初九同人于門无咎 居同人之始
相同不閒雜也 初九同人于門无咎 為同人之首
者也无應於上心无係吝通夫大同出門皆
同故曰同人于門也出門同人誰與為咎 象曰

出門同人又誰咎也

疏

正義曰同人于門者居同人之首无應於上心无係

吝舍弘光大和同於人在於門外出門皆同故云无咎也象曰又誰咎者釋出門同人无咎之義言既心无係吝出門逢人皆同則誰與爲過咎六二同人于宗吝應在乎

於主過主則否用象曰同人于宗吝道也

疏

正義曰同

人于宗吝者係應在五而和同於人在於宗族不能弘闊是鄙吝之道故象云吝道也九三

伏戎于莽升其高陵三歲不興

卦居同人之際履下

上下通夫大同物黨相分欲乖其道貪於所比據上之應其敵剛健非力所當故伏戎于莽不敢顯亢也升其高陵望不敢進量斯勢也三歲不能興者也三歲不能興則五道亦以成矣安所行焉

象曰伏戎于莽敵剛也三歲不興安行也

也安辭



正義曰伏戎于莽者九三處下卦之極不能包弘
上下通夫大同欲下據六二上與九五相爭也但
九五剛健九三力不能敵故伏潛兵戎於草莽之
中升其高陵三歲不興者唯升高陵以望前敵量
斯勢也縱令更經三歲亦不能興起也象曰伏戎
于莽敵剛者釋伏戎于莽之義以其當敵九五之
剛不敢顯亢故伏戎于莽三歲不興安行者釋三
歲不興之義雖經三歲猶不能興起也安語辭也
猶言何也既三歲不興五道亦已成矣何可行也
故云安行也此假外物以明人事 注居同至所
行焉正義曰不能包弘上下通夫大同者初九出
門皆同无所係著是包弘上下通夫大同今九三
欲下據六二奪上之應是不能包弘也物黨相分
者謂同人之時物各有黨類而相分別也二則與

五相親與三相分別也欲乖其道貪於所比據上之應者言此九三欲乖其同人之道不以類相從

不知二之從五直以苟貪與二之比近而欲取之據上九五之應也九四乘其墉弗

克攻吉注云處上攻下力能乘墉者也履非其位以與人爭二自五應三非犯已攻三求二尤而

效之違義傷理衆所不與故雖乘墉而不克也不克則反反則得吉也不克乃反其所以得吉困而

反則象曰乘其墉義弗克也其吉則困而反則也者也

斷正義曰乘其墉者履非其位與人鬪爭與三爭二欲攻於三既是上體力能顯亢故乘上高墉

欲攻三也弗克攻吉者三欲求二其事已非四又效之以求其二違義傷理衆所不與雖復乘墉不

能攻三也吉者既不能攻三能反自思愆以從法則故得吉也此爻亦假物象也象曰乘其墉義弗

克也者釋不克之義所以乘墉攻三不能克者以其違義衆所不從故云義不克也其吉則困而反則者釋其吉之義所以得其吉者九四則以不克困苦而反歸其法則故得吉也

九五同

人先號咷而後笑大師克相遇

注云彖曰柔得位得中而應乎乾曰同人

然則體柔居中衆之所與執剛用直衆所未從故近隔乎二剛未獲厥志是以先號咷也居中處尊戰必克勝故後笑也不能使物自歸而用其強直故必須大師克之然後相遇也

象曰同

人之先以中直也大師相遇言相克也

疏正義曰

號咷者五與二應用其剛直衆所未從故九五共二欲相和同九三九四與之競二也五未得二改志未和同於二故先號咷也而後笑者處得尊位戰必克勝故後笑也大師克相遇者不能使物自

歸己用其剛直必以大師與三四戰克乃得與二
相遇此爻假物象以明人事象曰同人之先以中
直者解先號咷之意以其用中正剛直之道物所
未從故先號咷也但象略號咷之字故直云同人
之先以中直也大師相遇言相克者釋相遇之義
所以必用大師乃能相遇也以其用大師與三四
相伐而得克勝乃與上九同人于郊无悔注云郊者
二相遇故言相克也
處同人之時最在於外不獲同志而象曰同人于
遠於內爭故雖无悔吝亦未得其志
郊志未得也注云凡處同人而不泰焉則必用師矣
不能大通則各私其黨而求利焉楚人
士弓不能士楚愛國愈甚益為它災是**䷆**正義曰
以同人不弘剛健之爻皆至用師也
郊者處同人之極最在於外雖欲同人人必踈已
不獲所同其志未得然雖陽在于外遠於內之爭

訟故无悔吝也象曰同人于郊志未得者釋同人于郊之義同人在郊境遠處與人疎遠和同之志猶未得也注郊者至其志正義曰不獲同志者若彼此在內相同則獲其同志意也若已爲郊境之人而與相同人未親已是不獲同志也遠于內爭者以外而同不於室家之內是遠于內爭也以遠內爭故无悔吝以在外郊故未得志也注凡處至用師也正義曰凡處同人而不泰焉則必用師矣者王氏注意非止上九一爻乃總論同人一卦之義去初上而言二有同宗之吝三有伏戎之禍四有不克之困五有大師之患是處同人之世无大通之志則必用師矣楚人亡弓不能亡楚愛國愈甚益爲它災者案孔子家語弟子好生篇云楚昭王出游亡烏號之弓左右請求之王曰楚人亡弓楚得之又何求焉孔子聞之曰惜乎其志不天也不曰人亡之人得之何必楚也昭王名軫哀

六年吳伐陳楚救陳在城父卒此愛國而致
它災也引此者證同人不弘皆至用師矣


上於右京亮藤原憲忠等進

周易注疏卷第三廿四日子適標閱于三山富易東臆

周易注疏卷第四

國子祭酒上議軍曲阜縣開國子臣孔穎達奉

勅撰



乾上

大有元亨

注云不大通何由得大有乎大有則必元亨矣

疏

正義

曰大有元亨者柔處尊位群陽並應大能所有故稱大有既能大有則其物大得亨通故云大

元亨

彖曰大有柔得尊位大中而上下應之曰大有

注云

處尊以柔居中以大體无二陰以分其應上下應之靡所不納大有之義也

其德剛健

而文明應乎天而時行是以元亨

注云德應於天則行不失時矣剛健

不滯大明不犯應天則

疏

正義曰大有柔得尊位大中而上下應之

曰大有者釋此卦稱大有之義天中者謂六五應

大以中柔處尊位是其大也居上卦之內是其中

也其德剛健而大明應乎天而時行是以元亨者

釋元亨之義剛健謂乾也文明謂離也應乎天而

時行者禮氏莊氏云六五應九二九二在乾體

故云應乎天也德應於天則行不失時以時而

行則萬物大得亨通故云是以元亨注德應至

元亨正義曰剛健不滯者剛健則物不擁滯也夫

明不犯者文理明察則不犯於物也應天則大者

能應於天則盛大也時行无違者以時而行物无

違也以有此諸事

象曰火在天上大有君子以遏

故大通而元亨也

惡揚善順天休命

注云大有包容之象也故遏惡揚善成物之美順夫天德休物之命

學

校

疏

正義曰：君子以遇惡揚善者，天有包容之義。故君子象之，亦當包含遇惡，其惡褒揚其善。

順奉天德，休美物之性命，皆取含容之義也。不云天在火下，而云火在天上者，天體高明，火又在上方，是照耀之物，而在於天，上是光明之甚，无所不照，亦是包含之義，又為揚善之理也。初九

无交害匪咎艱則无咎

注云：以夫剛健為大有之始，不能履中滿而不溢，術斯之

往後害必至，其欲匪咎艱則无咎也。

象曰：大有初九无交害也。

疏

正義曰：以夫剛健為大有之始，不能履中謙退，雖无交切之害，又必有凶。其欲匪咎，能自艱難，其志則

得无咎。故云无交害匪咎艱則无咎也。

注以夫

至无咎也。正義曰：不能履中滿而不溢者，以不在

二位是不能履中在大有之初，是盈滿身行剛健是溢也。故云不能履中滿而不溢。九二大

車以載

注云任重而不危

有攸往无咎

注云健不違中為五所任任重不危致遠不泥

故可以往象曰大車以載積中不敗也

疏

正義曰大

車以載者體是剛健而又居中身被委任其任重也能堪受其任不有傾危猶若大車以載物也此

假外象以喻人事有攸往无咎者堪當重任故有所往无咎者以居失其位嫌有凶咎故云无咎也

象曰積中不敗者釋大車以載之義物既積聚身有中和堪受所積之物聚在身上下至於敗也

注任重而不危正義曰釋大車以載之意大車謂牛車也載物既多故云任重車材彊壯故不有傾

危九三公用亨于天子小人弗克

注云處大有之時居下體之極乘剛

健之上而履得其位與五同功成權之威莫此過焉公用斯位乃得通乎天子之道也小人不克實

用

可待
象曰公用亨于天子小人害也
疏正義曰

于天子者九三處大有之時居下體之極乘剛健之上履得其位與五同功五為王位三既與之同功則威權之盛莫盛於此乃得通乎天子之道故云公用亨于天子小人弗克者小人德劣不能勝其位必致禍害故云小人不克也注處大至可待也正義曰與五同功者繫辭云三與五同功此云與五同功謂五為王位三既能與五之同功則威權與五相似故云威權之盛莫此過焉九四

匪其彭无咎
注云既失其位而上近至尊之威下比分權之臣其為懼也可謂危矣唯夫有

聖知者乃能免斯咎也三雖至盛五不可含能辯斯數專心承五常匪其旁則无咎矣旁謂三也

象曰匪其彭无咎明辯哲也
注云明
疏正義曰匪猶才也其彭无咎

者匪非也。蓋旁也。謂九三在九四之旁。九四若能專心承五，非取其旁九四言不用三也。如此乃得无咎也。既失其位上，近至尊之威，下比分權之臣，可謂危矣。能棄三歸五，故得无咎也。象曰：明辯晬也者，釋匪其咎。无咎之義，明猶才也。九四所以能去其旁之九三者，由九四才性辯而晬，知能斟酌事宜，故云六五厥孚交如，威如吉。

注云：居尊以柔處大，以中无私於物。

上下應之，信以發志，故其孚交如也。夫不私於物，物亦公焉，不疑於物，物亦誠焉。既公且信，何難何備？不言而教行，何為而不威如？為象曰：厥孚交如，大有之主，而不以此道吉可得乎？

信以發志也，威如之吉，易而无備也。

疏

正義曰：六五厥

孚交如者，厥其也。孚，信也。交，謂交接也。如，語辭也。六五居尊以柔處大，以中无私於物，上下應之，故

其誠信物來交接故云厥孚交如也威如吉者威
畏也既誠且信不言而教行所為之處人皆畏敬
故云威如以用此道故得吉也象曰信以發志者
釋厥孚交如之義由已誠信發起其志故上下應
之與之交接也威如之吉易而无備者釋威如之
吉之義所以威如得吉者以已不私於物唯行簡
易无所防備物自畏之故云易而无備也上九自天祐之吉无不利

注云大有

豐富之世也處大有之上而不累於位志尚乎賢
者也餘爻皆乘剛而已獨乘柔順也五為信德而
已履焉履信之謂也雖不能體柔而以剛乘柔思
順之義也居豐有之世而不以物累其心高尚其
志尚賢者也爻有三德象曰大有上吉自天祐也
盡夫助道故繫辭具焉

疏

正義曰釋所以大有上九而得吉者以有三
德從天已下悉皆祐之故云自天祐之

注

大有至具焉正義曰不累於位志尚乎賢者既居
豐富之時應須以富有為累也既居无位之地不
以富有為累心是不繫累於位既能清靜高累是慕
尚賢之行也爰有三德者五為信德而已履焉履
信之謂是一也以剛柔思順之義是二也不以
物累於心高尚其志尚賢者是三也爰有三德盡
夫助道者天尚祐之則无
物不祐故云盡夫助道也



見下謙耳君子有終



正義曰謙者屈躬
下物先人後己以

此待物則所在皆通故曰亨也小人行謙則不能
長久唯君子有終也然案謙卦之象謙為諸行之
善是善之最極而不言元與利貞及吉者元是物
首也利貞是幹正也於人既為謙退何可為之首
也以謙下人何以幹正於物故不云元與利貞也
謙必獲吉其吉可知故不言之凡易經之體有吉

理可知而不言吉者即此謙卦之繇及乾之九五
利見大人是吉理分明故不云吉也諸卦言吉者
其義有嫌者爻兼善惡也若行事有善則吉乃隨
之若行事有惡則不得其吉諸稱吉者嫌其不吉
故稱吉也若坤之六五及泰之六五並以陰居尊
位若不行此事則无吉若行此事則得其吉故並
稱元吉其餘皆言吉事亦倣此亦有大人为吉於
小人為凶若否之九五云休否大人吉是也或有
於小人为吉大人為凶若屯之九五小貞吉大貞
凶及否之六二包承小人吉之類是也亦有其吉
灼然而稱吉者若大有上九自天祐之吉无不利
之類是也但易之為體不可以一天祐之吉无不利
解之義具諸卦之下今謙卦之繇其吉可知也既
不云吉何故初六六二及九三並云吉者謙卦是
總諸爻其善既大故不須云吉也六爻各明其
義其義有優劣其德既小嫌其不吉故須吉以明其

也。彖曰：謙亨，天道下濟而光明，地道卑而上行。天

道虧盈而益謙，地道變盈而流謙，鬼神害盈而福

謙，人道惡盈而好謙，謙尊而光，卑而不可踰。君子

之終也。

疏

正義曰：謙亨，天道下濟而光明，地道

上下交通，坤體在上，故言地道卑而上行也。其地道既上行，天地相對，則天道下濟也。且艮為陽卦，又為山，天之高明，今在下體，亦是天道下濟之義也。下濟者，謂降下濟生萬物也。而光明者，謂三光垂耀而顯明也。地道卑而上行者，地體卑柔而氣上行，交通於天，以生萬物也。天道虧盈而益謙者，從此已下，廣說謙德之美，以結君子能終之義也。虧謂減損，減損盈滿而增益謙退，若日中則昃，月

盈則食是虧減其盈盈者虧減則謙者受益也地道變盈而流謙者丘陵陵川谷之屬高者漸下下者益高是改變盈者流布謙者也鬼神害盈而福謙者驕盈者被害謙退者受福是害盈而福謙也人道惡盈而好謙者盈溢驕慢皆以惡之謙退恭巽悉皆好之謙尊而光卑而不可踰者尊者有謙而更光明盛大卑謙而不可踰越是君子之所終也言君子能終其謙之善事又獲謙之終福故云君

終也象曰地中有山謙君子以裒多益寡稱物平

施注云多者用謙以為裒少者用謙以為益隨物而與施不失平也疏正義曰裒多者君

若能以此謙道則裒益其多言多者得謙物更裒聚彌益多也故云裒多即謙尊而光也是尊者得謙而光大也益寡者謂寡者得謙而更進益即卑而不可踰也是卑者得謙而更增益不可踰越也

稱物平施者稱此物之多少均平而施物之先多者而得其施也物之先寡者而亦得其施也故云稱物平施也此謙卦之象以山爲主是於山爲謙於地爲不謙應言山在地中今乃云地中有山者意取多之與少皆得其益似地中有山以包取其物以與於人故變其文也注多者至不失平正義曰多者用謙以爲寡者爾雅釋詁云寡聚也於先多者其物雖多未得積聚以謙故益其物更多而積聚故云多者用謙以爲寡也少者用謙以爲益者其物先少今旣用謙而更增益故云用謙以爲益也隨物而與者多少俱與隨多隨少而皆與也施不失平者多者亦得施恩少者亦得施恩是施不失平也言君子於下若有謙者官之先高則增之榮秩位之先卑亦加以爵祿隨其官之高下考其謙之多少皆因初六謙謙君子用涉大川吉其多少而施與之也

注云處謙之下謙之謙者也能體謙
謙其唯君子用涉大難物无害也

象曰謙謙君子

卑以自牧也

注云牧養也

䷎

正義曰謙謙君子者能體謙謙唯君子者能之以此

涉難其吉宜也用涉大川假象言也象曰卑以自牧者牧養也解謙謙君子之義恒以謙卑自養其德六二鳴謙貞吉

注云鳴者聲名聞之謂也得位居中謙而正焉

象曰鳴謙

貞吉中心得也

䷎

正義曰鳴謙者謂聲名也二處正得中行謙廣遠故曰鳴

謙正而得吉也象曰中心得者鳴聲中吉以中和為心而得其所故鳴謙得中吉也

九三勞

謙君子有終吉

注云處下體之極履得其位上下无陽以分其民衆陰所宗尊莫先焉居

謙之世何可安尊上承下綏勞謙匪解是以吉也

象曰勞謙君子萬民服

也

疏

正義曰勞謙君子者處下體之極履得其位上下无陽以分其民上承下接勞倦於

謙也

唯

君子能終而得吉也象曰萬民服者釋所以勞謙之義以上下群陰象萬民皆來歸服事須

引接故

六四无不利撝謙

注云處三之上而用謙焉則是自上下下之義也承

疲勞也

五而用謙順則是上行之道也盡乎奉上

象曰无

下下之道故无不利指撝皆謙不違則也

象曰无

不利撝謙不違則也

疏

正義曰无不利者處三之上而用謙焉則是自上

下下之義承五而用謙順則是上行之道盡乎奉上下下之道故无不利也象曰指撝皆謙不違

則者釋无不利撝謙之義所以指撝皆謙者以不違法則動合於理故无所不利也六五不

富以其鄰利用侵伐无不利

注云居於尊位用謙與順故能不富而用其鄰

也以謙順而侵伐
所伐皆驕逆也

象曰利用侵伐征不服也

疏

正義曰不富以其鄰者以用也凡人必將財物周
贍鄰里乃能用之六五居於尊位用謙與順鄰自
歸之故不待豐富能用其鄰也利用侵伐无不利
者居謙履順必不濫罰无罪若有驕逆不服則須
伐之以謙得衆故利上六鳴謙利用行師征邑國最
用侵伐无不利者也
於外不與內政故有名而已志功未得
也處外而履謙順可以征邑國而已
象曰鳴謙志

未得也可用行師征邑國也

夫吉凶悔吝生乎動者也動之所起興於利者

也故飲食必有訟訟必有衆起未有居衆人之所
惡而爲動者所害處不競之地而爲爭者所奪是
以六爻雖有失位无應乘剛而告无咎悔吝
者以謙爲主也謙尊而光卑而不可踰信矣哉

正義曰鳴謙者上六最處於外不與內政不能於實事而謙但有虛名聲聞之謙故云鳴謙志欲立功未能遂事其志未得既在外而行謙順唯利用行師征伐外旁國邑而已不能立功在內也象曰志未得者釋鳴謙之義也所以但有聲鳴之謙不能實事立功者以其居在於外其內立功之志猶未得也可用行師征邑國者釋行師征邑國之意經言利用象改利爲可者言內志雖未得猶可在外興行軍師征國邑也注夫吉凶至信矣哉正義曰動之所起興於利者凡人若不見利則心无所動今動之所以起者見利乃動故云興於利也飲食必有訟訟必有衆起者欲明爲利乃有動動而致訟訟則起兵故序卦需爲飲食飲食必有訟故需卦之後次訟卦也爭訟必興兵故訟卦之後次也

也師卦

三三 坤下 豫利建侯行師 疏 正義曰謂之豫者
震上 取逸豫之義以和

順而動動不違衆衆皆說豫故謂之豫也動而衆
說故可利建侯也以順而動不加无罪故可以行
師也无四德者以逸豫之事不可以常行時有所
爲也縱恣寬暇之事下可長行以經邦訓俗故无
元亨也逸豫非幹正之道故不云利貞也莊氏云
建侯即元亨也行師即利貞也案屯卦元亨利貞
之後別云利建侯則建侯
非元亨也恐莊氏說非也 彖曰豫剛應而志行順

以動豫豫順以動故天地如之而況建侯行師乎天
地以順動故日月不過而四時不忒聖人以順動
則刑罰清而民服豫之時義大矣哉 疏 正義曰
豫剛應

而志行順以動豫者附謂九四也應謂初六也
 陰陽相應故志行也此就爻明豫義順以動坤在
 下是順也震在上是動也此以順而動故豫也此以
 上下二象明豫義也自此已上釋豫卦之理也豫
 順以動故天地如之而況建侯行師乎者此釋利
 建侯行師也若聖人和順而動合天地之德故天
 地亦如聖人而爲之也天地尊大而遠神之難者
 猶尚如之況於封建諸侯行師征伐乎難者既從
 易者可知若建侯能順動則人從之行師能順動
 則衆從之天地以順動故日月不過而四時不忒
 自此已下廣明天地聖人順動之功也若天地以
 順而動則日月不有過差依其晷度四時不有忒
 變寒暑以時聖人以順動則刑罰清而民服者聖
 人能以理順而動則不赦有罪不濫无辜故刑罰
 清也刑罰當理故人服也豫之時義大矣哉者數
 美爲豫之善言於逸豫之時其義大矣此歎卦也

凡言不盡意者不可煩文具說故歎之以示情使
後生思其餘蘊得意而忘言也然歎卦有三體一
直歎時如大過之時大矣哉之例是也二歎時并
用如險之時用大矣哉之例是也三歎時并義豫
之時義大矣哉之例是也夫立卦之體各象其時
時有屯夷事非一揆故爻來適時有凶有吉人之
生世亦復如斯或逢治世或遇亂時出處存身此
道豈小故曰大矣哉也然時運雖多大體不出四
種者一者治時頤養之世是也二者亂時大過之
世是也三者離散之時解緩之世是也四者改易
之時革變之世是也故舉此四卦之時為歎餘皆
可知言用者謂適時之用也雖知居時之難此事
不小而未知以何而用之耳故坎睽蹇之時宜用
君子小人勿用用險取濟不可為常斟酌得宜是
用時之大略舉險難等三卦餘從可知矣又言義
者姤卦注云凡言義者不盡於所見中有意謂有

也是其時皆有義也略明佚樂之世相隨相遇之日隱遯羈旅之時凡五卦其義不小則餘卦亦可知也今所歎者十二卦足以發明大義恢弘妙理者也凡于彖之末歎云大哉者凡一十二卦若旅遯姤凡四卦皆云時義案姤卦注云凡言義者不盡於所見中有意謂以此言之則四卦卦各未盡其理其中更有餘意不可盡申故總云義也隨之一卦亦言義但與四卦其文稍別四卦皆云時義隨卦則隨時之義者非但其中別有義意又取隨逐其時故變云隨時之義大矣哉睽蹇坎此三卦皆云時用案睽卦注云睽離之時非小人之所能用蹇卦亦云非小人之所能用此二卦言大矣哉者則是大人能用故云大矣哉其中更无餘義唯大人能用故云用不云義也坎卦時用則與睽蹇稍別故注云非用之常用有時也謂坎險之事時之須用利益乃大與睽蹇時用文同而義異也

解之時革之時頤之時大過之時此四卦直云時
不云義與用也案解卦注難解之時非治難時故
不言用體盡於解之名无有幽隱故不曰義以此
注言之直云時尋卦之名則其意具盡中閒更无
餘義故不言義其卦名之事已行了不須別有
所用故解革及頤事已行了不須言用唯大過稱
時注云君子有爲之時與解革頤其理稍別大過
是有用之時亦直稱時者取大過之名其意即盡
更无餘意故直稱時不云義又略不云用也

象曰雷出地奮豫先王以

作樂崇德殷薦之上帝以配祖考

疏

正義曰案諸卦之象

或云雲上于天或云風行天上以類言之今此應
云雷出地上乃云雷出地奮豫者雷是陽氣之聲
奮是震動之狀雷既出地震動萬物被陽氣而生
各皆逸豫故云雷出地奮豫也先王以作樂崇德

者雷是鼓動故先王法此鼓動而作樂崇盛德業
樂以發揚盛德故也殷薦之上帝者用此殷盛之
樂薦祭上帝也象雷出地而向天也以配祖考者
謂以祖考配上帝用祖用考若周夏正郊天配靈
威仰以祖后稷配也配祀明堂五方初六鳴豫凶
之帝以考文王也故云以配祖考也
注云處豫之初而特得志於上象曰初六鳴豫志窮
樂過則淫志窮則凶豫何可鳴
凶也正義曰鳴豫者處豫之初而獨得應於
疏四逸豫之甚是聲鳴于豫但逸樂之極
過則淫荒獨得於樂所以凶也象曰初六鳴豫志
窮凶者釋鳴豫之義而初時鳴豫後則樂志窮盡
故爲六二介于石不終日貞吉注云處豫之時得位
凶也
苟豫者也順不苟從豫不違中是以上交不諂下
交不瀆明禍福之所生故不苟說辯必然之理故

不改其操介如石焉不終日明矣

象曰不終日貞吉以中正也

疏

正義曰介于石者得位履中安夫貞正不苟求逸豫上交不諂下交不瀆知幾事之初始明禍福之所生不苟求逸豫守志耿介似於石然見幾之速不待終竟一日去惡修善恒守正得吉也象曰不終日貞吉以中正者釋貞吉之義所以見其惡事即能離去不待終日守正吉者以此六二居中守正順不苟從豫不違中故不

六三盱豫悔遲有悔

注

居下體之極處兩卦之際履非其位承動豫之主若其睢盱而豫悔亦生焉遲而不從豫之所疾位非所據而以從豫進象曰盱豫有悔位不當也

疏

正義曰盱豫悔者六三履非其位上承動豫之主盱謂睢盱睢盱者喜說之貌若睢盱之求豫則悔

吝也。遇有悔者，居豫之時，若遲停不求於豫，亦有悔也。象曰：「盍簪」，有悔也。不當者，解其盍，盍有悔也。義以六三居不當位，進退不得，其故盍。盍有悔，有悔也。但象載經文多從省略，經有盍，豫有悔，遲有悔，文具載象，唯云「盍」，豫有悔，不言遲者，略其文也。故直云「盍」，豫舉其欲進略云「有悔」，舉其遲也。九

四由豫大有得，勿疑。朋盍簪。

注云：處豫之時，居動之始，獨體陽爻，眾陰所從。

莫不由之以得其豫，故曰「由豫大有得也」。夫不信於物，物亦疑焉，故勿疑則朋合疾也。盍，合也。簪，疾也。也。象曰：「由豫大有得，志大行也。」**疏**正義曰：由豫大有得者，處

豫之時，居動之始，獨體陽爻，為眾陰之所從，莫不由之以得其豫，故云「由豫大有得者」。眾陰皆歸是大有，所得勿疑。朋盍簪者，盍，合也。簪，疾也。若健不疑於物，以信待之，則眾陰群朋合聚而疾來。

象曰由豫大有得志大行者釋由豫大得之意
衆陰既由之而豫大有所得是志意大行也
六

五貞疾恒不死

注云四以剛動爲豫之主專權執制非已所乘故不敢與四爭權而

又居中處尊未可得亡是以
必常至于貞疾恒不死而已
象曰六五貞疾乘剛

也恒不死中未亡也

疏正義曰貞疾恒不死者四以剛動爲豫之主專權

執制非合己之所乘故不敢與四爭權而又居中
處尊未可得亡滅之是以必常至于貞疾恒得不

死而已
象曰六五貞疾乘剛者解貞疾之義以乘
九四之剛故正得其疾恒不死也中未亡者以其

居中處尊未
可亡滅之也
上六冥豫成有渝无咎
注云處動豫之極極豫盡樂故

至于冥豫成也過豫不已何
可長乎故必渝變然後无咎
象曰冥豫在上何可

長也

疏

正義曰：動豫之極，極豫盡樂，乃至於冥昧之豫而成就也。如俾晝作夜，不能

休已，滅亡在近，有渝无咎者，渝變也。若能自思改變，不為冥豫，乃得无咎也。

䷲

震下兌上

隨元亨利貞无咎

疏

正義曰：元亨者，於相隨之世必

大得亨通，若其不大亨通，則无以相隨。逆於時也，利貞者，相隨之體，須利在得正，隨而不正，則邪僻之道，必須利貞也。无咎者，有此四德，乃无咎，以苟相從，涉於朋黨，故必須四德，乃无咎也。凡卦有四德者，或其卦當時之義，即有四德，如乾坤屯臨无妄，此五卦之時，即能四德備具，其隨卦以惡相隨，則不可也。有此四德，乃无咎。无此四德，則有咎也。與前五卦其義稍別，其革卦已日乃孚，有四德，若不巳日，乃孚，則无四德，與乾坤屯臨无妄隨其義又別。若當卦之時，其卦雖美，未有四德，若行此美

方得在後始致四德者於卦則不言其德也若謙
泰及復之等德義既美行之不已久必致此四德
但當初之時其德未具故卦不顯四德也
其諸卦之三德已下其義大略亦然也
彖曰隨

剛來而下柔動而說隨大亨貞无咎而天下隨時

隨時之義大矣哉

注云震剛而兌柔也以剛下柔動而之說乃得隨也爲隨而不大通

逆於時也相隨而不爲利正災之道也故大通利
貞乃得无咎也爲隨而今大通利貞得於時也得
時則天下隨之矣隨之所施唯在於時也時
異而不隨否之道也故隨時之義大矣哉

疏

正義曰隨剛來而下柔動而說隨者此釋隨卦之
義所以致此隨者由剛來而下柔剛謂震也柔謂
兌也震處兌下是剛來下柔震動而兌說既能下
人動則喜說所以物皆隨從也大亨貞无咎而天

下隨時者以有大亨貞正无有各害而天下隨之
 以正道相隨故隨之者廣若不以大亨貞无咎而
 以邪僻相隨則天下不從也隨時之義大矣哉若
 以元亨利貞則天下隨從即隨之義意廣大矣哉
 謂隨之初始其道未弘終久義意而美大也特云
 隨時者謂隨其時節之義謂此時宜行元亨利貞
 故云隨時也注云震剛至矣哉正義曰爲隨而
 不大通逆於時也物既相隨之時若王者不以廣
 大開通使物閉塞是違逆於隨從之時也相隨而
 不爲利正災之道者凡物之相隨多曲相朋附不
 能利益於物守其正直此則小人之道長災禍及
 之故云災之道也隨之所施唯在於時者隨時之
 義言隨時施設唯在於得時若能大通利貞是得
 時也若不能大通利貞是失時也時異而不隨否
 之道者凡所遇之時體无恒定或值不動之時或
 值相隨之時舊來恒往今須隨從時既殊異於前

而不使物相隨則是是否審之道當須可隨則隨
逐時而用所利則大故云隨時之義大矣哉 象

曰澤中有雷隨君子以嚮晦入宴息 注云澤中有雷

皆說隨可以无為不勞明 疏 正義曰說卦云動
鑒故君子嚮晦入宴息也 萬物者莫疾乎雷


說萬物者莫說乎澤故注云澤中有雷動說之象
也君子以嚮晦入宴息者明物皆說豫相隨不勞

明鑒故君子象之鄭玄云晦冥也 猶 初九官有渝

貞吉出門交有功 注云居隨之始上无其應无所偏
係動能隨時意无所主者也隨不

以欲以欲隨宜者故官有渝變 象曰官有渝從正
不失正也出門无違何所失哉

吉也出門交有功不失也 疏 正義曰官有渝者
官謂執掌之職人

心執掌與官同稱故人心所主謂之官。渝變也。此
初九既无其應无所偏係可隨則隨是所執也。志
有能渝變也。唯正是從故貞吉也。出門交有功者
所隨不以私欲故見善則往隨之以此出門交獲
其功象曰官有渝從正吉者釋官有渝之義所執
官守正能隨時渝變以見貞正則往隨從故云從
正吉出門交有功不失者釋交有功之義以所隨
之與不失正道故出門即有功也。注云居隨至
失哉正義曰言隨不以欲以欲隨宜者君有其應
則有私欲以无偏應是所隨之事不以私欲有正
則從是以欲。六二係小子失丈夫。注云陰之爲物以
隨其所宜。處隨世不能獨立
必有係也。居隨之時體於柔弱而以乘夫剛動豈
能秉志違於所近隨此失彼弗能兼與五處已止
初處已下故曰係。象曰係小子弗兼與也。正

曰小子謂初九也丈夫謂九五也初九處卑故稱小子五居尊位故稱丈夫六二既是陰柔不能獨立所處必近係屬初九故云係小子既屬初九則不得往應於五故云失丈夫也象曰係小子弗與者釋係小子之意既隨此初九則失彼九五丈夫是不能兩處兼有故云弗兼與也六三

係丈夫失小子隨有求得利居貞

注云陰之為物以處隨世不能獨立

必有係也雖體下卦二已據初將何所附故舍初係四志在丈夫四俱无應亦欲於已隨之則得其所欲求矣故曰隨有求得也應非其正以係於人何可以妄故利居貞也初處已下四處已上故曰係丈夫失象曰係丈夫志舍下也注云下謂初也初正義曰柔近於九四是係於丈夫也初九既被六二之所據六三不可復往從之是失小子也隨有求得者

三欲往隨於四四亦更无他應已往隨於四四不能逆已是三之所隨有求而皆得也利居貞者已非其正以係於人不可妄動唯利在居處守正故云利居貞也象曰係丈夫志舍下者釋係丈夫之義六三既係九四之丈夫志意則舍下之初九也注云陰之至小子也正義曰四俱无應者三既无應四亦无應是四與三俱无應也此六二六三因陰陽之象假丈夫小子以明人事餘无義也九四隨有獲貞凶有孚在道以明何咎

注云處說之初下據二陰三求係已

不距則獲故曰隨有獲也居於臣地履非其位以擅其民失於臣道違正者也故曰貞凶體剛居說而得民心能幹其事而成其功者也雖違常義志在濟物心存公誠著信在道以明其功何咎之有象曰隨有獲其義凶也有孚在道明功也

疏

正義

曰隨有獲者處說之初下據二陰三求係已不距
則獲故曰隨有獲也貞凶者居於臣地履非其位
以擅其民失於臣道違其正理故貞凶也有孚在
道以明何咎者體剛居說而得民心雖違常義志
在濟物心存公誠著信在於正道有功以明更有
何咎故云有孚在道以明何咎也象曰隨有獲其
義凶者釋隨有獲貞凶之意九四既有六三六二
獲得九五之民為臣而擅君之民失於臣義是以
宜其凶也有孚在道明功者釋以明何咎之義
既能著信在於正道是明立其功故无咎也

五孚于嘉吉

注云履正居中而處隨世盡隨時之宜得物之誠故嘉吉也

象曰孚

于嘉吉位正中

也

正義曰孚于嘉吉者嘉善也履中居田而處隨世盡

隨時之義得物之誠
信故獲美善之吉也

上六拘係之乃從維之王用

亨于西山

注云隨之為體陰順陽者也最處上極不從者也隨道已成而特不從故拘係之乃

從也率土之濱莫非王臣而為不從王之所討也故維之玉用亨于西山也允為西方山者塗之

隔也處西方而為不從故王用通于西山

象曰拘係之上窮也

注云處于上極故窮也

疏

正義曰最處上極是不隨從者也隨道已成而特不從故須拘係之乃始從也維之王用亨于西山

者君欲維係此上六王者必須用兵通于西山險阻之處乃得拘係也山謂險阻允處西方故謂西山今有不從必須維係此乃王者必須用兵通於險阻之道非是意在好刑故曰王用亨于西山象曰拘係之上窮者釋拘係之義所以須拘係者以其在上而窮極不肯隨從故也

三三

巽下艮上

蠱元亨利涉大川先甲三日後甲三日

疏

正義曰：蠱者，事也。有事，營為則大得亨。通有為之時，利在拯難，故利涉大川也。用甲三日，後甲三日者，用者創制之令，以治於人人。若犯者，未可即加刑罰，以民未習，故先此宣令之前三日，殷勤而語之，又於此宣令之後三日，更丁寧而語之，其人不從，乃加刑罰也。其褚氏何氏周氏等並同鄭義，以為甲者，造作新令之日。甲前三日，取改過自新，故用辛也。後三日，取丁寧之義，故用丁也。今案輔嗣注：甲者，創制之令，不云創制之日，又巽卦九五先庚三日，後庚三日，輔嗣注：申命，令謂之庚，輔嗣又云：甲庚皆申命之謂，則輔嗣不以甲為創制之日，而謂儒不顧輔嗣注，自妄作異端也。非。

彖曰：蠱剛上而柔下。注云：上剛可以斷制，下柔可以施令。巽而止，蠱。

既巽又止，不競爭也。有事而無競爭之患，故可以有為也。蠱元亨而天下治也。注云：有為。

而大亨非天利涉大川往有事也先甲三日後甲三日

終則有始天行也

注云蠱者有事而待能之時也可以有爲其在此時矣物已說隨則待夫作制

以定其事也進德脩業往則亨矣故元亨利涉大川也
甲者創制之令也創制不可責之以舊故先之三日後
之三日使令洽而後乃誅也因事申
令終則復始若天之行用四時也

疏

正義曰剛上而柔下巽而止蠱

者此釋蠱卦之名并明稱蠱之義也以上剛能制斷下柔能施令巽順止靜故可以有爲也

物既感亂終致損壞當須有事也有爲治理也故序卦云蠱者事也謂物蠱必有事非謂訓蠱爲事義當然也

蠱元亨而天下治者釋元亨之義以有爲而得元亨是
天下治理也利涉大川往有事也者釋利涉大川也蠱

者有爲之時拔拯危難位當有事故利涉大川此則假
外象以喻危難也先甲三日後甲三日終則有始天行

援異

往異

者釋先甲三日後甲三日之義也民之犯今告之已終更復從始告之殷勤不已若天之行四時既終更復從春爲始象天之行故云天行也

注蠱者至四時也正

義曰蠱者有事待能之時者物既蠱壞須有事營爲所作之事非賢能不可故經云幹父之蠱幹則能也甲者創制之令者甲爲十日之首創造之令爲在後諸令之首故以創造之令謂之爲甲故漢時謂今之重者謂之甲今則此義也創制不可責之以舊者以人有犯令而致罪者不可責之舊法有犯則刑故須先後三日殷勤語之使曉知新令而後乃誅誅謂兼通責讓之罪非專謂誅

殺也象曰山下有風蠱君子以振民育德

注云蠱者有事而待能之

時也故君子以濟民養德也

疏

正義曰必云山下有風者風能搖動散布潤澤今山下有風取君子能以

恩澤下振於民育養已德振民初六幹父之蠱有子考象山下有風育德象山在上也

无咎厲終吉

注云處事之首始見任者也以柔巽之質幹父之事能承先軌堪其任者也故曰有

子也任爲事首能堪其事考乃无咎也故曰有子考无咎也當事之首是以危也能堪其事故終吉

象曰

幹父之蠱意承考也

注云幹事之首時有損益不可盡承故意承而已

正義

曰幹父之蠱者處事之首以柔巽之質幹父之事堪其任也有子考无咎者有子既能堪任父事考乃无咎也以其處事之初若不堪父事則考有咎也厲終吉者厲危也既爲事初所以危也能堪其事所以終吉也象曰幹父之蠱意承考者釋幹父之蠱義凡堪幹父事不可小大損益一依父命當量事制宜以意承考而已對文父沒稱考若散而言之生亦稱考若康誥云大傷厥考心是父在稱考此避幹父之文故變云考也

九二幹

母之蠱不可貞

注云居於內中宜幹母事故曰幹母之蠱也婦人之性難可全正宜屈已剛既

幹且順故曰不可貞也
幹不失中得中道也

象曰幹母之蠱得中道也

疏

正義曰居內處中是幹母事也不可貞者婦人之性難
可全正宜屈己剛不可固守貞正故云不可貞也象曰
得中道者釋幹母之蠱義雖不能全
正猶不失在中之道故云得中道也
九三幹父之蠱小有

悔无大咎

注云以剛幹事而无其應故有悔也履
得其位以正幹父雖小有悔終无大咎

象曰

幹父之蠱終无咎也

疏

正義曰幹父之蠱小有悔者以
剛幹事而无其應故小有悔也

无大咎者履得其
位故終无大咎也

六四裕父之蠱往見吝

注云體柔當
位幹不以剛

而以柔和能裕先事者也然无
其應往必不合故曰往見吝

象曰裕父之蠱往未得

也疏

正義曰裕父之蠱者體柔當位幹不以剛而以柔
和能容裕父之事也往見吝者以其无應所往之

處見其鄙吝故往未得也

六五幹父之蠱用譽

注云以柔處中而應承先

以斯用譽之道也

象曰幹父用譽承以德也

注云以柔處中不任威力

也

疏

正義曰幹父之蠱用譽者以柔處尊用中而應以此承父用有聲譽象曰幹父用譽

承以德者釋幹父用譽之義奉承父事唯以中和之德不以威力故云承以德也

上九不

事王侯高尚其事

注云最處事上而不累於位不事王侯高尚其事也

象曰

不事王侯志可則也

疏

正義曰不事王侯高尚其事者最處事上不復

以世事為心不係累於職位故不承事王侯但自尊高慕尚其清虛之事故云高尚其事也象曰不事王侯志可則者釋不事王侯之義身既不事王侯志則清虛高尚可法則也

䷁

坤上臨元亨利貞至于八月有凶

䷁

正義曰
案序卦

云臨大也以陽之浸長其德壯大可以監臨於下

故曰臨也剛既浸長說而且順又以剛居中有應

於外大得亨通而利正也故曰元亨利貞也至于

八月有凶者以物盛必衰陰長陽退臨為建丑之

月從建丑至于八月建申之時三陰既盛三陽方

退小人道長君子道消故八月有凶也以盛不可

終保聖人作彖曰臨剛浸而長說而順剛中而應

易以戒之也

大亨以正天之道也

注云陽轉進長陰道日消君子日長小日憂大亨以正

之至于八月有凶消不久也

注云八月陽衰而陰長小人道長君子道

義消也故

曰有凶

䷁

正義曰臨剛浸而長說而順者此釋臨義也據諸卦之例說而順之下應

以臨字結之此无臨字者以其剛中而應亦是臨
義故不得於剛中之上而加臨也剛中而應大
以正天之道者天道以剛居中而下與地相應使
物大得亨通而利正故乾卦元亨利貞今此臨卦
其義亦然故云天之道也至于八月有凶消不又
也者證有凶之義以其陽道既消不可常久故有
凶也但復卦一陽始復剛性尚微又不得其中故
未有元亨利貞泰卦三陽之時三陽在下而成乾
體乾下坤上象天降下地升上上下下通泰物通則
失正故不具四德唯此卦二陽浸長陽浸壯大特
得稱臨所以四德具也然陽長之卦每皆應八月
有凶但此卦名臨是盛大之義故於此卦特戒之
耳若以類言之則陽長之卦至其終末皆有凶也
注八月至有凶正義曰云八月者何氏云從建
子陽生至建未為八月褚氏云自建寅至建酉為
八月今案此注云小人道長君子道消而據否

之時故以臨卦建丑而至否卦建申為八月也象曰澤上有地臨君子以

教思无窮容保民无疆注云相臨之道莫若說順也

物无違也是以君子教思无窮容保民无疆也**疏**正義曰澤上有地者

臨下之義故云澤上有地也君子以教思无窮者

君子於此臨卦之時其下莫不喜說和順在上但

須教化思念无窮已也欲使教恒不絕也容保民

无疆者容謂容受也保安其民无有疆境象地之

闊遠故云**初九咸臨貞吉**注云咸感也感應也有

履正位而已應焉志行正者也以剛感象曰咸臨

順志行其正以斯臨物正而獲吉也

貞吉志行正也

疏

正義曰咸臨貞吉者咸感也

正故貞吉也。象曰：咸臨貞吉，志行正者，釋咸臨貞吉之義。四既履得正位，已往與之相應，是己之志意行而歸正也。九二咸臨吉无不利。注云：有應在五，咸以而五體柔，非能同斯志者也。若順於五，則剛德不長，何由得吉？无不利乎？全與相違，則失於感應，其得咸臨吉无不利，象曰：咸臨吉无不利，未順命也。正義曰：咸臨吉者，咸感也。有應於五，是感以臨而得其吉也。无不利者，二雖與五相應，二體是剛，五所不從，若純用柔，往又損己剛性，必須商量事宜，有從有否，乃得无不利也。象曰：未順命者，釋无不利之義。未可盡順五命，須斟酌事宜，有從有否，故得无不利也。則君臣上六三甘臨，无攸利。既憂之，无獻可替否之義也。

咎 注云甘者倭邪說媚不正之名也履非其位

剛長之前而以邪說臨物宜其无攸利也若

盡憂其危改脩其道 **象曰甘臨位不當也既憂之**

咎不長也

疏

正義曰甘臨者謂甘美諂倭也履

物故无攸利也既憂之无咎者既盡也若能盡憂

其危則剛不害正故无咎也象曰既憂之咎不長

者能盡憂其事改過自脩其 **六四至臨无咎** 注

曰至臨无咎位當也

疏

正義曰至臨无咎者履

應之履得其位能盡其至極之善而為臨故云至

臨以柔不失正故无咎也象曰至臨无咎位當者

釋无咎之義以六四以陰所居得六五知臨大君正柔不為邪位當其處故无咎也

之宜吉

注云處於尊位履得其中能納剛以禮用建其正不忌剛長而能任之委物以能而不犯焉則聰明者竭其視聽知力者盡其謀能不為而成不行而至矣大君之宜如此而已故曰知

臨大君之宜吉

象曰大君之宜行中之謂也



正義曰知臨大

君之宜吉者處於尊位履得其中能納剛以禮用建其正不忌剛長而能任之故聰明者竭其視聽知力者盡其謀能是知為臨之道大君之所宜以吉也象曰大君之宜行中之謂者釋大君之宜所以得宜者止由六五處中行此中和之行致得大君之宜故言行中之謂也

上方敦臨

吉无咎

注云處坤之極以敦而臨者也志在助賢以敦為德雖在剛長剛不害厚故无咎也

象曰敦臨之吉志在内也

疏

正義曰敦臨吉无咎者敦厚也上六處

坤之上敦厚而為臨志在助賢以敦為德故云敦臨吉雖在剛長而志行敦厚剛所以不害故无咎也象曰敦臨之吉志在内者釋敦臨吉之義雖在上卦之極志意恒在於内之二陽意在助賢故得吉也

䷋ 坤下 巽上 觀盥而不薦有孚顒若

注云王道之可觀者莫盛乎宗

廟宗廟之可觀者莫盛於盥也至薦簡略不足復觀故觀盥而不觀薦也孔子曰掃自既灌而往者吾不欲觀之矣蓋夫觀盛則下觀而化矣故觀至盥則有孚顒若也 **疏** 正義曰觀德之美而可觀也故謂之觀觀盥而不薦者謂既灌之事莫過宗廟之祭盥其禮盛也薦者謂既灌之

後陳薦簋豆之事其禮卑也今所觀宗廟之祭但
觀其盥禮不觀在後簋豆之事故云觀盥而不薦
也有孚顒若者孚信也但下觀此盛禮莫不肯化
悉有孚信而顒然故云有孚顒若注王道至顒
若也正義曰盡夫觀盛則下觀而化者觀盛謂觀
盥禮盛則休而止是觀其大不觀其細此是下之
效上因觀而皆化之矣故觀至盥則有孚顒若者
顒是嚴正之貌若為語辭言下觀而化皆孚信容
貌嚴然也

彖曰大觀在上

注云下賤而上貴也

順而巽中正以觀

天下觀盥而不薦有孚顒若下觀而化也觀天之

神道而四時不忒聖人以神道設教而天下服矣

注云統說觀之為道不以刑制使物而以觀感化
物者也神則无形者也不見天之使四時而四時

不忒不見聖人使百姓而百姓自服也

疏

正義曰大觀在上者謂大為在下所觀唯在於

上由在上既貴故在下大觀今大觀在於上又順而和巽居中得正以觀於天下謂之觀也此釋觀卦之名觀盥而不薦有孚顒若下觀而化者釋有孚顒若之義本由在下觀效在上而變化故有孚顒若也觀天之神道而四時不忒者此盛明觀卦之美言觀盥與天之神道相合觀此天之神道而四時不有忒變神道者微妙无方理不可知目不可見不知所以然而然謂之神道而四時之節氣見矣豈見天之所為不知從何而來唯見四時流行不有差忒故云觀天之神道而四時不忒也聖人以神道設教而天下服矣者此明聖人用此天之神道以觀設教而天下服矣天既不言而行不為而成聖人法則天之神道唯身自行善垂化於人不假言語教戒不須威刑恐逼在下自然觀化

服從故云 象曰風行地上觀先王以省方觀民設

教疏

正義曰風行地上者風主號令行於地上猶如先王設教在於民上故云風行地上

觀也先王以省方觀民設教者以省視萬方觀看民之風俗以設於教非諸侯以下之所為故云先

王初六童觀小人无咎君子吝

注云處於觀時而最遠朝美體於陰柔

不能自進无所鑒見故曰童觀趣順而已无所能為小人之道也故曰小人无咎君子處大觀之時

而為童觀不亦鄙乎

象曰初六童觀小人道也

疏

正義曰童觀者

處於觀時而最遠朝廷之美體是柔弱不能自進无所鑒見唯如童稚之子而觀望也小人无咎君子吝者為此觀看趣在順從而已无所能為於小人行之纔得无咎若君子行之則鄙吝也 六

二闕觀利女貞

注云處在於內寡所鑒見體於柔弱從順而已猶有應焉不為全蒙所見

者狹故曰闕觀居內得位柔順寡見故曰利女貞婦人之道也處大觀之時居中得位不能大觀廣

鑒闕觀而已誠可醜也

象曰闕觀女貞亦可醜也

疏

正義曰闕

觀利女貞者既是陰爻又處在卦內性又柔弱唯闕竊而觀如此之事唯利女之所貞非丈夫所為

之事也注處在至可醜也正義曰猶有應焉不

為全蒙者六二雖柔弱在內猶有九五剛陽與之

為應則微有開發不為全是童蒙如初六也故能闕而外觀此童觀闕觀皆讀為去聲也六三

觀我生進退注云居下體之極處二卦之際近不

可以觀我象曰觀我生進退未失道也

比尊遠不童觀觀風者也居此時也

生進退也

注云處進退之時

觀進退之幾未失道也

疏

正義曰觀我生進退者我生我身所動出三居下體之極是有

可進之時又居上體之下復是可退之地遠則不爲童觀近則未爲觀國居在進退之處可以自觀我之動出也故時可則進時不可則退觀風相幾未失其道故曰觀我生進退也道得名生者道是開通生利萬物故繫辭云六四觀國之光利用賓

于王

注云居觀之時最近至尊觀國之光者也居近得位明習國儀者也故曰利用賓于王也

象曰觀國之光尚賓也

疏

正義曰觀國之光利用賓于王者最近至

尊是觀國之光利用賓于王者居在親近而得其位明習國之禮儀故宜利用賓于王庭也象曰觀國之光尚賓者釋觀國之光義以居九五觀我生近至尊之道志意慕尚爲王賓也

九五觀我生

君子无咎

注云居於尊位為觀之主宣弘大化光

靡草故觀民之俗以察己道百姓有罪在余一人君子風著已乃无咎上為化主將欲自觀乃觀民

也象曰觀我生觀民也

疏

正義曰九五居尊為觀之主四海之內由

我而化我教化善則天下有君子之風教化不善則天下著小人之俗故觀民以察我道有君子之風著則无咎也故曰觀我生君子无咎也象曰觀我生觀民者謂觀民以觀我故觀我即觀民也

上九觀其生君子无咎

注云觀我生自觀其道者也觀其生為民所觀者也

不在於位最處上極高尚其志為天下所觀者也處天下所觀之地可不慎乎故君子德見乃得无咎生猶象曰觀其生志未平也

注云特處異地為眾所觀不為平易

和光流通



正義曰觀其生者最處上極高志未平也其志生亦道也為天下觀其己

道故云觀其生也君子无咎者既居天下可觀之地可不慎乎故君子謹慎乃得无咎也象曰觀其

生志未平者釋觀其生之義以特處異地為所觀不為平易和光流通志未與世俗均平世无危懼

之憂我有符同之慮故曰志未平也汪觀我至動出也正義曰生猶動出者或動或出是生良也

義故云生猶動出六三九五皆云觀我生上九云觀其生此等云生皆為動出故於卦末注總明之也

三三離上噬嗑亨利獄注云噬齧也嗑合也凡物之不親由有間也物之

不齊由有過也有間與過齧而合正義曰噬之所以通也刑克以通獄之利也噬亨者噬

齧也嗑合也物在於口則隔其上下若齧去其物上下乃合而得亨也此卦之名假借口象以為義

三三離上噬嗑亨利獄注云噬齧也嗑合也凡物之不親由有間也物之

不齊由有過也有間與過齧而合正義曰噬之所以通也刑克以通獄之利也噬亨者噬

齧也嗑合也物在於口則隔其上下若齧去其物上下乃合而得亨也此卦之名假借口象以為義

三三離上噬嗑亨利獄注云噬齧也嗑合也凡物之不親由有間也物之

不齊由有過也有間與過齧而合正義曰噬之所以通也刑克以通獄之利也噬亨者噬

齧也嗑合也物在於口則隔其上下若齧去其物上下乃合而得亨也此卦之名假借口象以為義

三三離上噬嗑亨利獄注云噬齧也嗑合也凡物之不親由有間也物之

以喻刑法也凡上下之間有物開隔當須用刑法去之乃得亨通故云噬嗑亨也利用獄者以刑除閒隔之物故彖曰頤中有物曰噬嗑

注云頤中有物齧而合之

噬嗑之義也

噬嗑而亨

注云有物有間不齧不合无由亨也

剛柔分動而

明雷電合而章

注云剛柔分動不溷乃明雷電並合不亂乃章皆利用獄之義

柔

得中而上行雖不當位利用獄也

注云謂五也能為齧合而通必

有其主五則是也上行謂所之在進也凡言上行皆所之在貴也雖不當位不害用獄也

疏正義

曰頤中有物曰噬嗑者此釋噬嗑名也案諸卦之彖先標卦名乃復言曰某卦曰同人曰大有曰小

畜之類是也此發首不疊卦名者若義幽隱者先出卦名後更以卦名結之若其義顯露則不先出

卦名則此頤中有物曰噬嗑之類其事可知故不
 先出卦名此乃夫子因義理文勢隨義而發不爲
 例也噬嗑而亨者釋亨義由噬嗑而得亨也剛柔
 分動而明雷電合而章者釋利用獄之義剛柔既分
 不相溷雜故動而顯明也雷電既合而不錯亂故
 事得彰著明而且著可以斷獄剛柔分謂震剛在
 下離柔在上剛柔云分雷電云合者欲見明之與
 動各是一事故剛柔云分也明動雖各一事相須
 而用故雷電云合但易之爲體取象既多若取分
 義則云震下離上若取合義則云離震合體共成
 一卦也此釋二象利用獄之義也柔得中而上行
 雖不當位利用獄者此釋爻有利用獄之義陰居五
 位是柔得中也而上行者既居上卦意在向進故
 云上行其德若此雖不當位者所居陰位猶利用獄
 也注剛柔至之義正義曰雷電並合不亂乃章
 者彖文唯云雷電合注云不亂乃章者不亂之文

以其上云剛柔分剛柔分則是不亂故云雷電並合不亂乃章也

注謂五至用獄也正義曰凡言

上行皆所之在貴者輔嗣此注恐畏之適五位則

是上行故於此明之凡言上行但所之在進皆曰

上行不是唯向五位乃稱上行也故謙卦序彖云

又損卦彖云損下益上曰上行是減三而益上卦

謂之上行是亦不據五也然則此云上行及晉卦

彖云上行既在五位而又稱上行則似若王者

見在尊位猶意在欲進仰慕三皇五帝可貴之道

疏正義

故稱上

象曰雷電噬嗑先王以明罰勅法

疏正義

曰雷電噬嗑者但噬嗑之象其象在口雷電非噬

嗑之體但噬嗑象外物既有雷電之體則雷電欲

取明罰勅法可畏之初九履校滅趾无咎

注云居无位之

地以處刑初受刑而非治刑者也凡過之所始
始於微而後至於著罰之所始必始於薄而後
於誅過輕戮薄故屢校減趾輕其行也足懲而
故不重也過而不改乃謂之過小懲大誠乃得
福故元咎也校者取其適名也象曰屢校減趾
也即械也校者取其適名也象曰屢校減趾不
行也止於此疏正義曰屢校減趾者屢謂著而
之初居无位之地是受刑之人非治刑之主凡過
之所始必始於微積而不已遂至於著罰之所始
必始於薄刑薄刑之不已遂至於誅在刑之初過
輕戮薄必校之在足足為懲誠故不復重犯故校
之在足已沒其趾輕其小過誠其大惡過而能改
乃是其福雖復減趾可謂无咎故言屢校減趾无
咎也象曰屢校減趾不行者釋屢校減趾之義猶
著校減趾其趾也小懲大誠故罪過止息不行也

六二噬膚滅鼻无咎

注云噬齧也齧者刑克之謂也處中得位所刑者當故曰

噬膚也乘剛而刑未盡順道噬過其分故滅鼻也刑得所疾故雖滅鼻而无咎也膚者柔脆之物也

象曰噬膚滅鼻乘剛也

疏

正義曰噬膚滅鼻者六二處中得位是用

刑者所刑中當故曰噬膚膚是柔脆之物以喻服罪受刑之人也乘剛而刑未盡順道噬過其分故

至滅鼻言用刑大深也无咎者用刑得其所疾謂刑中其理故无咎也象曰乘剛者釋噬膚滅鼻之

義以其乘剛故用刑深也六三噬腊肉遇毒小吝无咎

注云與下體之

極而履非其位以斯食物其物必堅豈唯堅乎將遇其毒噬以喻刑人腊以喻不服毒以喻怨生然

承於四而不乘剛雖失其正刑不侵順故雖遇毒小吝无咎

象曰遇毒位不當

也



正義曰噬腊肉者腊是堅剛之肉也毒者苦惡之物也三處下體之上失正刑人刑

人不服若齧其腊肉非但難齧亦更生怨咎猶噬腊而難入復遇其毒味然也三以柔不乘剛刑不

侵順道雖有遇毒之吝於德亦无大咎故曰噬腊肉遇毒小吝无咎象曰位不當者謂處位不當也

九四噬乾肺得金矢利艱貞吉

注云雖體陽爻為陰之主履不獲中

而居非其位以斯噬物物亦不服故曰噬乾肺也金剛也矢直也噬乾肺而得剛直可以利於艱貞

之吉未足以盡通理之道也

象曰利艱貞吉未光也



正義曰噬

乾肺者乾肺是嚙肉之乾者履不獲中居非其位以斯治物物亦不服猶如噬乾肺然也得金矢者

金剛也矢直也雖刑不能服物而能得其剛直也利艱貞吉者既得剛直利益艱難守貞正之言猶

未能光大通理之
道故象云未光也
六五噬乾肉得黃金貞厲无咎

注云乾肉堅也黃中也金剛也以陰處陽以柔乘剛以噬於物物亦不服故曰噬乾肉也然處得尊位以柔乘剛而居於中能行其戮者也履不正而能行其戮剛勝者也噬雖不服得中而勝故曰噬乾肉得黃金也己雖不正而刑戮得當故雖貞厲而无咎也
象曰貞厲无咎得

當也
䷥
正義曰噬乾肉者乾肉堅也以陰處陽以柔乘剛以此治罪於人人亦不服如

似噬乾肉也得黃金者黃中也金剛也以居於中是黃也以柔乘剛是金也既中而行剛能行其戮剛勝者也故曰得黃金也貞厲无咎者己雖不正刑戮得當故雖貞正自危而无咎害位雖不當而用刑得當故**上九何校滅耳凶**
注云處罰之極惡象云得當也積不改者也罪非

所懲故刑及其首至于滅耳及
首非誠滅耳非懲凶莫甚焉
象曰何校滅耳

聰不明也

注云聰不明故不慮惡積至于不可解也

疏

正義曰何校滅耳凶者何謂校


何處罰之極惡積不改故罪及其首何擔枷械滅
沒於耳以至誅殺以其聰之不明積惡致此故象

云聰不明也

注處罰至甚焉正義曰罪非所懲者言其惡積既深尋當刑罪非能懲誠故云罪非

所懲也及首非誠滅耳非懲者君罪未及首猶可
誠懼歸善也罪已及首性命將盡非復可誠故云

及首非誠也校既滅耳將欲刑
殺非可懲改故云滅耳非懲也



離下艮上

賁亨小利有攸往

疏

正義曰賁飾也以剛柔二象交

相文飾也賁亨者以柔來文剛而得亨通故曰賁
亨也小利有攸往者以剛上文柔不得中正故不

能大有所往故云
小利有攸往也

彖曰賁亨柔來而文剛故亨分

剛上而文柔故小利有攸往

注云剛柔不分文何由生故坤之上六來

居二位柔來文剛之義也柔來文剛居位得中是以亨乾之九二分居上位分剛上而文柔之義也

剛上文柔不得中位不若柔來文剛故小利有攸往

天文也

注云剛柔交錯而成文焉天之

也文明以止人文也

注云止物不以威武

觀乎天文

以察時變觀乎人文以化成天下

注云解天之文則時變可知也

解人之文則化成可為也

䷠

正義曰賁亨柔來而文剛故亨者此釋賁亨之義不直言賁連

云賁亨者由賁而致亨事義相連也若大哉乾元以元連乾者也柔來而文剛故亨柔來文剛以文

相飾是貴義也相飾即有為亨故云貴亨亨之下
不重以貴字結之者以亨之與貴相連而釋所以
亨下不得重結貴字分剛上而文柔故小利有攸
往者釋小利有攸往義乾體在下今分乾之九二
上向文飾坤之上六是分剛上而文柔也棄此九
二之中往居无位之地棄善從惡往无大利故小
利有攸往也天文也者天之為體二象剛柔剛柔
交錯成文是天文也文明以止人文者文明離也
以止艮也用此文明之道裁止於人是人之文德
之教此賁卦之象既有天文人文欲廣美天文人
文之義聖人用之以治於物也觀乎天文以察時
變者言聖人當觀視天文剛柔交錯相飾成文以
察四時變化若四月純陽用事陰在其中靡草死
也十月純陰用事陽在其中薺麥生也是觀剛柔
而察時變也觀乎人文以化成天下者言聖人觀
察人文則詩書禮樂之謂當法此教而化成天下

也注坤之上六至之義也正義曰坤之上六何
以來居二位不居於初三乾之九二何以分居上
位不居於五者乾性剛元故以己上六下居乾之二
坤性柔順不為物首故以己上六下居乾之二位
也且若柔不分居乾二剛不分居坤極則不得文
明以止故也又陽本在上陰本在下應分剛而下
分柔而上何因分剛向上分柔向下者今謂此本
泰卦成也若天地交泰則剛柔得交若乾上坤下
則是天地否閉剛柔不得交
故分剛而上分柔而下也

象曰山下有火賁君

子以明庶政无敢折獄

注云處賁之時止物以文

明庶政而无敢折獄

疏

正義曰山下有火賁者欲見火上

无敢折獄照山有光明文飾也又取山含火
之光明象君子内含文明以理庶政故云山下有
火賁也以明庶政者用此文章明達以治理庶政

也无敢折獄者分得初九賁其趾舍車而徒注云

直用果敢折斷訟獄

之始以剛處下居於无位棄於不義安夫徒步以

從其志者也故飾其趾舍車而徒義弗乘之謂也

象曰舍車而徒義弗乘也疏正義曰賁其趾舍

始以剛處下居於无位之地乃棄於不義之車而

從有義之徒步故云舍車而徒以其志行高絮不

苟就輿乘是以義不肯

乘故象云義弗乘也

六二賁其須注云得其位而无應三亦

无應俱无應而比焉近而相得者也須之為物象

上附者也循其所履以附於上故曰賁其須也

象

曰賁其須與上興也

疏正義曰賁其須者須是

於三若似賁飾其須也循其所履以附

於上與上同為興起故象云與上興也

九三賁如

濡如永貞吉

注云處下體之極居得其位與二相比俱履其正和合相潤以成其文者

也既得其飾又得其潤故曰貞如濡如也永保其貞物莫之陵故曰永貞吉也

象曰永貞

之吉終莫之陵也

疏

正義曰貞如濡如者貞如華飾之貌濡如潤澤之理

居得其位與二相比和合文飾而有潤澤故曰貞如濡如其美如此長保貞吉物莫之陵故象云永

貞之吉終莫之陵也

六四貞如皤如白馬翰如匪寇婚媾

注云

有應在初而闕於三為己寇難二志相感不獲通亨欲靜則欽初之應欲進則懼三之難故或飾或素內懷疑懼也鮮絜其馬翰如以待雖履正位未敢果其志也三為剛猛未可輕犯匪寇乃婚終无尤也

象曰六四當位疑也匪寇婚媾終无尤也



正義曰賁如皤如者皤是素白之色六四有應在初欲往從之三為己難故己猶豫或以文飾故賁如也或守質素故皤如也白馬翰如者但鮮絜其馬其色翰如徘徊待之未敢輒進也匪寇婚媾者若非九三為己寇害乃得與初為婚媾也象曰六四當位疑者以其當位得與初為應但礙於三故遲疑也若不當位則與初非應何須欲往而致遲疑也匪寇婚媾終无尤者釋匪寇婚媾之義者待匪有寇難乃為婚媾則終无尤過若犯寇難而為婚媾則終有尤也

束帛戔戔吝終吉

注云處得尊位為飾之主飾之盛者也施飾於物其道害也施

飾丘園盛莫大焉故賁于束帛丘園乃落賁于丘束帛乃戔戔用莫過儉泰而能約故必吝焉乃得終吉

象曰六五之吉有喜也

䷖

正義曰賁于丘園者丘園是質

素之處六五處得尊位爲飾之主若能施飾在於
質素之處不華侈費用則所束之帛錢錢衆多也
吝終吉者初時儉約故是其吝也必儉約之吝乃
得終吉而有喜也故象云六五之吉有喜也注
處得至終吉也正義曰爲飾之主飾之盛者若宮
室與服之屬五爲飾主若施設華飾在於輿服宮
館之物則大道損害也施飾丘園盛莫大焉者丘
謂丘墟園謂園圃唯草木所生是質素之處非華
美之所若能施飾每事質素與丘園相似盛莫大
焉故賁于束帛丘園乃落者束帛財物也舉束帛
言之則金銀珠玉之等皆是也若賁飾於此束帛
珍寶則質素之道乃墮落故云丘園乃落也賁于
丘園帛乃錢錢者設飾在於丘園質素之所則不
靡費財物束帛乃錢錢衆多也諸儒以爲若賁飾
束帛不用聘士則丘園之士乃落也若賁飾丘園
之士與之故束帛乃錢錢也諸家注易多爲此解

但今案輔嗣之注全无聘賢之意且父之與象亦
无待士之文輔嗣云用莫過儉泰而能約故必吝
焉乃得終吉此則普論為國之道不尚華侈而貴
儉約也若從先師唯用束帛招聘丘園以儉約待
賢豈其義也所以漢聘隱士或乃用羔鴈玄纁蒲
輪駟馬豈止束帛之間而云儉約之事今觀注意
故為此上九白賁无咎注云處飾之終飾終反素
解耳

无咎也以白為飾而象曰白賁无咎上得志也疏
无患憂得志者也

正義曰白賁无咎者處飾之終飾終則反素故任
其質素不勞文飾故曰白賁无咎也守志任真得
其本性故象云上得志也言居上得志也



坤下艮上

剥不利有攸往



正義曰剥者剥落也今陰長變剛剛

陽剥落故稱剥也小人豕曰剥剥也柔變剛也不

利有攸往小人長也順而止之觀象也君子尚消

息盈虛天行也注云坤順而艮止也所以順而止

強亢激拂觸忤以隕身身既傾正義曰利

焉功又不就非君子之所尚也也者釋利

名為剥不知何以稱剥故釋云剥者解剥之義是

陰長解剥於陽也柔變剛者釋所以此卦名剥之

意也不利有攸往小人道長也剛何由可進往則遇災

故不利有攸往也順而止之觀象者明在剥之時

世既无道君子行之不敢顯其剛直但以柔順止

約其上唯望君上形象量其顏色而止也君子

尚消息盈虛天行者解所以在剥之時順而止之

觀其顏色形象者須量時制變隨物而動君子通
達物理貴尚消息盈虛道消之時行消道也道息
之時行息道也在盈之時行盈道也在虛之時行
虛道也若值消虛之時存身避害危行言遜也若
值盈息之時極言正諫建事立功也天行謂逐時
消息盈虛乃天道之所行也春夏始生之時則天
氣盛大秋冬嚴殺之時天氣消滅故云天行也
注坤順至所尚也正義曰非君子之所尚者不逐
時消息盈虛於无道之時剛元激拂觸忤以象曰
隕身身既傾隕功又不就非君子之所尚也象曰
山附於地剥上以厚下安宅注云厚下者牀不見
剥也安宅者物不失
處也厚下安宅正義曰山附於地剥者山本高
峻今附於地即是剥落之象故
治剥之道也疏
云山附於地剥也上以厚下安宅者剥之為義從
下而起故在上之人當須豐厚於下安物之居

陽於初六剥牀以足蔑貞凶

注云牀者人之所以安也剥牀以足猶云

剥牀之足也蔑猶削也剥牀之足滅下之道也下道始滅剛隕柔長則正削而凶來也

象曰

剥牀以足以滅下也

疏

正義曰剥牀以足者牀者人之所以安處也在

剥之初剥道從下而起剥牀之足言牀足已剥也下道始滅也蔑貞凶者蔑削也貞正也下道既滅

則以侵削其貞正所以凶也象曰剥牀以足以滅下者釋剥牀以足之義牀在人下足又在牀下今

剥牀之足是六二剥牀以辨蔑貞凶

注云蔑猶甚極之辭也辨

者足之上也剥道漫長故剥其辨也稍近於牀轉欲滅物之所處長柔而削正以斯為德物所棄也

象曰剥牀以辨未有與也

疏

正義曰剥牀以辨者辨謂牀身之下

牀足之上足與牀身分辨之處也今剥落侵上乃
至於辨是漸近人身故云剥牀以辨也蔑貞凶者
蔑削也削除中正之道故凶也初六蔑貞但小削
而已六二蔑貞是削之甚極故更云蔑貞凶也長
此陰柔削其正道以此為德則物之所棄故象云
未有與也言无人與助之也注蔑猶至所棄也
正義曰蔑猶甚極之辭者初既稱蔑二又稱蔑蔑
上復蔑此蔑甚極故云蔑猶甚極之辭也蔑謂微
蔑物之見削則微蔑也故以蔑為削稍近於牀轉
欲滅物之所處者物之所處謂牀也今剥道既至
於辨在牀體下畔之間是將欲滅牀故云轉欲滅物之所處也
與上為應群陰剥陽我獨象曰剥之无咎失上下
協焉雖處於剥可以无咎象曰剥之无咎失上下
也注云三上下各有二陰而三獨應於陽則失上下也

䷖

正義曰六三與上九為應雖在

剥陽之時獨能與陽相應雖失位處剥而无咎也
象曰剥之无咎失上下者釋所以无咎之義上下
群陰皆悉剥陽也已獨能違失上
下之情而往應之所以无咎也
六四剥牀以膚

凶
注云初二剥牀民所以安未剥其身也至四剥
道浸長牀既剥盡以及人身小人遂盛物將失

身豈唯削正
象曰剥牀以膚切近災也
疏
正義曰剥

牀以膚者四道浸長剥牀已盡乃至人之膚體物
皆失身所以凶也象曰切近災者其災已至故云

切近
災也
六五貫魚以宮人寵方不利
注云處剥之時居
得尊位為剥之

主者也剥之為害小人得寵以消君子者也若能
施寵小人於官人而已不害於正則所寵雖眾終

无尤也貫魚謂此衆陰
象曰以宮人寵終无尤也
也駢頭相次似貫魚也

疏

正義曰貫魚以宮人寵者處得尊位為利之主剥之為害小人得寵以消君子貫魚者謂

衆陰也駢頭相次似若貫穿之魚此六五若能處待衆陰但以宮人之寵相似官人被寵不害正事

則終无尤過无所不利故云上九碩果不食君子无不利故象云終无尤也

得輿小人剥廬

注云處卦之終獨全不落故果至于碩而不見食也君子居之則為

民覆蔭小人用之則剥下所庇也

象曰君子得輿民所載也小人

剥廬終不可用也

疏

正義曰碩果不食者處卦之終獨得完全不被剥落

猶如碩大之果不為人食也君子得輿者若君子而居此位能覆蔭於下使得全安是君子居之則得車輿也若小人居之下无庇蔭在下之人被剥徹廬舍也象曰君子得輿民所載者得得輿之義

若君子居處此位養育其民民所仰戴也小人
剝廬終不可用者言小人處此位爲君剝徹民之
廬舍此小人終
不可用爲君也


上杉右京亮藤原憲忠書進

周易注疏卷第四甲午歲未盡五日子遭東窓探閱

周易注疏卷第五

國子祭酒上護軍曲阜縣開國子臣孔穎達奉

勅撰



震下坤上

復亨出入无疾朋來无咎反復其道七

日來復利有攸往



正義曰復亨者陽氣反復而得亨通故云復亨也出入无

疾者出則剛長入則陽反理會其時故无疾病也朋來无咎者朋謂陽也反復衆陽朋聚而來則无咎也若非陽衆來則有咎以其衆陽之來故无咎也反復其道七日來復者欲使反之與復而得其道不可過遠唯七日則來復乃合於道也利有攸往者以陽氣方長性剛小人道消故利有攸往也

象曰復亨剛反動而以順行是以出入无疾

注云入則

為反出則剛長故无疾疾猶病也

朋來无咎

注云朋謂陽也

反復其道七

日來復

注云陽氣始剥盡至來復時凡七日

天行也

注云以天之行反覆不過七日

復之不利有攸往剛長也

利有攸往剛長也

注云往則人道消也

復其見天

地之心乎

注云復者反本之謂也天地以本為心者也凡動息則靜靜非對動者也語息

則默然非對語者也然則天地雖大富有萬物雷動風行運化萬變寂然至无是其本矣故動息地

中乃天地之心見也若其以有為心則異類未獲具存矣

疏正義曰復亨者以

連復而釋之也剛反動而以順行者既上釋復亨之義又下釋出入无疾朋來无咎之理故云是以

學

授

出入无疾朋來无咎也反復其道七日來復天行
者以天行釋反復其道七日來復之義言反之與
復得合其道唯七日而來復不可久遠也此是天
之所行也天之陽氣絕滅之後不過七日陽氣復
生此乃天之自然之理故曰天行也利有攸往剛
長者以剛長釋利有攸往之義也復其見天地之
心乎者此贊明復卦之義天地養萬物以靜為心
不為而物自為不生而物自生寂然不動此天地
之心也此復卦之象動息地中雷在地下息而不
動靜寂之義與天地之心相似觀此復象乃見天
地之心也天地非有主宰何得有以人事之心
詭天地以示法爾注陽氣至凡七日正義曰陽
氣始剥盡謂陽氣始於剥盡之後至陽氣來復時
凡經七日觀法之意陽氣從剥盡之後至於反復
凡經七日其注分明如褚氏莊氏並云五月一者
生至十一月一陽生凡七月而云七日不云一月者

欲見陽長須速故變月言日今輔嗣云剥盡至來
復是從盡至來復經七日也若從五月言之何得
云始盡也又臨卦亦是陽長而言八月今復卦亦
是陽長何以獨變月而稱七日觀注之意必謂不
然亦用易緯六日七分義同鄭康成之說但於
文省略不復具言案易緯稽覽圖云卦氣起中孚
故離坎震兌各主其一方其餘六十卦卦有四爻
爻別主一日凡主三百六十日餘有五日四分日
之一者每日分為八十分五十分為四百分四分
日之一又為二十分是四百二十分六十卦分
六十四卦陽氣之盡在於九月之末十月當純坤用
也剥卦陽氣之盡在於九月之末十月當純坤用
事坤卦有六日七分坤卦之盡則復卦陽來是從
剥盡至陽氣來復隔坤之一卦六日七分舉成數
言之故輔嗣言凡七日也反復者則出入之義反
謂入而倒反復謂既反之後復而向上也注復

公

月

者至具存矣正義曰復者反本之謂也者往前離
本處而去今更反於本處是反本之謂也天地以
本爲心者本謂靜也言天地寂然不動是以本爲
心者也凡動息則靜靜非對動者也天地之動靜
爲其本動爲其末言靜時多也動時少也若暫時
而動止息則歸靜是靜非對動言靜之爲本自然
而有非對動而生靜故曰靜非對動者也語息則
默默非對語者語則聲之動默則口之靜是不語
之時恒常默也非是對語有默以動靜語默而无
別體故云非對也云天地雖大富有萬物雷動風
行運化萬變者此言天地之動也言寂然至死是
其本矣者凡有二義一者萬物雖運動於外而死
地寂然至死於其內也外是其末內是其本言天
地无心也二者雖雷動風行千化萬變若其雷風
止息運化停住之後亦寂然至死也若其以有爲
心則異類未獲具存者凡以死爲心則物我齊致

親疎一等則不害異類彼此獲寧若其以有爲則我之自我不能普及於物物之自物不能普賴於我物則被害象曰雷在地中復先王以至日閉

關商旅不行后不省方

注云方事也冬至陰之復也夏至陽之復也故爲復

則至於寂然大靜先王則天地而行者也動復則靜行復則止事復則无事也

䷗

正義曰雷在地

中復者雷是動物復卦以動息爲主故曰雷在地中先王以至日閉關者先王象此復卦以二至之

日閉塞其關也商旅不行於道路也后不省方者方事也后不省視其方事也以地掩閉於雷故關

門掩閉商旅不行君后掩閉於事皆取動息之義注方華至无事也正義曰方事者恐方是四方

域故以方爲事也言至日不但不可出行亦不可省視事也冬至陰之復夏至陽之復者復謂反

本靜為動本冬至一陽生是陽動用而陰復於靜也夏至一陰生是陰動用而陽復於靜也動復則

靜行復則止事復則无事者動而反復則歸靜初行而反復則歸止事而反復則歸于无事也初

九不遠復无祇悔元吉注云最處復初始復者也復之不速遂至遠凶不遠

而復幾悔而反以此脩身患難遠矣錯之於事其殆庶幾乎故云吉也象曰不遠之

復以脩身也疏正義曰不遠復者最處復初是始復者也既在陽復即能從而復之

是迷而不遠即能復也无祇悔元吉者韓氏云祇大也既能速復是无大悔所以大吉象曰不遠之

復以脩身者釋不遠之復也所以不遠六二休復速復者以能脩正其身有過則改故也

吉注云得位處中最比於初上无陽爻以疑其親陽為仁行在初之上而附順之下仁之謂也既

處中位親仁善象曰休復之吉以下仁也疏正義

復吉者得位處中最比於初陽為仁行己在其上

附而順之是降下於仁是休美之復故云休復吉

也以其下仁所以吉也故六三頻復厲无咎注云

象云休復之吉以下仁也象曰頻復之厲義无咎也

也復道宜速感而乃復義雖无咎它來難保

疏正義曰頻復者頻謂頻感六三處下體之上去

復稍遠雖勝於上六迷復猶頻感而復復道宜

速謂感而求復也去復猶近雖有危厲於義无咎

故象云義无咎也注頻頻至難保正義曰義雖

无咎它來難保者去復未甚大遠於義雖復无咎

謂以道自守得无咎也若自守之外更有它事而

來則難可保此无咎之吉也所以六四中行獨復

象云義无咎守常之義得无咎也

注云四上下各有二陰而處厥中履得其位而應於初獨得所復順道而反物莫之犯故曰中行獨復

也復象曰中行獨復以從道也

上下各有二陰已獨應初居在衆陰之中故云中行獨自應初故云獨復從道而歸故象云以從道也

六五敦復无悔

注云居厚而履中居厚則免怨復中則可以自考雖不足以及

休復之吉守厚象曰敦復无悔中以自考也

疏正義正

曰敦復无悔者處坤之中是敦厚於復故云敦復

既能履中又能自考成其行既居敦厚物无所怨

雖不及六二之休復猶得免於悔吝故云无悔也

象曰敦復无悔中以自考者釋无悔之義以其處

中能自考成其身故死悔也
上六迷復凶有災眚用行師終有

大敗以其國君凶至于十年不克征
注云最處復後是迷者也

以迷求復故曰迷復也用之行師難用有克也終必大敗用之於國則反乎君道也大敗乃復量斯

勢也雖復十年脩象曰迷復之凶反君道也
正義

曰迷復凶者最處復後是迷闇於復以迷求復所以凶也有災眚者闇於復道必无福慶唯有災眚

也用行師終有大敗者所為既凶故用之行師必先克勝惟終有大敗也以其國君凶者以用也用

此迷復於其國內則反違君道所以凶也至于十年不克征者師敗國凶量斯形勢雖至十年猶不

能征伐以其迷闇不復而反違於君道故象云迷復之凶反君道也



震上 无妄元亨利貞其匪正有眚不利有攸

往

正義曰无妄者以剛為內主動而能健以此臨下物皆无敢詐偽虛妄俱行實理所以大

得亨通利於貞正故曰无亨利貞也其匪正有眚不利有攸往者物既无妄當以正道行之若其匪依正道則有眚災彖曰无妄剛自外來而為主於

內

注云謂震也

動而健

注云震動也

剛中而應

注云謂五也

大

亨以正天之命也

注云剛自外來而為主於內動而愈健剛中而應威剛方正私

欲不行何可以妄使有妄之道滅无妄之道成非大亨利貞而何剛自外來而為主於內則柔邪之道消矣動而愈健則剛直之道通矣剛中而應則齊明之德著矣故大亨以正也天之教命何可

乎何可妄乎是以匪正則其匪正有眚不利有攸

往无妄之往何之矣天命不祐行矣哉注云匪正有眚不求

改以從正而欲有所往居不可以妄之時而欲以不正有所往將欲何之天命之所不祐竟矣哉

疏正義曰剛自外來而為主於內動而健者以此卦象釋能致无妄之義以震之剛從外而來為

主於內震動而乾健故能使物无妄也剛中而應者明爻義能致无妄九五以剛處中六二應之是

剛中而應剛中則能制斷虛實有應則物所順從不敢虛妄也大亨以正天之命者釋元亨利貞之

義威剛方正私欲不行何可以妄此天之教命也以天道純陽剛而能健是乾德相似故云天之命

也既是天命豈可犯乎其匪正有眚不利有攸往无妄之往何之矣者此釋匪正有眚不利有攸往

之義也。无妄之往，何之矣？上之是，歸辭下之是，適也。身既非正，在无妄之世，欲有所往，何所之適矣？故云无妄之往，何之矣？天命不祐，行矣哉？者，身既非正，欲有所往，犯違天命，則天命不祐，助也。必貴行矣哉？言終竟行此不祐之事也。注：剛自至攸往也。正義曰：云使有妄之道，滅无妄之道，成者妄謂虛妄，矯詐不循正理，若无剛中之主，柔弱邪僻，則物皆詐妄，是有妄之道興也。今遇剛中之主，威嚴剛正，在下畏威，不敢詐妄，是有妄之道滅，无妄之道成。注：匪正至竟矣哉。正義曰：竟矣哉者，竟謂終竟言天所不祐終竟行矣哉。

象曰：天下雷行，物與无妄。注：云與辭也。猶皆也。天下雷行，物皆不可以妄也。

先王以茂對時育萬物。注：去茂盛也。物皆不敢妄，然後萬物乃得各全其性，對時育物，莫盛於斯也。

疏正義曰：天下雷行者，雷是

威恐之聲今天下雷行震動萬物物皆驚肅无敢
虛妄故云天下雷行物皆无妄也先王以茂對時
育萬物者茂盛也對當也言先王以此无妄盛事
當其无妄之時育養萬物也此唯王者其德乃耳
非諸侯已下所能故不云君子而言先王也案諸
卦之象直言兩象即以卦名結之若雷在地中復
今无妄應云天下雷行无妄今云物與无妄者欲
見萬物皆无妄故加物與二字也其餘諸卦未必
萬物皆與卦名同義故直顯象以卦結之至如復
卦唯陽氣復非是萬物皆復舉復一卦餘可知矣
初九无妄往吉注云體剛處下以貴下賤象曰无
妄之往得志也疏正義曰无妄往吉者體剛居下
以貴下賤所行教化不為妄動
故往吉而得志也六二不耕穫不菑畲則利有攸往注云

而獲不菑而畚代終已成而不造也象曰不耕獲

未富也

䷠

正義曰不耕獲不菑畚者六二處中得

田農不敢發首而耕唯在後獲刈而已不敢菑發

猶若為臣之道不為事始而代君有終也則利有

攸往者為臣如此則利有攸往若不如是則利有

无利也象曰不耕獲未富也者釋不耕而獲之義

繫之牛行人之得邑人之災

注云以陰居陽行違

為災也牛者稼穡之資也二以不耕而獲利有攸

性而三為不順之行故或繫之牛是有司之所以

六三无妄之災或

為獲彼人之所以為災也故
象曰行人得牛邑人

災也

䷆

正義曰无妄之災或繫之牛行人之得邑人之災者无妄之世邪道不行六三陰居

陽位失其正道行違謙順而乖臣範故无妄之所
以為災矣牛者稼穡之資六三僭為耕事行唱始
之道而為不順王事之行故有司或繫其牛制之
使不妄造故曰或繫之牛也行人者有司之義也
有司繫得其牛是行人制之得功故曰行人之得
彼居三者是處邑之人僭為耕事受其災罰故曰
行人之得邑人之災也象曰行人得牛邑人災也
者釋行人之得義也以行人所得謂得牛也此則
得牛彼則為災九四可貞无咎
注云處无妄之時
故云邑人災也
柔履於謙順比近至尊故可
以任正固有所守而无咎也
象曰可貞无咎固有

之也

疏

正義曰可貞无咎者以陽居陰以剛乘柔履於謙順上近至尊可以任正固有所守

而无咎故曰可貞无咎也象曰可貞无咎固有之也者釋可貞无咎之義所以可執貞正言堅固有

所執守故九五无妄之疾勿藥有喜

注云居得尊位為无妄之

至者也下皆无妄害非所致而取藥焉疾之甚也非妄之災勿治自復非妄而藥之則凶故曰勿藥

有象曰无妄之藥不可試也

注云藥攻有妄者也而反攻无妄故不可

試

疏

正義曰无妄之疾者凡禍疾所起由有妄而也來今九五居得尊位為无妄之主下皆无妄

而偶然有此疾害故云无妄之疾也勿藥有喜者君疾自己招或寒暑飲食所致當須治療若其自

然之疾非已所致疾當自損勿須藥療而有喜也此假病象以喻人事猶若人主而剛正自脩身无

虛妄下亦无虛妄而遇逢山禍若堯湯之厄災非
已招但順時脩德勿須治理必欲除去不勞煩天
下是有喜也然堯遭洪水使鯀禹治之者雖知災
未可息必須順民之心鯀之不成以災未息也禹
能治救災欲盡也是亦自然之災勿藥有喜之義
也象曰无妄之藥不可試也者解勿藥有喜之義
若有妄致疾其藥可用若身既无妄自然致疾其
藥不可試也若其試之恐更益疾也言非妄有災
不可治也若必欲治之則勞煩於下害更甚也此
非直施於人主至於凡人之事亦皆然也若已之
无罪忽逢禍患此乃自然之理上九无妄行有眚
不須憂勞救護亦恐反傷其性

无攸利

注云處不可妄之極唯宜靜保其身而已故不可以行也

象曰无妄之

行窮之災也

疏

正義曰處不可妄之極唯宜靜保其身若動行必有災眚无所利也

位處窮極動則致災故象云无妄之行窮之災也

三 艮上 乾下 大畜利貞不家食吉利涉大川 疏 正義曰謂

之大畜者乾剛上進艮止在山而畜之能畜止剛健故曰大畜彖云能止健大正也是能止健故

為大畜也小畜則異在乾上以其異順不能畜止乾之剛故云小畜也此則艮能止之故為大畜也

利貞者人能止健非正不可故利貞也不家食吉者已有大畜之資當須養贍賢人不使賢人在家

自食如此乃吉也利涉大川者豐財養賢應於天道不憂險難故利涉大川 彖曰大畜

剛健篤實輝光日新其德 注云凡物既厭而退者弱也既榮而墮者薄也

夫能輝光日新其德剛上而尚賢 注云謂上九也者唯剛健篤實也 剛上而尚賢 處上而大通剛

來而不距尚賢之謂也

能止健大正也

注云健莫過乾而能止之非夫大正未之

能也

不家食吉養賢也利涉大川應乎天也

注云有大畜之

實以之養賢令賢者不家食乃吉也尚賢制健大正應天不憂險難故利涉大川也

疏

正義曰言

大畜剛健篤實者此釋大畜之義剛健謂乾也乾體剛性健故言剛健也篤實謂艮也艮體靜止故

稱篤實也輝光日新其德者以其剛健篤實之故故能輝耀光榮日日增新其德若死剛健則劣弱

也必既厭而退若死篤實則虛薄也必既榮而墮何能久有輝光日新其德乎剛上而尚賢者剛上

謂上九也乾剛向上上九不距是貴尚賢也能止健大正也者釋利貞義所以艮能止乾之健者德

能大正故能止健也不家食吉養賢者釋不家食吉所以不使賢者在家自食而獲吉也以在上有

大畜之實養此賢人故不使賢者在家自食也利
涉大川應乎天者以貴尚賢人大正應天可踰越
險難故利涉大川也注凡物至篤實也正義曰
凡物既厭而退者弱也者釋經剛健也若不剛健
則見厭被退能剛健則所爲日進不被厭退也既
榮而墮者薄也者釋經篤實也凡物暫時榮華而
即墮落者由體質虛薄也若能篤厚充實則恒保
榮美不有墮落也注謂上至之謂也正義曰謂
上九也者言上九之德見乾之上進而不距逆是
貴尚賢也處上而大通者釋上九何天之衢亨是
處上通也既處於上下應於天有大通之德也剛
來而不距者以有大通既見乾來而不距逆是尚
賢之義也注有大畜至大川也正義曰尚賢制
健者謂上九剛來不距尚賢之謂也艮能畜剛制
健之謂也故上經云剛上而尚賢王注云謂上九
也又云能止健大正也王注云健莫過乾而能止

之非夫大正未之能也則是全論艮體明知尚賢
謂上九也制健謂艮體也艮正應天者謂艮也故
前文云能止健大正也止健是艮也應天者上體
之艮應下體之乾故稱應天也此取上卦下卦而
相應非謂一陰一陽而相應也象曰天在山中大畜君子以多識

前言往行以畜其德

注云物之可畜於懷令德不散盡於此也

疏

正義曰天

在山中者欲取德積於身中故云天在山中也君
子以多識前言往行以畜其德者君子則此大畜
物既大畜德亦大畜故多記識前代之言往賢之
行使多聞多見以畜積已德故云以畜其德也
注物之至於此也正義曰物之可畜於懷令其道
德不有棄散者唯貯藏前言往行於懷可以令德
不散也唯此而已初九有厲利已
注云四乃畜已未可犯也故進

則有厲已

象曰有厲利已不犯災也

注云處健之始未果其健

者故能利已

疏

正義曰有厲利已者初九雖有應於四乃抑畜於己已今若往則有危厲唯

利休已不須前進則不犯災也

九二輿說輶

注云五處畜盛未可

犯也遇斯而進故輿說輶也居得其中能以其象中不為馮河死而无悔遇難能止故无尤也

曰輿說輶中无尤也

疏

正義曰九二雖與六五相應五處畜盛未可犯也若

遇斯而進則輿說其輶車破敗也以其居中能遇難而止則无尤過故象云中无尤也以其居中能

自止息故无尤也此輿說輶亦假象以明人事也

九三良馬逐利艱貞曰

閑輿衛利有攸往

注云凡物極則反故畜極則通初二之進值於畜盛故不可以

升至於九三升于上九而上九處天衢之亨塗徑
大通進无違距可以馳騁故曰良馬逐也履當其
位進得其時之乎通路不憂險厄故利艱貞也閑
闕也衛護也進得其時雖涉艱難而无患也與雖
遇閑而故衛也與上象曰利有攸往合志也
合志故利有攸往也
正義曰九三良馬逐者初二之進值於亨盛不可
以升至於九三升于上九而上九處天衢之亨塗
徑大通進无違距故九三可以良馬馳逐也利艱
貞者履當其位進得其時在乎通路不憂險厄故
宜利艱難而貞正也若不值此時雖平易守正而
尚不可況艱難而欲行正乎曰閑與衛者進得其
時涉難无患雖曰有人欲閑闕車輿乃是防衛見
護也故云曰閑與衛也利有攸往者與上合志利
有所往故象六四童牛之牯元吉
注云處艮之始
曰上合志也
履得其位能止

健初距不以角柔以止剛剛不敢犯抑銳
之始以息強爭豈唯獨利乃將有喜也
象曰六

四元吉有喜也

疏

正義曰童牛之牯者處艮之始履得其位能抑止剛健之初距

此初九不須用角故用童牛牯止其初也元吉者

柔以止剛剛不敢犯以息彊爭所以大吉而有喜也故象云元

吉有喜也六五積豕之牙吉

注云豕牙橫猾剛暴難制之物謂二

也五處得尊位為畜之主二剛而進能積其牙柔能制健禁暴抑盛豈唯能固其位乃將有慶也

象曰六五之吉有慶也

疏

正義曰積豕之牙者豕牙謂九二也二既剛陽

似豕牙之橫猾九二欲進此六五處得尊位能積損其牙故云積豕之牙柔能制剛禁暴抑盛所以吉也非唯獨吉乃終久有慶故象云六五之吉有慶也注豕牙至有慶也正義曰能積其牙者觀

注意則積是禁制損去之名補氏云積除也除其
牙也然積之為除爾雅无訓案爾雅云積大防則
雖豕傍土邊之義此積其牙謂防止其牙古字假借

上九何天之衢亨

注云處畜之極畜極則通大畜
以至於大亨之時何辭也猶云

何畜乃天
之衢亨也

象曰何天之衢道大行也

䷗

正義曰何天之衢亨

者何謂語辭猶云何畜也處畜極之時更何所畜
乃天之衢亨无所不通也故象云何天之衢道大
行也何氏云天衢
既通道乃大亨

䷲

震下艮上

頤貞吉觀頤自求口實

䷚

正義曰頤貞吉者於頤養

之世養此貞正則得吉也觀頤者頤養也觀此聖
人所養物也自求口實者觀其自養求其口中之

實也。彖曰：頤貞吉，養正則吉也。觀頤，觀其所養也。自

求口實，觀其自養也。天地養萬物，聖人養賢以及

萬民，頤之時大矣哉。**疏**正義曰：頤貞吉，養正則吉。者釋頤貞吉之義。頤養也。

貞，正也。所養得正，則有吉也。其養正之言，乃兼二義。一者養此賢人，是其養正。故下云：聖人養賢以

及萬民。二者謂養身得正。故象云：慎言，語節飲食。以此言之，則養正之文，兼養賢及自養之義也。觀

頤，觀其所養也。者釋觀頤之義也。言在下觀視在上，頤養所養何人，故云：觀頤，觀其所養也。自求口

實，觀其自養者。釋自求口實之義也。謂在下之人觀此在上自求口中之實，是觀其自養。則是在下

觀上，乃有二義。若所養是賢，及自養有節，則是其德盛也。若所養非賢，及自養乖度，則其德惡也。此

卦之意欲使所養得也不欲所養失也天地養萬物者自此已下廣言頤卦所養事大故云天地養萬物也聖人養賢以及萬民者先須養賢乃得養民故云養賢以及萬民也聖人但養賢人使治衆衆皆獲安有如虞舜六人周武十人漢帝張良齊君管仲此皆養得賢人以爲輔佐政治世康兆庶咸說此則聖人養賢以及萬民之義也頤之時大矣哉者以彖釋頤義於理既盡更无餘意故不云義所以直言頤之時大矣哉

象曰山下有雷頤君

子以慎言語節飲食

注云言語飲食猶慎而節之而況其餘乎

疏

正義曰山

止於上雷動於下頤之爲用下動上止故曰山下有雷頤人之開發言語咀嚼飲食皆動頤之事故君子觀此頤象以謹慎言語裁節飲食先儒初九

六禍從口出患從口入故於頤養而慎節也

舍爾靈龜觀我朵頤凶

注云朵頤者嚼也以陽處下而為動始不能令物由

已養動而求養者也夫安身莫若不競脩己莫若自保守道則福至求祿則辱來居養賢之世不能貞其所履以全其德而舍其靈龜之明兆美我朵頤而躁求離其致養之至道闕我寵祿而競進凶焉莫甚

象曰觀我朵頤亦不足貴也

䷖

正義曰舍爾靈龜觀我朵

頤凶者靈龜謂神靈明鑒之龜兆以喻己之明德也朵頤謂朵動之頤以嚼物喻貪怵以求食也初九以陽處下而為動始不能使物賴已而養而更自動求養是舍其靈龜之明兆觀我朵頤而躁求是損己廉靜之德行其貪竊之情所以凶也不足可貴故象云亦不足貴也

注朵頤至甚焉正義曰朵頤者嚼也者是動義如手之捉物謂之朵也今動其頤故知嚼也不能令物由已養者若道

德弘大則已能養物是物由已養今身處元位之地又居震動之始是動而自求養也離其致養之至道闕我寵祿而競進者若能自守廉靜保其明德則能致君上所養今不能守廉靜是離其致養之至道反以求其寵祿而競進也 六二顛頤拂經于丘頤征凶 注養下曰顛拂違也經猶義也丘所履之常也處下體之中无應於上反而養初居下不奉上而反養下故曰顛頤拂經于丘也以此而養未見其福也以此而行未見有與故曰頤征凶 象曰六二征凶行失類也 注云類皆上養 疏 正義曰顛倒義也丘所履之常處也六二處下體之中无應於上反倒下養初故曰顛頤下當奉上是義之常處也今不奉於上而反養於下是違此經義於常之處故云拂經於丘也 頤征凶者徂行也若以此而

養所行皆凶故曰頤征凶也象曰六二征凶行失類也者頤養之體類皆養上也今此獨養下是所

行失也六三拂頤貞凶十年勿用无攸利注云履夫

於上納上以諂者也拂養正之義故曰拂頤貞凶也處頤而為此行十年見棄者也立行於斯无施

而象曰十年勿用道大悖也疏正義曰拂頤貞凶

正以養上九是自納於上以諂媚者也違養正之義故曰拂頤貞而有凶也為行如此雖至十年猶

勿用而見棄也故曰十年勿用立行於此故无所利也象曰十年勿用道大悖者釋十年勿用之義

以其養上以諂媚則於正道六四顛頤吉虎視眈

眈其欲逐逐无咎注云體屬上體居得其位而應於初以上養下得頤之義故曰

顛頤吉也下交不可以瀆故虎視眈眈威而不猛
不惡而嚴養德施賢何可有利故其欲逐逐尚敦
實也脩此二者然後乃得全其吉而无咎觀其自
養則履正察其所養則養陽頤爻之貴斯為盛矣
象曰顛頤之吉上施光也䷥

正義曰顛頤者體屬上體居得其位而

應於初以上養下不可褻瀆恒如虎視眈眈然威而不
猛也其欲逐逐者既養於下不可有求其情之所
欲逐逐然尚於敦實也无咎者若能虎視眈眈其
頤之吉上施光者釋顛頤之義上謂四也下養
於初是上施也能威而不猛如虎視眈眈又寡欲
少求其欲逐逐能為此二者是上之所施有光明
也然六二顛頤則為凶六四顛頤得為吉者六二
身處下體而又下養所以凶也六四身處上體又


應於初陰而應陽又能威嚴寡欲所以吉也
注體屬至為盛矣正義曰觀其自養則履正者以陰
處陰四自處其身是觀其自養則能履正道也察
其所養則養陽者六四下養於初是觀其所養初
是陽爻則六五拂經居貞吉不可涉大川
注云以能養陽也

拂頤之義也行則失類故宜居貞也无應於下而
比於上故可守貞從上得頤之吉雖得居貞之吉

處頤違謙難象曰居貞之吉順以從上也
疏曰正義未可涉也

違也經義也以陰居陽不有謙退乖違於頤養之
義故言拂經也居貞吉者行則失類居貞吉也不
可涉大川者處頤違謙患難未解故不可涉大川
故居貞吉也象曰順以從上者釋居貞之義以五
近上九以陰順陽親從上九由頤厲吉利涉大川
於上故得居貞吉也

注云以陽處上而履四陰陰不能獨為主必宗於陽也故莫不由之以得其養故曰由頤為衆陰之主不可瀆也故厲乃吉有似家人悔厲之義貴而无位是以厲也高而有民是以吉也為養之主物莫之違故利象曰由頤厲吉大有慶也疏正義曰涉大川也



巽下兌上

大過

注云音相過之過

棟撓利有攸往亨

疏

正義

曰過謂過越之過非經過之過此衰難之世唯陽交乃大能過越常理以拯患難也故曰大過以人

事言之猶若聖人過越常理以拯患難也棟橈者
謂屋棟也本之與末俱橈弱以言衰亂之世始終
皆弱也利有攸往亨者既遭衰難聖人利有所往
以拯患難乃得亨通故云利有攸往亨也注音
相過之過正義曰相過者謂相過越之甚也非謂
相過從之過故象云澤滅木是過越之甚也四陽
在中二陰在外以豕曰大過大者過也注云大者
陽之過越之甚也豕曰大過大者過也注云大者
棟橈本末弱也注云初為本而上為末也剛過而中注云謂二
也處二中也拯弱巽而說行注云巽而說行以利
興衰不失其中也利
有攸往乃亨注云危而弗持則大過之時大矣哉
將安用故往乃亨
注云是君子
有為之時也疏正義曰大過大者過也者釋大過
之義也大者過謂盛大者乃能過

其分理以拯難也故於二爻陽處陰位乃能拯難也亦是過甚之義棟撓本末弱也者釋棟撓義以大過本末俱弱故屋棟撓弱也似若衰難之時始終弱也剛過而中巽而說行利有攸往乃亨者此釋利有攸往乃亨義剛過而中謂二也以陽處陰是剛之過極之甚則陽來拯此陰難是過極之甚也巽而說行者剛以巽順和說而行難乃得濟故利有攸往得亨也故云乃亨大過之時大矣哉此廣說大過之美言當此大過之時唯君子有為拯難其功甚大故曰大矣哉也

木大過君子以獨立不懼遯世无悶

注云此所以為大過非凡

所及也

疏

正義曰澤減木者澤體處下木體處上澤无減木之理今云澤減木者乃是澤之甚

極而至減木是極大過越之義其大過之卦有二義也一者物之自然大相過越常分即此澤減木

是也二者大人過越常分以拯患難則九二枯
楊生稊老夫得其女妻是也君子以獨立不懼
世无悶者明君子於衰難之時卓爾獨立不有畏
懼隱遯於世而无憂悶欲有遯難之心其操不改
凡人遇此則不能然唯君子初六藉用白茅无咎
獨能如此是其過越之義

注云以柔處下過而象曰藉用白茅柔在下也

正義曰藉用白茅者以柔處下心能謹慎薦藉於
物用潔白之茅言以潔素之道奉事於上也无咎
者既能謹慎如此雖遇大過之難而无咎也九二枯
以柔道在下所以免害故象云柔在下也

楊生稊老夫得其女妻无不利也注云稊者楊之秀
也

其本而救其弱者也上无其應心无特吝憂過以
此无衰不濟也故能令枯楊更生稊老夫更得少

妻拯弱興衰莫盛斯爻故无不利也老過則枯少過則稚以老分少則稚者長以稚分老則枯者榮過以相與之謂也大過至衰而已象曰老夫女妻至壯以至壯輔至衰應斯義也

過以相與也

疏

正義曰枯楊生稊者枯謂枯槁稊其本分而救其衰弱上无其應心无特吝處大過之時能行此道无有衰者不被拯濟故衰者更盛猶若枯槁之楊更生少壯之稊朽老之夫得其少女為妻也无不利者謂拯弱興衰莫盛於此以斯而行无有不利也象曰老夫女妻過以相與者釋

老夫女妻之義若老夫而有老妻是依分相對今老夫而得女妻是過分相與也老夫得女妻是女妻以少而與老夫老夫得少而更壯是女妻過分而與夫也女妻而得少夫是依分相對今女妻得老夫是老夫減老而與少女妻既得其老則益長

是老夫過分而與妻也故云過以相與象直云老
夫女妻不云枯楊生稊者枯楊則是老夫也生稊
則女妻也其意相似故象略而不言注稊者至
斯義也正義曰稊者楊柳之穗故云楊之秀也以
陽處陰能過其本而救其弱者若以陽處陰是依
其本分今以陽處陰是過越本分拯救弱陰也老
過則枯少過則稚者老之太過則枯槁少之太過
則幼稚也以老分少則稚者長也謂老夫減少而
與女妻女妻得之而更益長故云以老分少則稚
者長也以稚分老則枯者也者謂女妻減少而與
老夫老夫得之似若枯者而更得生稊故云則枯
者榮也云大過至衰而已至壯以至壯輔至衰應
斯義者此大過之卦本明至壯輔至衰不論至衰
減至壯故輔嗣此注特云以至壯輔至衰也象曰
過以相與者因至壯而輔至衰似女妻而助老夫
遂因云老夫減老而與少猶若至衰減衰而與壯

也其實九三棟撓凶注云居大過之時處下體之極不能救危拯弱以隆其棟

而以陽處陽自守所居又應於上象曰棟撓之凶

不可以有輔也疏正義曰棟撓凶者居大過之時

危拯弱唯自守而已獨應於上係心在一所以有

也心既褊狹不可以輔救衰難故象云不可以有

輔九四棟隆吉有它吝注云體屬上體以陽處陰

也故棟隆吉也而應在初象曰棟隆之吉不撓乎

用心不弘故有它吝也下也疏正義曰棟隆吉者體居上體以陽處陰能

吉也有它吝者以有應在初心不弘開故有它吝

也象曰棟隆之吉不撓乎下也者釋棟隆之吉以

其能拯於難不被撓乎在下故得棟隆吉九四應
初行又謙順能拯於難然唯只拯初初謂下也下
得其拯猶若所居屋棟隆起下必不撓弱何得之
不被撓乎在下但經文云棟撓彖釋棟撓者本未
弱也以屋棟撓弱而偏則屋下撓柱亦先弱柱為
本撓為未觀此彖辭是足見其義故彖產云棟折
則棟崩將堅焉以屋棟撓折九五枯楊生華老婦
則撓柱亦同崩此則義也

得其士夫无咎无譽

注云處得尊位而以陽處陽未能拯危處得尊位亦未有

撓故能生華不能生稊能得夫不能得妻處棟撓之世而為无咎无譽何可長哉故生華不可久士

夫誠可

象曰枯楊生華何可久也老婦士夫亦可

醜也

䷥

正義曰枯楊生華者處得尊位而以陽居陽未能拯危不如九二枯楊生稊但以處

在尊位唯得枯楊生華而已言其衰老雖被拯救其益少也又似年老之婦得其彊壯士夫婦已衰老夫又彊大亦是其益少也所拯難處少纔得无咎而已何有聲譽之美故无咎无譽也象曰枯楊生華何可久者枯槁之楊被拯纔得生華何可長久尋當衰落也老婦士夫亦可醜也者婦當少稚於夫今年老之婦而得彊壯士夫亦可醜辱也此言九五不能廣拯衰難但使枯楊生華而已但使老婦得其士夫而已拯難狹劣故不得長久誠可醜辱言不如九二也注處得至可醜也正義曰處得尊位亦未有撓者以九三不得尊位故有棟撓今九五雖與九三同以陽居陽但九五處得尊位功雖未廣亦未有撓弱若其撓弱不能拯難不能使枯楊生華也以在尊位微有拯難但其功狹少但使枯楊生華而已不能使之生稊也能得夫不能得妻者若拯難功闕則老夫得其女妻是得

少之甚也今既拯難功狹但能使老婦得士夫而已不能得女妻言老婦所得利益薄少皆為拯難功薄故所上六過涉滅頂凶无咎

注云處大過之極過之甚也涉

難過甚故至于滅頂凶象曰過涉之凶不可咎也

注云雖凶无咎不害義也**斷**正義曰過涉滅頂凶者處大過之

斷

極是過越之甚也以此涉危難乃

至於滅頂言涉難深也既滅其頂所以凶也无咎者所以涉難滅頂至於凶亡本欲濟時拯難意善功惡无可咎責此猶龍逢比干憂時危亂不懼諫殺直言深諫以忤无道之主遂至滅亡其意則善而功不成復有何咎責此亦過涉滅頂凶无咎之象故象云不可咎言不可害於義理也

三三

坎下習坎也注云坎險陷之名

有孚維心亨

注云

剛正在內有孚者也陽不行有尚注云內亨外
外發而在乎內心亨者也剛外順以此
行險行疏正義曰習坎者坎是險陷之名習者便
有尚也疏習之義險難之事非經便習不可必行
故須便習於坎事乃得用故云習坎也有孚者孚
信也由剛正在內故有信也維心亨者陽不外發
而在於內是維心亨言心得通也行有尚者內亨
外闇內剛外柔以此行險事可尊尚故云行有尚
也案諸卦之名皆於卦上不加其字此坎卦之名
特加習者以坎為險難故特加習名習有二義一
者習重也謂上下俱坎是重疊有險險之重疊乃
成險之用也二者人之行險先須便習其事乃可
得通故云習也注剛正至亨者也正義曰剛正
在內者謂陽在中也內心剛正則能有誠信故云
剛正在內有孚者也陽不外發而在乎內心亨者
也者若外陽內陰則內心柔弱故不得亨通今以

陽在於內陽能開通故維其在心之亨也注內

亨至有尚也正義曰內亨外闡者內陽故內亨外

陰故外闡以亨通之性而往諸陰注豕曰習坎重險

也注云坎以險為用故特名曰水流而不盈行險

而不失其信注云險峭之極故水流而不能盈也

信者習險之謂也維心亨乃以剛中也行有尚往有功也

注云便習於坎而之坎地天險不可升也注云不

盡坎之宜故往必有功也故得保地險山川丘陵也注云有山川丘陵王公

設險以守其國注云國之為衛恃於險也言險之

時用大矣哉

注云非用之常用有時也

疏

正義曰習坎重險者釋習坎之義言習坎

者習行重險險難也若險難不重不爲至險不須便習亦可濟也今險難既重是險之甚者若不便習不可濟也故注云習坎者習重險也水流而不盈行險而不失其信者此釋重險習坎之義水流而不盈謂險陷既極坑穿特深水雖流注不能盈滿言險之甚也此釋重險之義也行險而不失其信謂行此至險能守其剛中不失其信也此釋習坎及有孚之義也以能便習於險故守剛中不失其信也維心亨乃以剛中也者釋維心亨義也以剛在於中故維得心亨也行有尚往有功者此釋行有尚也既便習於坎而往之險地必有其功故云行有尚往有功也天險不可外者已下廣明險之用也言天之爲險懸邈高遠不可外上此天之險也若其可外不得保其威尊故以不可外爲險

也地險山川丘陵也者言地以山川丘陵而為險也故地之所載之物保守其全若无山川丘陵則地之所載之物失其性也故地以山川丘陵而為險也王公設險以守其國者言王公法象天地固其城池嚴其法令以保守其國也險之時用大矣哉者言天地已下莫不須險險難有時而用故其功盛大矣哉注言習至重險也正義曰言習坎者習乎重險也者言人便習於坎止是便習重險便習之語以釋習名兩坎相重謂之重險又當習義是一習之名有此兩義注險陷至之謂也正義曰險陷之極故水流而不能盈者若淺岸平谷則水流有可盈滿若其崖岸險峻澗谷泄漏是水

流不可盈滿是險難之極也注非用至有時也正義曰非用之常用有時者若天險地險不可暫无此謂人之設險用有時也若化洽平治內外輯睦非用險也若家國有虞須設險防難是用有時

也象曰水洊至習坎

注云重險懸絕故水洊至也

也

君子以常德行習教事

注云至險未夷教不

習教事也習於坎然後乃能不以險難為困而德

疏

正義曰水洊至習坎者重險懸絕其水不以險

之懸絕水亦相仍而至故謂為習坎也以人之

便習于坎猶若水之洊至水不以險為難也君子

以常德行習教事者言君子當法此便習於坎不

以險難為困常守德行而習其政教之

事若能習其教事則可便習於險也

入于坎窞凶

注云習坎者習為險難之事也最處

底其道凶也行險而不能自濟習坎而入坎窞失

道而窮在坎底上无應援可以自濟是以凶也

象曰習坎入坎失道凶也

疏

正義曰習坎入於坎

无應援是習為險難之事无入應援故入於坎窞而

九二坎有險求小得

注云履失其位故曰坎上无

能出險之中也處中而與初三相得故可以求小得也初三未足以為援故曰小得也

象曰

求小得未出中也

疏

正義曰坎有險者履失其位

險既在坎難而又遇險未能出險之中故象云未

出中也求小得者以陽處中初三來附故可以求

小得也初三柔弱未足以

為大援故云求小得也

六三來之坎坎險且枕

入于坎窞勿用

注云既履非其位而又處兩坎之間出則之坎居則亦坎故曰來之

坎坎也枕者枝而不安之謂也出則死之處則死
安故曰險且枕也來之皆坎无所用之徒勞而已
象曰來之坎坎終无功也**疏**正義曰來之坎坎者

之間出之與居皆在於坎故云來之坎坎也險且
枕者枕枝而不安之謂也出則无應所以險處則
不安故且枕也入于坎窞者出入皆難故入於坎
窞也勿用者不可出行若其出行終必无功徒勞
而已故象云**六四樽酒簋贰用缶納約自牖終无**

咎注云處重險而履正以柔居柔履得其位以承
於五五亦得位剛柔各得其所不相犯位皆无
餘應以相承此明信顯著不存外飾處坎以斯雖
復一樽之酒二簋之食瓦缶之器納此至約自進
於牖乃可羞之於王公薦**象曰樽酒簋贰剛柔際**
之於宗廟故終无咎也

也注云剛柔相比而**疏**正義曰樽酒簋貳者處重

五亦得位剛柔各得其所皆无餘應以相承此明

信顯著不假外飾處坎以此雖復一樽之酒二簋

之食故云樽酒簋貳也用缶者既有樽酒簋貳又

用瓦缶之器故云用缶也納約自牖終无咎者納

此儉約之物從牖而薦之可羞於王公可薦於宗

廟故云終无咎也象曰樽酒簋貳剛柔際者釋樽

酒簋貳義所以一樽之酒貳簋之食得進獻者以

六四之柔與九五之剛兩相交際而相親故得以

此儉約而**九五坎不盈祇既平无咎**注云為坎之

為禮也

可以自佐未能盈坎者也坎之不盈則險不盡矣

祇辭也為坎之主盡平乃无咎故曰祇既平无咎

也說既平乃无咎明

象曰坎不盈中未大也**疏**正義

九五未免於咎也

曰坎不盈者爲坎之主而无應輔可以自佐險難未能盈坎猶險難未盡也故云坎不盈也祇既平无咎者祇辭也謂險難既得盈滿而平乃得无咎若坎未盈平仍有咎也象曰坎不盈中未大者釋坎不盈之義雖復居中而无其上六係用徽纆寘應未得光大所以坎不盈滿也

于叢棘三歲不得凶

注云險陷之極不可外也嚴法峻整難可犯也宜其凶執

寘于思過之地三歲險道之夷也險終乃反故三歲不得自脩三歲乃可以求復故曰三歲不得凶

也象曰上六失道凶三歲也

疏

正義曰係用徽纆寘於叢棘者險陷

之極不可升上嚴法峻整難可犯觸上六居止險陷之處犯其峻整之威所以被繫用其徽纆之繩置於叢棘謂囚執之處以棘叢而禁之也三歲不得凶者謂險道未終三歲已來不得其吉而有凶

也險終乃反若能自脩三歲後可以求復自新故
象云上六失道凶三歲也言失道之凶唯三歲之
後可以免也

三三

離下離上離利貞亨

注云離之為卦以柔為正故必貞而後乃亨故曰利貞亨

也畜牝牛吉

注云柔處于內而履正中牝之善也外強而內順牛之善也離之為體以

柔順為主者也故不可以畜剛猛之物而吉於畜牝牛也

䷥

正義曰離利貞亨者離麗也麗謂附

著也言萬物各得其所附著處故謂之離也利貞亨者離卦之體陰柔為主柔則近於不正不正則

不亨通故利在行正乃得亨通以此故亨在利貞之下故云利貞亨畜牝牛吉者柔處於內而履正

中是牝之善者外強內順是牛之善者也離之為體以柔順為主故畜養牝牛乃得其吉若畜養剛

健則不可也此云畜牝牛假象以明人事也言離
之為德須內順外強而行此德則得吉也若內剛
外順則反離之道也注離之至貞亨也正義曰
離之為卦以柔為正者二與五俱是陰爻處於上
下兩卦之中是以柔為正注柔處至牝牛也正
義曰柔處於內而履正中牝之善也者若柔不處
於內似婦人而預外事若柔而不履正中則邪僻
之行皆非牝之善也若柔能處中行能履正是為
牝之善也云外強而內順牛之善者明若內外俱
強則失於猛害若外內俱順則失於劣弱唯外強
內順於用為善故云外強內順牛之善也離之為
體以柔順為主故不可以畜剛猛之物者既以柔
順為主若畜剛猛之物則反其彖曰離麗也注云
德故不可畜剛猛而畜牝牛也
著也各得
所著之五
日月麗乎天百穀草木麗乎土重明以

麗乎正乃化成天下柔麗乎中正故亨是以畜牝

牛吉也

注云柔著于中正乃得通也柔通之吉極於畜牝牛不能及剛猛也

疏

正義曰離

麗者釋離卦之名麗謂附著也以陰柔之質附著中正之位得所著之宜故云麗也

日月

麗乎天百穀草木麗乎土者此廣明附著之義以柔附著中正是附得宜故廣言所附得宜之事也重明以麗乎正乃化成天下者此以卦象說離之功德也并明利貞之義也重明謂上下俱離麗乎正也者謂兩陰在內既有重明之德又附於正道所以化成天下也然陰居二位可謂為正若陰居五位非其正位而云重明麗乎正者以五處於中正又居尊位雖非陰陽之正乃是事理之正故總云麗於正也柔麗乎中正故亨是以牝牛吉者釋經亨義也又總釋畜牝牛吉也柔麗於中正謂六

五六二之柔皆麗於中中則不偏故云中正以中
正為德故萬事亨以中正得通故畜養牝牛而得
吉也以牝牛有中正故也案諸卦之彖釋卦名之
下乃釋卦下之義於後乃歎而美之此彖既釋卦
名即廣歎為卦之美乃釋卦下之義與諸卦不例
者此乃夫子隨義則言因文之便也此既釋離名
麗因廣說日月草木所麗之事象曰明兩作離大
然後却明卦下之義更无義例

人以繼明照于四方

注云繼謂不絕也明照相繼不絕曠也

疏

正義曰明

兩作離者離為日日為明今有上下二離故云明
兩作離也案八純之卦論象不同各因卦體事義
隨文而發乾坤不論上下之體直總云天行健地
勢坤以天地之大故總稱上下二體也雷是連續
之至水為流注不已義皆取連續相因故震云存
雷坎云存至也風是搖動相隨之物故云隨風巽

也山澤各自為體非相入之物故云兼山艮屢澤
兌是兩物各行也今明之為體前後各照故云明
兩作離是積聚兩明乃作於離若一明暫絕其離
未久必取兩明前後相續乃得作離卦之義故云
大人以繼明照於四方是繼續其明乃得照於四
方若明不繼續則不得久為照臨所以特云明兩
作離取不絕之義也初九履錯然愬之无咎注云錯然者警
慎之貌也處離
之始將進而盛未在即濟故宜象曰履錯之愬以
慎其所履以愬為務辟其咎也
辟咎也疏正義曰履錯然者身處離初將欲前進
其道未濟故其所履踐恒錯然愬慎不
敢自寧故云履錯然愬之无咎若能如此恭愬則
得避其禍而无咎故象云履錯之愬以避咎也
注錯然至其咎也正義曰錯然者警慎之貌者錯
是警懼之狀其心未寧故錯然也言處離之始將

進而盛未在於既濟者將進而盛謂將欲前進而向

盛也若位在於三則得既濟今位在於初是未在於

既濟謂功業未大故宜慎六二黃離元吉

注云居中得位

其所履恒須錯然避咎也

象曰黃離元吉得中道

以柔處柔履文明之盛而象曰黃離元吉得中道

也

正義曰黃者中色離者文明居中得位而處於文明故元吉也故象云得中道以其得中

夾黃色之道也九三日昊之離不鼓缶而歌則大耋之嗟

注云嗟憂歎之辭也處下離之終明在將沒故曰日昊之離也明在將終若不委之於人養志

先為則至于耄老有嗟凶矣故曰象曰日昊之離

不鼓缶而歌則大耋之嗟凶也

象曰日昊之離

何可久也

正義曰日昊之離者處下離之終其明將沒故云日昊之離也不鼓缶而

歌則大堇之嗟凶者時既老耄當須委事任人自
取逸樂若不委之於人則是不鼓擊其缶而為歌
則至於大堇老耄而咨嗟何可久長所
以凶也故象云日昊之離何可久也
九四突如

其來如焚如死如棄如

注云處於明道始變之際昏而始曉沒而始出故曰

突如其來如其明始進其炎始盛故曰焚如逼近
至尊履非其位欲進其盛以炎其上命必不終故
曰死如違離之義无應无
承衆所不容故曰棄如也
象曰突如其來如无所

容也

䷥

正義曰突如其來如者四處始變之際三為始昏四為始曉三為已及四為始出突

然而至忽然而來故曰突如其來如也焚如者逼
近至尊履非其位欲進其盛以焚炎其上故云焚
如也死如者既焚其上命必不全故云死如也棄
如者違於離道无應无承衆所不容故云棄如是

以象云无

六五出涕沱若戚嗟若吉

注云履非其位不勝所履

以柔乘剛不能制下下剛而進將來害已憂傷之深至于沱嗟也然所麗在尊四為逆首憂傷至深

衆之所助故乃象曰六五之吉離王公也

疏曰正義

涕沱若者履非其位不勝其任以柔乘剛不能制下下剛而進將來害已憂傷之深所以出涕滂沱

憂戚而咨嗟也若是語辭也吉者以所居在尊位四為逆首已能憂傷悲嗟衆之所助所以吉也象

曰六五之吉離王公者此釋六五吉義也所以終得吉者以其所居在五離附於王公之位被衆所

助故得吉也五為王位而言公者此連玉而言公取其便文以會韻也

上九王用出

征有嘉折首獲匪其醜无咎

注云離麗也各得安其所麗謂之離處離

之極離道已成則除其非類以去民害王用出征之時也故必有嘉折首獲匪其醜乃得无咎也


象曰王用出征以正邦也

疏正義曰王用出征者處離之極離道既成物皆親附當除去其非類以去民害故王用出征也有嘉折首獲匪其醜者以出征罪人事必剋獲故有嘉美之功折斷罪人之首獲得匪其醜類乃得无咎也若不出征除害居在終極之地則有咎也象曰王用出征以正邦也者釋出征之義言所出征者除去民害以正邦國故也

王右軍書原憲忠義

周易注疏卷第五

甲午十二月癸巳子適三山東憲院標




足

周易注疏卷第六

國子祭酒上護軍曲阜縣開國子臣孔穎達奉

勅撰



艮上咸亨利貞取女吉

疏

正義曰先儒以易之舊題分自

此已上三十卦為上經已下三十卦為下經序卦至此又別起端首先儒皆以上經明天道下經明人事然韓康伯注序卦破此義云夫易六畫成卦三才必備錯綜天人以效變化豈有天道人事偏於上下哉案上經之內明飲食必有訟訟必有衆起是兼於人事不專天道則下經不專人事理則然矣但孔子序卦不以咸繫靜繫辭云二篇之策則是六十四卦舊分上下乾坤象

利

天地咸恒明夫婦乾坤乃造化之本夫婦寔人倫
之原因而擬之何為不可天地各卦夫婦共卦者
周氏云尊天地之道略於人事猶如三才天地為
二人止為一也此必不然竊謂乾坤明天地初闢
至屯乃剛柔始交故以純陽象天純陰象地則咸
以明人事人物既生共相感應若二氣不交則不
成於相感自然天地各一夫婦共卦此不言可悉
豈宜妄為異端咸亨利貞取女吉者咸感也此卦
明人倫之始夫婦之義必須男女共相感應方成
夫婦既相感應乃得亨通若以邪道相通則凶害
斯及故利在貞正既感通以正即是
婚媾之善故云咸亨利貞取女吉也
彖曰咸感也

柔上而剛下一氣感應以相與
注云是以亨也止而說
注云

故利貞也
男下女
注云取女吉也
是以亨利貞取女吉也天地

學

授

感而萬物化生

注云二氣相與乃化生也

聖人感人心而天下

和平觀其所感而天地萬物之情可見矣

注云天地萬物

之情見於所感也凡感之為道不能感非類者也故引取女以明同類之義也同類而不相感應以其各亢所處也故女雖應男之物必下之而後取女乃吉也

疏

正義曰柔上而剛下二氣

感應以相與者此因上下二體釋咸亨之義也艮剛而兌柔若剛自在上柔自在下則不相交感无由得通今兌柔在上而艮剛在下是二氣感應以相授與所以為咸亨也止而說者此因二卦之義釋利貞也艮止而兌說也能自靜止則不隨動欲以止行說則不為邪詖不失其正所以利貞也男下女者此因二卦之象釋取女吉之義艮為少男而居於下兌為少女而處於上是男下於女也婚

姻之義男先求女親迎之禮御輪三周皆是男先
下於女然後女應於男所以取女得吉者也是以
亨利貞取女吉者次第釋訖總舉繇辭以結之天
地感而萬物化生者以下廣明感之義也天地二
氣若不感應相與則萬物无由得變化而生聖人
感人心而天下和平者聖人設教感動人心使變
惡從善然後天下和平觀其所感而天地萬物之
情可見矣者結歎咸道之廣大則包天地小則該
萬物感物而動謂之情也天地萬物皆以氣類共
相感應故觀其所感而天地萬物之情可見矣也

象曰山上有澤咸君子以虛受人

注云以虛受人物乃感應

疏

正義曰山上有澤咸澤性下洑能潤於下山體上
承能受其潤以山感澤所以為咸君子以虛受人
者君子法此咸卦下山上澤故能空虚其懷不自
有實受納於物无所棄遺以此感人莫不皆應

初六咸其拇

注云處咸之初為感之始所感在末故有志而已如其本實未至傷靜

象曰咸其拇志在外也

注云四屬外卦

疏

正義曰咸其拇者拇是足

大指也體之畢末初應在四俱處卦始為感淺末取譬一身在於足指而已故曰咸其拇也象曰志在外者外謂四也與四相應所感在外處於感初有志而已故云志在外也注如其本實未至傷靜正義曰六二咸道轉進所感在腓腓體動躁則成往而行今初六所感淺末則譬於拇指指雖小動未移其足以喻人心初感始有其志雖小動未甚躁求凡吉凶悔吝生乎動者也以其本實未傷於靜故无吉
六二咸其腓凶居吉
注云咸道轉進離拇升腓腓體動躁者也感物以躁凶之道也由躁故凶
象曰雖居則吉矣處不乘剛故可以居而獲吉

凶居吉順不害也

注云陰而為居順之道也

䷋

義止

曰咸其腓凶居吉者腓足之腓腸也六二應在九
 五咸道轉進離拇升腓腓體動躁躁以相感凶之
 道也由躁故凶靜居則吉故曰咸其腓凶居吉以
 不乘剛故可以居而獲吉象曰雖凶居吉順不害
 者雖者與奪之辭若既凶矣何由得居而獲吉矣
 由陰性本靜今能不躁而居順其本性則不有災
 害免凶而獲吉也注腓體動躁者也正義曰
 王虞云動於腓腸斯則行矣故言腓體動躁也九
 三咸其股執其隨往吝注云股之為物隨足者也
 所感在股志在隨人者也志在隨人象曰咸其股
 所執亦以賤矣用斯以往吝其宜也
 亦不處也志在隨人所執下也

䷋

正義曰咸其股執其隨往

吝者九三處二之上轉高至股股之爲體動靜隨足進不能制足之動退不能靜守其處股是可動之物足動則隨不能自處常執其隨足之志故云咸其股執其隨施之於人自无操持志在隨人所執卑下以斯而往鄙吝之道故言往吝象曰咸其股亦不處也者非但進不能制動退亦不能靜處也所執下者既志在隨人

九四貞吉悔亡憧憧往

是其志意所執下賤也

來朋從爾思

注云處上卦之初應下卦之始居體之中在股之上二體始相交感以通

其志心神始感者也凡物始感而不以之於正則至於害故必貞然後乃吉吉然後乃得亡其悔也始在於感未盡感極不能至於无思以得其黨故有憧憧往來然後朋從其思也

象曰貞

吉悔亡未感害也

注云未感於害故

憧憧往來未

光大也

疏

正義曰貞吉悔亡者九四居上卦之初應下卦之始居體之中在股之上

二體始相交感以通其志心神始感者也凡物始感而不以之於正則害之將及矣故必貞然後乃言吉然後乃得亡其悔也故曰貞吉悔亡也憧憧往來朋從爾思者始在於感未盡感極惟欲思運動以求相應未能忘懷息照任夫自然故有憧憧往來然後朋從爾思之所思也象曰未感害者心神始感未至於害故不可不正正而故得悔亡也未光大者非感之極不能无思无欲故未光大也

九五咸其脢无悔

注云脢者心之上口之下進不能大感退亦不為无志其志淺

末故无

象曰咸其脢志末也

疏

正義曰咸其脢无悔者脢者心

之上口之下也四已居體之中為心神所感五進在於四上故所感在脢脢已過心故進不能大感

由在心上退亦不能无志志在淺末故无悔而已
故曰咸其脢无悔也象曰志末也者未猶淺也感
以心為深過心則謂之淺末矣注脢者至而已
正義曰脢者心之上口之下者予夏易傳曰在脊
曰脢馬融云脢背也鄭玄云脢脊肉也王肅云脢
在背而大脊說文云脢背肉也雖說不同大體皆
在心上輔嗣以四為心神上為輔頰五在上四之
閒故直云心之上口之下也明其淺於心神厚於

言上六咸其輔頰舌注云咸道轉末故象曰咸其

輔頰舌膝口說也注云咸其輔頰舌者所以為語之具

憧往來猶未光大況疏正義曰咸其輔頰舌者

在膝口薄可知也馬融云輔上頰也輔頰
舌者言語之具咸道輔末在於口舌言語而已故
云咸其輔頰舌也象曰膝口說也者舊說字作膝

特登滕競興也所競者口死復心實故云滕口說也
鄭玄又作滕滕送也咸道極薄徒迷口舌言語相
感而已不復有志於其間王注
義得兩通未知誰同其旨也

三三巽下恒亨无咎利貞
注云恒而亨以濟三事
也恒之為道亨乃无咎

也恒通无咎
利有攸往
注云各得所恒脩其常道
乃利正也終則有始往而无違故利

有攸
往也
疏
正義曰恒亨无咎利貞者恒久也恒久
之道所貴變通必須變通隨時方可長

久能久能通乃无咎也恒通无咎然後利以行正
故曰恒亨无咎利貞也利有攸往者得其常道何

往不利故曰利有攸往也
注恒而亨以濟三事
也正義曰褚氏云三事謂无咎利貞利有攸往莊

氏云三事者无咎一也利二也貞三也周氏云三
事者一事也二无咎也三利貞也注不明數故先

儒各以意說竊謂注云恒而亨以濟三事者明用

此恒亨濟彼三事无疑亨字在三事之中而此注

云恒之為道亨乃无咎恒通无咎乃利正也又注

彖曰道得所又則常通无咎而利正也此解皆以

利正相將為一事分以為二恐非注旨驗此注云

恒之為道亨乃无咎此以恒亨濟无咎也又云恒

通无咎乃利正也此以恒亨濟利貞也下注利有

攸往云各得所恒脩其常道終則有始往而无違

故利有攸往此以恒亨濟利有

攸往也觀文驗注褚氏為長彖曰恒又也剛上而

柔下

注云剛尊柔卑得其序也雷風相與

注云長陽長陰能相成也巽而動

注云動无違也剛柔皆應

注云不孤嫗也恒

注云皆可无咎

利貞又於其道也

注云道得所又則常

天地之道

恒久而不已也

注云得其所久故不已也

利有攸往終則有始

也

注云得其常道故終則復始往无窮極

日月得天而能久照四時

變化而能久成聖人久於其道而天下化成

注云言各

得其所恒故皆能長久

觀其所恒而天地萬物之情可見矣

注云天地萬物之情見於所恒也

疏

正義曰恒久也者訓釋卦名也恒之為名以長久為

義剛上而柔下者既訓恒為久因明此卦得其恒名所以釋可久之意此就二體以釋恒也震剛而

巽柔震則剛尊在上巽則柔卑在下得其順序所以為恒也雷風相與者此就二象釋恒也雷之與

風陰陽交感二氣相與更互而相成故得恒久也而動者此就二卦之義因釋恒名震動而巽順

无有違逆所以可恒也剛柔皆應者此就六爻釋
恒此卦六爻剛柔皆相應和无孤嫠者故可長久
也恒者歷就四義釋恒名訖故更舉卦名以結之
也明上四事皆可久之道故名此卦爲恒恒亨无
咎利貞久於其道者此就名釋卦之德言所以得
亨无咎利貞者更无別義正以得其恒久之道故
言久於其道也天地之道恒久而不已也者將釋
利有攸往先舉天地以爲證喻言天地得其恒久
之道故久而不已也利有攸往終則有始者舉經
以結成也人用恒久之道會於變通故終則復始
往无窮極同於天地之不已所以爲利也日月得
天而能久照者以下廣明恒義上言天地之道恒
久而不已也故日月得天所以亦能久照四時變
化而能久成者四時更代寒暑相變所以能久生
成萬物聖人久於其道而天下化成者聖人應變
隨時得其長久之道所以能先天下而萬物從

化而成也觀其所恒而天地萬物之情可見矣注剛尊柔卑得其序也正義曰咸

明感應故柔上而剛下取二氣相交也恒明長久注長陽長陰能

相成也正義曰震為長男故曰長陽巽為長女故曰長陰柔曰雷風相與雷之與風共相助成之義

故諸氏云雷資風而益遠風假雷而增威是也今言長陽長陰能相成者因震為長男巽為長女遂

以長陽長陰而名之作文之體也又此卦明夫婦可久之道故以二長相成如雷風之義也注不

孤嫗也正義象曰雷風恒注云長陽長陰合而君曰嫗配也

子以立不易方注云得其所以故不易也正義曰雷風相

釋君子以立不易方者君子立身得其初六浚恒

恒久之道故不改易其方方猶道也

貞凶无攸利

注云處恒之初最處卦底始求深者

物猶不堪而況始求深者乎以此為恒凶正害德无施而利也

象曰浚恒之凶始

求深也

䷟

正義曰浚深也最處卦底故曰深也深恒者以深為恒是也施之於仁義

即不厭深施之於正即求物之情過深是凶正害德无施而利故曰浚恒貞凶无攸利也

注始求

深者乎正義曰處卦之初故言始也最在於下故言深也所以致凶謂在於始而求深者也

九

二悔亡

注云雖失其位恒位於中可以消悔也

象曰九二悔亡能久

中也

䷟

正義曰失位故稱悔居中故悔亡也象曰能久中者處恒故能久位在於中所

以消悔也九三不恒其德或承之羞貞吝

注云處三陽之中居下

之上處上體之下上不全尊下不全卑中不在體在乎恒而分无所定无恒者也德行无恒自違錯不可致詰故或承之羞也施德於斯物莫之納鄙賤甚矣故曰貞吝也

象曰不怕

其德无所容也

疏

正義曰不怕其德或承之羞貞吝者九三居下體之上與

上體之下雖處三陽之中又在中之位上不全尊下不全卑執心不定德行无恒故曰不怕其德既无恒自相違錯則爲羞辱承之所羞非一故曰或承之羞也處久如斯正之所賤故曰貞吝也象曰无所容者謂不怕之人所往之處皆不納之故无所容也注中不在體至不可致詰正義曰雖在三陽之中非一體之中也不可致詰者詰問也違錯處多不足問其事理所以明其羞辱之深如論語云於九四田无禽注云恒於非位

予與何誅

九四田无禽

雖勞无獲也

象曰久非

其位安得禽也

疏

正義曰田者田獵也以譬有事无禽者田獵不獲以喻

有事无功也恒於非位故勞而无功也象曰久非其位安得禽者在恒而失位是久非其位田獵而

无所得是

六五恒其德貞婦人吉夫子凶

注云居得尊位

為恒之主不能制義而係應在二用心專貞從唱而已婦人之吉夫子之凶也

象曰婦人

貞吉從一而終也夫子制義從婦凶也

疏

正義曰恒

其德貞者六五係應在二不能傍及他人是恒常貞一其德故曰恒其德貞也婦人吉者用心專

貞從唱而已是婦人之吉也夫子凶者夫子須制斷事宜不可專貞從唱故曰夫子凶也象曰從一

而終者謂用心貞一從其貞一而自終也從婦人者五與二相應五居尊位在震為夫

巽為婦五係於二 上六振恒凶 注云夫靜為躁居安為動主故安者

上之所處也靜者可久之道也處卦之上居動之極以此為恒无施而得也 象曰振恒

在上大无功也 ䷟ 正義曰振恒凶者振動也凡

上六居恒之上處動之極以振為恒所以動也象曰大无功者居上而以振動為恒无施而得故曰

大无功也

䷀ 艮下 遯亨小利貞 ䷠ 正義曰遯亨者遯者

之卦小人为用君子曰消君子當此之時若不隱遯避世即受其害須遯而後得通故曰遯亨小利

貞者陰道初始浸長正道 象曰遯亨遯而亨也 注云未全滅故曰小利貞

遜之為義剛當位而應與時行也注云謂五也以剛

亢也遜不否亢注云陰道欲浸能與時行也小利貞浸而長也而長正道亦未

全滅故小遜之時義大矣哉疏正義曰遜而亨者此釋遜之所

以得亨通之義小人之道方長君子非遜不通故

曰遜而亨也剛當位而應與時行者舉九五之爻

釋所以能遜而致亨之由良由九五以剛而當其

位有應於二非為否亢遜不否亢即是相時而動

所以遜而得亨故云剛當位而應與時行也小利

貞浸而長者釋小利貞之義浸者漸進之名若陰

德暴進即消正道良由二陰漸長而正道亦未即

全滅故云小利貞也遜之時義大矣哉歎美遜德

相時度宜避世而遜自非大人照幾象曰天下有

不能如此其義甚大故云大矣哉

山遯

注云天下有山陰長之象

君子以遠小人，不惡而嚴。

疏

正義曰：天下有山，遯者，山者陰類，連在天下，即是山勢欲上，逼於天，天性高遠，不受於逼，是遯避之

象故曰：天下有山，遯君子以遠小人，不惡而嚴者，君子當此遯避之時，小人進長理須遠避，力不能

討故不可為惡，復不可與之褻瀆，故曰：不惡而嚴。注：天下有山，陰長之象。正義曰：積陽為天，積陰

為地，山者地之高峻。今初六遯尾厲，勿用有攸往，上通於天，是陰長之象。初六遯尾厲，勿用有攸往，

注云：遯之為義，辟內而之外者也。尾之為物，最在體後者也。處遯之時，不往何災？而為遯尾禍所及，

也。危至而後求行，難可免。象曰：遯尾之厲，不往何

乎？厲則勿用有攸往也。正義曰：遯尾厲者，為遯之尾，最在後，遯

災也。

疏

者，也。小人長於內，應出外以避之，而最

在卦內是遯之為後也。逃遯之世，宜速遠而居先，而為遯尾，禍所及也。故曰：遯尾厲也。勿用有攸往者，危厲，醜至，則當固窮危行，言遯勿用，更有所往，故曰：勿用有攸往。象曰：不往何災者？象釋當遯之時，宜須出避而勿用有攸往者，既為遯尾，出必見執，不如不往，不往即无災害。何災者？猶言无災也。與何傷？何咎。六二執之用黃牛之革，莫之勝說。注云：之義同也。

居內處中為遯之主，物皆遯已，何以固之？若能執乎理中，厚順之道，以固之也，則莫之勝解。象

曰：執用黃牛，固志也。

疏

正義曰：執之用黃牛之革，莫之勝說者，遯之

世，避內出外，二既處中，居內即非遯之人也。既非遯之人，便為所遯之主，物皆棄已而遯，何以執固？留之，惟有中和厚順之道，可以固而安之也。能用此道，則无能勝已，解脫而去也。黃中之色，以譬中。

和牛性順從皮體堅厚牛革以譬厚順也六二居
中得位亦是能用中和厚順之道故曰執之用黃
牛之革莫之勝說也象曰固志九三係遯有疾厲
者堅固遯者之志使不去也

畜臣妾吉

注云在內近二以陽附陰宜遯而繫故
曰繫遯遯之為義宜遠小人以陽附陰

繫於所在不能遠害亦已憊矣宜其屈辱而危厲
也繫於所在畜臣妾可也施於大事凶之道也

象曰係遯之屬有疾憊也畜臣妾吉不可大事也

疏

正義曰係遯者九三无應於上與二相比以
陽附陰係意在二處遯之世而意有所係故

曰係遯有疾厲者遯之為義宜遠小人既係於陰
即是有疾憊而致危厲故曰有疾厲也畜臣妾吉
者親於所近係在於下施之於人畜養臣妾則可
矣大事則凶故曰畜臣妾吉象曰不可大事者釋

此係遜之人以畜臣妾
吉明其不可為大事也
九四好遜君子吉小人否

注云處於外而有應於內君子好
遜故能舍之小人繫戀是以否也
象曰君子好遜

小人否也
注云音臧
疏
正義曰九四處在意外而有應於內處外即意

欲遠遜應內則未能棄捨
所以得吉小人有其係戀即不能遜
故曰小人否

也
注音臧否之否正義
曰嫌讀為圯故音之也
九五嘉遜貞吉
注云遜而得正

反制於內小人應命率正其志
不惡而嚴得正之吉遜之嘉也
象曰嘉遜貞吉以

正志也
疏
正義曰嘉遜貞吉者嘉美也五居於外得位居中是遜而得正二為己應

不敢違拒從五之命率正其志
內不惡而嚴得正之吉為遜之美故曰嘉遜貞吉

也象曰以正志者小人應命不敢為邪是五能正二之志故成遯之美也

利注云最處外極无應於内超然絕志心无疑顧憂患不能累矰繳不能及是以肥遯无不利也

象曰肥遯无不利无所疑也


疏

正義曰子夏傳曰肥饒裕也四

五雖在於外皆在內有應猶有反顧之心惟上九最在外極无應於內心无疑顧是遯之最優故曰

肥遯遯而得肥无所不利故云无不利也注矰繳不能及正義曰矰矢名也鄭注周禮結繳於矢

謂之矰繳字林及說文云繳生絲纆也



乾下大壯利貞

疏

正義曰大壯卦名也壯者強盛之名以陽稱大

陽長既多是大者盛壯故曰大壯利貞者卦德也群陽盛長小道將滅大者獲正故曰利貞也

彖

曰大壯大者壯也

注云大者謂陽爻小道將滅大者獲正故利貞也

剛以

動故壯大壯利貞大者正也正大而天地之情可

見矣

注云天地之情正大而已矣弘正極大則天地之情可見矣



正義曰大者壯

也者就爻釋卦名陽爻浸長已至於四是大者盛壯故曰大者壯也剛以動故壯者就二體釋卦名

乾剛而震動柔弱而動即有退弱剛強以動所以成壯大壯利貞大者正也者就爻釋卦德大者獲

正故得利貞正大而天地之情可見矣者因大獲正遂廣美正大之義天地之道弘正極大故正大

即見天地之情不言萬物者壯大之名義歸天地故不與咸恒同也注大者獲正故利貞也正義

曰釋名之下利解利貞成大者之義也

象曰雷在天上大壯

注云剛以動也

君子以非禮弗履

注云非而違禮則凶凶則失壯也故君子以大壯而順禮也



正義曰雷在天上大壯者震雷為威動乾天主剛健雷在天上是剛以動所以為大壯君

子以非禮弗履者威極之時好生驕溢故於大壯誠以非禮勿履也

初九壯于趾征

凶有孚

注云夫得大壯者必能自終成也未有陵托於物而得終其壯者在下而壯故曰壯

于趾也居下而用剛壯以斯而進窮凶可必也故曰征凶有孚

象曰壯于趾其孚

窮也

注云言其信窮



正義曰壯于趾征凶有孚者趾足也初在體下有如趾足之象

故曰壯于趾也施之於人即是在下而用壯也在下用壯陵犯於物以斯而行凶其信矣故曰征凶

有孚象曰其孚窮者釋壯於趾者其人信有窮凶也

九二貞吉

注云居得中位以陽居陰

履謙不亢
象曰九二貞吉以中也
疏 正義曰以

謙行不違禮故
得正而吉也
九三小人用壯君子用罔貞厲抵

羊觸藩羸其角
注云處健之極以陽處陽用其

子用之以為羅已者也貞厲以壯
雖復抵羊以之觸藩能无羸乎
象曰小人用壯

君子罔也
疏 正義曰罔羅罔也羝羊羝羊也藩

之上是健之極也又以陽居陽是健而不謙也健

而不謙必用其壯也小人當此不知恐懼即用以

為壯盛故曰小人用壯君子當此即慮危難用之
為羅罔於已故曰君子用罔以壯為正其止必危
故云貞厲也以此為正狀似羝羊觸藩也必拘羸
其角矣象曰小人用壯君子罔者言小人用以為

壯者即是君子所以爲羅罔也九四貞吉悔亡藩決不羸壯于大

輿之輓

注云下剛而進將有憂虞而以陽處陰行不違謙不失其壯故得貞吉而悔亡也已

得其壯而上陰不罔已路故藩決不羸也壯象曰于大輿之輓无有能訟其輓者可以往也

藩決不羸尚往也

䷌

正義曰大輿者大車也下剛而進將有憂虞而九四

以陽處陰行不違謙居謙即不失其壯故得正吉而悔亡也故云貞吉悔亡九三以壯健不謙即被羸

其角九四以謙而進謂之上行陰爻不罔已路故藩決不羸也壯于大輿之輓者言四乘車而進其

輓壯大无有能脫之者故曰藩決不羸壯于大輿之輓也象曰尚往者尚庶幾也言己不失其壯庶

幾可以六五喪羊于易无悔

注云居於大壯以陽處陽猶不免咎而况

以陰處陽以柔乘剛者乎羊壯也必喪其羊失其所居也能喪壯于易不于險難故得无悔二履貞吉能幹其任而已委焉則得无悔委之則象曰喪難不至居之則敵寇來故曰喪羊于易

羊于易位不當也

疏

正義曰喪羊于易无悔者羊壯也居大壯之時以陽

處陽猶不免咎而況以陰處陽以柔乘剛者乎違謙越禮必喪其壯群陽方進勢不可止若於平易之時逆捨其壯委身任二不為違拒亦剛所不害不害即无悔矣故曰喪羊于易无悔也象曰位不當者正由處不當位故須捨其壯也注羊壯也至无悔正義曰羊剛很之物故以譬壯云必喪其羊失其所居者言違謙越禮理勢必然云能喪壯于易不於險難者言雖應已剛長則侵陰為已寇難必喪其壯當在於平易寇難未來之時勿於險難敵寇既來之日良由居之有必喪之理故戒其

預防而萃氏云經止一言喪羊而活為兩處分用
初云必喪其羊失其所居是自然應失後云能喪
壯於易不於險難故得无咎自能喪其羊二上六
理自為矛盾竊謂莊氏此言全不識注意

羝羊觸藩不能退不能遂无攸利艱則吉

注云有應於三

故不能退懼於剛長故不能遂持疑猶豫志无所
定以斯決事未見所利雖處剛長剛不害正苟定
其分固志在一以斯自處則
象曰不能退不能遂

憂患消云故曰艱則吉也

不詳也艱則吉咎不長也

疏

正義曰退謂退避遂謂進往有應於

三欽之不已故不能退避然懼於剛長故不能遂
往故云羝羊觸藩不能退不能遂也无攸利者持
疑猶豫不能自決以此處事未見其利故曰无攸
利也艱則吉者雖處剛長剛不害正但艱固其志

不捨於三即得吉故曰艱則吉也象曰不祥也者
祥者善也進退不定非為善也故云不祥也咎不
長也者能艱固其志即憂患消
亡其咎不長釋所以得吉也

三三離上晉康侯用錫馬蕃庶晝日三接



正義

曰晉者卦名也晉之為義進長之名此卦明臣之
昇進故謂之晉康者美之名也侯謂昇進之臣也
臣既柔進天子美之賜以車馬蕃多而眾庶故曰
康侯用錫馬蕃庶也晝日三接者言非惟蒙賜蕃
多又被親寵頻數一彖曰晉進也明出地上順而
晝之間三度接見也

麗乎大明柔進而上行

注云凡言上行者所之在貴也

是以康侯

用錫馬蕃庶晝日三接也

注云康美之名也順以著明臣之道也柔進而

上行物所與也故得錫馬而蕃庶以訟受服則終朝三褫柔進受寵則一書三接也

疏

正義

曰晉進也者以今釋古古之晉字即以進恐後世不曉故以進釋之明出地上者此就二

釋得晉名離上坤下故言明出地上明既出地就進長所以為晉順而麗乎大明柔進而上行者

此就二體之義及六五之交釋康侯用錫馬已下也坤順也離麗也又為明坤能順從而麗著於大

明六五以柔而進上行貴位順而著明臣之美道也柔進而上行君上所與也故得厚賜而被親寵

也是以康侯用錫馬蕃庶晝日三接者釋訖舉經以結君寵之意也注以訟至三接也正義曰舉

此對釋者蓋訟言終朝晉言一晝俱不盡一日明黜陟之速所以示懲勸也

象曰明出

地上晉君子以自昭明德

注云以順著明自顯之道

疏

正義曰自

昭明德者昭亦明也謂自顯明其德也周氏等為
昭以為自昭已身老子曰自知者明用明以自照
為明德案王注此云以順著明自顯之道又此卦
與明夷正反明夷象云君子以莅眾用晦而明王
注彼云蒞眾顯明蔽偽百姓藏明於內乃得明也
准此二注明王之注意以此為自顯明德昭字宜
為昭之通周氏等為
照之非注旨也初六晉如摧如貞吉罔孚裕无

咎進明退順不失其正故曰晉如摧如貞吉也虞
卦之始功業未著物未之信故曰罔孚方踐卦始
未至履位以此為足自喪其長者也故必裕之然
後无
象曰晉如摧如獨行正也裕无咎未受命也

注云未得履
位未受命也
疏正義曰晉如摧如貞吉者何氏
云摧退也裕寬也如辭也初六

與順之初應明之始明順之德於斯將隆進則之
明退則居順進之與退不失其正故曰晉如摧如
貞吉也罔孚者與卦之始功業未著未為人信
服故曰罔孚裕无咎者裕寬也方踐卦始未至
位不可自以為足也若以此為足是自喪其長也
故必宜寬裕其德使功業弘廣然後无咎故曰裕
无咎也象曰獨行正者獨猶專也言進與退專行
其正也裕无咎未受命者與進之初未得履位未
受錫命故宜寬裕
進德乃得无咎
六二晉如愁如貞吉受茲介福
于其王母
注云進而无應其德不昭故曰晉如愁
如居中得位履順而正不以无應而回
其志處晦能致其誠者也脩德以斯聞乎幽昧得
正之吉也故曰貞吉母者與內而成德者也鳴
在陰則其子和之立誠於闇闇亦應之故其初
愁如履貞不回則乃受茲大福于其王母也
象

曰受茲介福以中正也

疏

正義曰晉如愁如者
六二進而無應於上

其德不見昭明故曰進如愁如憂其不昭也貞吉者然履順居於中正不以無應而不脩其德正而獲吉故曰貞吉也受茲介福于其王母者介者大也母者處內而成德者也初雖愁如但守正不改終能受此大福於其所脩故曰受茲介福於其王母注鳴鶴在陰則其子和之正義曰此王用中孚九二六三衆允悔亡
交辭也注云處非其位悔也志在
故得悔象曰衆允之志上行也
疏
正義曰六三處非其位有悔也志在上行與衆同信順而麗明故得悔云象曰衆允之志上行也者居晉之時衆皆欲進己應於上志在上行故九四晉如鼫鼠貞厲注云履非能與衆同信也

先

於五下據三陰履非其位又負且乘无業可安志
无所據以斯為進正之危也進如鼯鼠无所守也
象曰鼯鼠貞厲位不當也

疏

正義曰晉如鼯鼠者鼯鼠有五能而

不成伎之蟲也九四履非其位上承於五下據三
陰上不許其承下不許其據以斯為進无業可安
无據可守事同鼯鼠无所成功也以斯為進正之
危也故曰晉如鼯鼠貞厲也注進如鼯鼠无所
守也正義曰蔡邕勸學篇云鼯鼠五能不成一伎
術注曰能飛不能過屋能緣不能窮木能游不能
渡谷能穴不能掩身能走不能免人本草經云螻
蛄一名鼯鼠謂此也鄭引詩云碩鼠碩鼠无食我
黍謂大鼠也陸機以為雀鼠案六五悔亡失得勿
恤往吉无不利

注云柔得尊位陰為明主能不用
察不代下往也故雖不當位能消

其悔失得勿恤各有其
司術斯以往无不利

象曰失得勿恤往有慶也

䷗

正義曰悔亡失得勿恤往吉无不利者居不當位悔也柔得尊位陰為明主能不自用其

明以事委任於下故得悔亡既以事任下委物責成失之與得不須憂恤故曰失得勿恤也能用此道所往皆吉而无不利故曰往吉无不利也象曰有慶者委任得人非惟自得无憂亦將人所慶說故曰有慶也

上九晉其角維用伐邑厲吉无咎貞吝


注云處進

之極過明之中明將夷焉已在乎角而猶進之非亢如何失夫道化无為之事必須攻伐然後服邑危乃得吉吉乃无咎象曰維用伐邑道未光也

䷗

正義曰晉其角者西南隅也上九處進之極過明之中其猶曰過於中已在於角而猶進之故曰進

其角也維用伐邑者在角猶進過亢不已不能端拱无為使物自服必須攻伐其邑然後服之故云維用伐邑也厲吉无咎貞吝者兵者凶器伐而服之是危乃得吉吉乃无咎故曰厲吉无咎以此為正亦以賤矣故曰貞吝也象曰道未光也者用伐乃服雖得之其道未光大也



離下坤上

明夷利艱貞



正義曰明夷卦名夷者傷也此卦日入地

中明夷之象施之於人事闇主在上明臣在下不敢顯其明智亦明夷之義也時雖至闇不可隨世頌聖故宜艱難堅固守其貞正彖曰明入地中明之德故明夷之世利在艱貞

夷內文明而外柔順以蒙大難文王以之利艱貞

晦其明也內難而能正其志箕子以之



正義曰明

入地中明夷者此就二象以釋卦名故此及晉卦
皆柔象同辭也內文明而外柔順以蒙大難文王
以之者既釋明夷之義又須出能用明夷之人內
懷文明之德撫教六州外執柔順之能三分事紂
以此蒙犯大難身得保全惟文王能用之故云文
王以之利艱貞晦其明也者此又就二體釋卦之
德明在地中是晦其明也既處明夷之世外晦其
明恐陷於邪道故利在艱固其貞不失其正言所
以利艱貞者用晦其明也內難而能正其志箕子
以之者既釋艱貞之義又須出能用艱貞之人內
有險難彗祚將傾而能自正其志不為
邪諂惟箕子能用之故云箕子以之

象曰明入

地中明夷君子以莅衆

注云莅衆顯明蔽僞百姓

莅用晦而明

注云藏明於內乃得明也顯明於外巧所辟也

䷣

正義曰
莅衆顯

明蔽偽百姓者也所以君子能用此明夷之道以臨於衆冕旒垂目難續塞耳无爲清靜民化不欺若運其聰明顯其智慧民即逃其密網姦詐愈生豈非藏明用晦反得其明也故曰君子以莅衆用晦而初九明夷于飛垂其翼君子于行三日不食明也

有攸往主人有言

注云明夷之主在於上六上六爲至闇者也初處卦之始最遠

於難也遠難過甚明夷遠遜絕跡匿形不由軌路故曰明夷于飛懷懼而行行不敢顯故曰垂其翼也尚義而行故曰君子于行也志急於行飢不遑食故曰三日不食也殊類過甚以斯適人人必疑之故曰有攸

象曰君子于行義不食也

䷣

正義曰明

夷于飛者明夷是至闇之卦上六既居上極爲明夷之主云飛者借飛鳥爲喻如鳥飛翔也初九處

於卦始去上六最遠是最遠於難遠難過甚明夷
遠遜絕跡匿形不由軌路高飛而去故曰明夷于
飛也垂其翼者飛不敢顯故曰垂其翼也君子于
行三日不食者尚義而行故云君子于行志急於
行饑不遑食故曰三日不食有攸往主人有言者
殊類過甚以此適人人必疑怪而有言故曰攸往
主人有言象曰義不食也者君子
子逃難惟速故義不求食也

六二明夷夷于左

股用拯馬壯吉

注云夷于左股示行不能壯也以
柔居中用夷其明進不殊類退不

近難不見疑憚順以則也故可用拯
馬而壯吉也不垂其翼然後乃免也

象曰六二之

吉順以則也

注云順之以
則故不見疑



正義曰明夷夷于
左股者左股被傷

行不能壯六二以柔居中用夷其明不行剛壯之
事者也故曰明夷夷于左股莊氏云言左者取其

傷小則比夷右未為切也夷于左股明避難不壯
不為闇主所疑猶得處位不至懷懼而行然後徐
徐用馬以自拯濟而獲其壯吉也故曰用拯馬壯
吉也象曰順以則也者言順闇主之則不同初九
殊類過甚故不為闇主所疑故得拯馬之吉也
九三明夷于南狩得其大首

首不可疾貞

注云處下體之上居文明之極上為至晦入地之物也故夷其明以獲南

狩得大首也南狩者發其明也既誅其主將正其
民之迷也其日固已久矣化宜以漸不可速正
故曰不**象曰南狩之志乃大得也**注云去



義

曰南方文明之所狩者征伐之類大首謂闇君明
夷于南狩得其大首者初藏明而往託付而行至
南方而發其明也九三應於上六是明夷之臣發
明以征闇君而得其大首故曰明夷于南狩得其

大首也不可疾貞者既誅其主將正其民民迷曰
久不可卒正宜化之以漸故曰不可疾貞象曰南
狩之志乃大得者志欲除閹
乃得大首是其志大得也
六四入于左腹獲明

夷之心于出門庭

注云左者取其順也入于左腹
得其心意故雖近不危雖時辟

難門庭而已
能不逆忤也

象曰入于左腹獲心意也

䷆

正義曰入

于左腹獲明夷之心者凡右爲用事也從其左不
從其右是卑順不逆也腹者懷情之地六四體柔
處坤與上六相近是能執卑順入于左腹獲明夷
之心意也于出門庭者既得其意雖近不危隨時
避難門庭而已故曰于出門庭象曰獲心意者
心有所存既不逆忤能順其旨故曰獲心意也
六

五箕子之明夷利貞

注云最近於晦與難爲比險
莫如茲而在斯中猶閹不能


設明不可息正不
憂危故利貞也
象曰箕子之貞明不可息也

正義曰箕子之明夷者六五最止闇君似箕子之
近躬紂故曰箕子之明夷也利貞者箕子執志不
回闇不能沒明不可息正不憂危故曰利貞象曰
明不可息也息滅也象稱明不可滅者明箕子能
保其貞卒以全
身爲武王師也
上六不明晦初登于天後入于地
汪云處明夷之極是至晦者也本其
初也在乎光照轉至於晦遂入于地
象曰初登于
天照四國也後入于地失則也

疏

正義曰不明
晦者上六居

明夷之極是至闇之主故曰不明而晦本其初也
其意在於光照四國其後由乎不明遂入於地謂
見誅滅也象曰失則者
由失法則故誅滅也



離下 家人利女貞

注云家人之義各自脩一家之道不能知家外他人

之事也統而論之非元亨利君子之貞故利女貞其正在家內而已



正義曰家人者卦名

也明家內之道正一家之人故謂之家人利女貞者既修家內之道不能知家外他人之事統而論

之非君子丈夫之正故但言利女貞

彖曰家人女正位乎內

注云謂二也

男正位乎外

注云謂五也家人之義以內為本故先說女也

男女正天地

之大義也家人有嚴君焉父母之謂也父父子子

兄兄弟弟夫夫婦婦而家道正正家而天下定矣



正義曰女正位乎內男正謂乎外者此因二五得正以釋家人之義并明女貞之旨家人

位

之道必須女主於內男主於外然後家道乃立今此卦六二柔而得位是女正位乎內也九五剛而得位是男正位乎外也家人以內爲本故先說女也男女正天地之大義也者因正位之言廣明家人之義乃道均二儀非惟人事而已家人即女正於內男正於外二儀則天尊在上地卑在下同於男女正位故曰天地之大義也家人有嚴君焉父母母之謂者上明義均天地此又言道齊邦國父母一家之主家人尊事同於國有嚴君焉父母之謂也父子兄弟夫婦婦而家道正正家而天下定矣者此歎美正家之功可以定於天下申成道齊邦國既家有嚴君即父不失父道乃至婦不失婦道尊卑有序上下不失而後爲家道之正各正其家无家不正即天下之治定矣象

曰風自火出家人

注云由內以相成熾也

君子以言有物而

行有恒

注云家人之道脩於近小而不妄也故君子以言必有物而口无擇言行必有恒而

身无

疏

正義曰風自火出家人者巽在離外是風從火出火出之初因風方熾火既炎

擇行

盛還復生風内外相成有似家人之義故曰風自火出家人也君子以言有物而行有恒者物事也

言必有事即口无擇言行必有常即身无擇行正

家之義修於近小言之與行君子樞機出身加人

發通化遠故舉言行以爲之誠言既稱物而行稱

恒者發言立行皆須合於可常之事互而相足也

初九閑有家悔亡

注云凡教在初而法在始家瀆而後嚴之志變而後治之則悔

矣處家人之初爲家人之始故宜必以閑有家然後悔亡也

象曰閑有家志未

變也

疏

正義曰閑有家悔亡者治家之道在初即須嚴正立法防閑若驢亂之後方始

治之即有悔矣初九處家人之初能防閑有家乃得悔亡故曰閑有家悔亡也象曰志未變也者擇在初防閑之義所以在初防閑其家者家人志未變贖也六二无攸遂在中饋

貞吉注云居內處中履得其位以陰應陽盡婦人之正義无所必遂職乎中饋異順而已是以

也貞吉象曰六二之吉順以巽也疏正義曰无攸遂在中饋貞

吉者六二履中居位以陰應陽盡婦人之義也婦人之道巽順為常无所必遂其所職主在於家中

饋食供祭而已得婦人之正吉故曰无攸遂在中饋貞吉也象曰六二之吉順以巽者舉爻位也言

吉者明其以柔居中而得正九三家人嗃嗃悔厲

吉婦子嘻嘻終吝注云以陽處陽剛嚴者也處下體之極為一家之長者也行與

其慢寧過乎恭家與其瀆寧過乎嚴是以家人象
雖嗃嗃悔厲猶得其道婦子嘻嘻乃失其節也象

曰家人嗃嗃未失也婦子嘻嘻失家節也疏正義正

曰家人嗃嗃悔厲吉婦子嘻嘻終吝者嗃嗃嚴酷
之意也嘻嘻喜笑之貌也九三處下體之上為一

家之主以陽處陽行剛嚴之政故家人嗃嗃雖復
嗃嗃傷猛悔其酷厲猶係其吉故曰悔厲吉若縱其

婦子慢黷嘻嘻喜笑而無節則終有慢辱故曰婦
子嘻嘻終吝也象曰未失也者初雖悔厲似失於

猛終无慢黷故曰未失也失家節者六四富家大
若縱其嘻嘻初雖歡樂終失家節也六四富家大

吉注云能以其富順而處位故大吉也若但能富
其家何足為大吉體柔居巽履得其位明於家

道以近至尊象曰富家大吉順在位也疏正義正
能富其家也象曰富家大吉順在位也疏正義正

家大吉者富謂祿位昌盛也六四體柔處巽得位承五能富其家者也由其體巽承尊長保祿位吉之大者也故曰富家大吉象曰順在位者所以致大吉由順承於君而在臣位故不見黜奪也九

五王假有家勿恤吉

注云假至也履正而應處尊體巽王至斯道以有其家者

也居於尊位而明於家道則下莫不化矣父子兄弟弟夫夫婦婦六親和睦交相愛樂而家道正正家而天下定矣故象曰王假有家交相愛

也

疏

正義曰王假有家者假至也九五履正而應處尊體巽是能以尊貴巽接於物王至此道

以有其家故曰王假有家也勿恤吉者居於尊位而明於家道則在下莫不化之矣不須憂恤而得吉也故曰勿恤吉也象曰交相愛也者王既上九明於家道天下化之六親和睦交相愛樂也上九

有孚威如終吉

注云處家人之終居家道之成刑于寡妻以著于外者也故曰有孚


凡物以猛為本者則患在寡恩以愛為本者則患在寡威故家人之道尚威嚴也家道可終唯信與威身得威敬人亦如之反象曰威如之吉反身之

謂也



正義曰有孚威如終吉者上九處家人之終家道大成刑于寡妻以著於外信

行天下故曰有孚也威被海內故曰威如威信並立乃得終於家道而吉從之故曰有孚威如終吉也象曰反身之謂者身得人敬則敬於人明知身敬於人人亦敬已反之於身則知施之於人故曰反身之謂也



兌下睽小事吉

䷥

正義曰睽者乖異之名物情乖異不可大事大

事謂興役動衆必須大同之世方可爲之小事謂飲食衣服不待衆力雖垂而可故曰小事言也

彖曰睽火動而上澤動而下二女同居其志不同

行說而麗乎明柔進而上行得中而應乎剛是以

小事吉

注云事皆相違害之道也由得小事吉以有此三德也

天地睽而其

事同也男女睽而其志通也萬物睽而其事類也

睽之時用大矣哉

注云睽離之時非小人之所能用也



正義曰睽火動

而上澤動而下二女同居其志不同行者此就二體釋卦名爲睽之義同而異者也水火二物共成烹飪理應相濟今火在上而炎上澤居下而潤下无相成之道所以爲乖中少二女共居一家理應

同志各自出適志不同行所以爲異也說而麗乎
明柔進而上行得中而應乎剛是以小事吉者此
就二體及六五有應釋所以小事得吉說而麗乎
明不爲邪僻柔進而上行所之在貴得中而應乎
剛非爲全弱雖在乖違之時卦爻有此三德故可
以行小事而獲吉也天地睽而其事同此以下歷
就天地男女萬物廣明睽義體乖而用合也天高
地卑其體懸隔是天地睽也而生成品物其事則
同也男女睽而其志通者男女外內分位有別是
男女睽也而成家理事其志即通也萬物殊形各
自爲象是萬物睽也而均於生長其事即類故曰
天地睽而其事同也男女睽而其志通也萬物睽
而其事類也睽之時用大矣哉既明睽理合同之
大又歎能用睽之人其德不小睽離之時能建其
用使合其通理非大德之人則不
可也故曰睽之時用大矣哉也

象曰上火下澤

睽君子以同而異

注云同於通理異於職事

䷥

正義曰上火下澤睽者動而相

背所以為睽也君子以同而異者佐主治民其意則同各有司存職掌則異故曰君子以同而異也

初九悔亡喪馬勿逐自復見惡人无咎

注云處睽之初居下

體之下无應獨立悔也與四合志故得悔亡馬者

必顯之物處物之始乖而喪其馬物莫能同其私

必相顯也故勿逐而自復也時方乖離而位乎窮

下上无應可援下无權可恃顯德自異為惡所害

故見惡人乃

象曰見惡人以辟咎也

䷥

正義曰悔亡者

初九處睽離之初居下體之下无應獨立所以悔

也四亦處下无應獨立不乖於已與已合志故得

悔亡喪馬勿逐自復者時方睽離觸目乖阻馬之

為物難可隱藏時或失之不相容隱不須尋求勢

必自復故曰喪馬勿逐自復也見惡人无咎者處
於窮下上无其應无應則无以為援窮下則无權
可恃若標顯自異不能和光同塵則必為惡人所
害故曰見惡人无咎謂遜接之也象曰以辟咎也
者惡人不應與之相見九二遇主于巷无咎
而遜接之者以避咎也九二遇主于巷无咎
將无所安然五亦失位俱求其黨出門同趣不期
而遇故曰遇主于巷也處睽得援雖失其位未失
道也象曰遇主于巷未失道也疏正義曰遇主於
處睽之時而失其位將无所安五亦失位與已同
黨同趣相求不假遠涉而自相遇適在於巷言遇
之不遠故曰遇主於巷主謂五也處睽得援咎悔
可亡故无咎也象曰未失道者既遇其主雖失其
位亦未失道也六三見輿曳其牛掣其人天且劓无初有

終

注云凡物近而不相得則凶處睽之時履非其位以陰居陽以柔乘剛志在於上而不和於四

二應於五則近而不相比故見輿曳輿曳者履非其位失所載也其牛掣者滯隔所在不獲進也其

人天且劓者四從上取二從下取而應象曰見輿在上九執志不回初雖受困終獲剛助

曳位不當也无初有終遇剛也

疏

正義曰見輿曳其牛掣者

處睽之時履非其位以陰居陽以柔乘剛志在上九不與四合二自應五又與己乖欲載其輿被曳失己所載也欲進其牛被牽滯隔所在不能得進也故曰見輿曳其牛掣也其人天且劓无初有終者剝額為天截鼻為劓既處二四之間皆不相得其為人也四從上刑之故剝其額二從下刑之又截其鼻故曰其人天且劓而應在上九執志不回初雖受困終獲剛助故曰无初有終象曰位不當

者由位不當故與被曳遇剛者
由遇上九之剛所以有終也
九四睽孤遇元夫

交孚厲无咎
注云无應獨處五自應二三與已睽
故曰睽孤也初亦无應特立處睽之

時俱在獨立同處體下同志者也而已失位比於
三五皆與已乖處无所安故求其疇類而自託焉

故曰遇元夫也同志相得而无疑焉故曰
交孚也雖在乖隔志故得行故雖危无咎
象曰交

孚无咎志行也
疏
正義曰元夫謂初九也與於
卦始故云元也初四俱陽而

言夫者蓋是丈夫之
夫非夫婦之夫也
六五悔亡厥宗噬膚往何咎

注云非位悔也有應故亡厥宗謂二也噬膚者齧
柔也三雖比二二之所噬非妨已應者也以斯而

往何咎之有
往必合也
象曰厥宗噬膚往有慶也
疏
正義曰悔

亡者失位海也有應故悔亡也厥宗噬膚往何咎
者宗主也謂二也噬膚謂噬三也三雖瞞二二之
所噬故曰厥宗噬膚也三是陰爻故以膚爲譬言
柔脆也二既噬三即五可以往而无咎矣故曰往
无咎象曰往有慶也者有慶之言善功被物爲物
所賴也五雖居尊而不當位與二合德乃爲物所
賴故曰往有慶也

上九睽孤見豕負塗載鬼一車先張之

弧後說之弧匪寇婚媾往遇雨則吉

注云處睽之極睽道未通

故曰睽孤已居炎極三處澤盛睽之極也以文明
之極而觀至穢之物睽之甚也豕而負塗穢莫過
焉至睽將合至殊將通恢詭譎怪道將爲一未至
於洽先見殊怪故見豕負塗甚可穢也見鬼盈車
吁可怪也先張之弧將攻害也後說之弧睽怪通
也四刺其應故爲寇也睽志將通匪寇婚媾往不

失時睽疑亡也貴於遇雨和象曰遇雨之吉群疑

亡也疏曰正義曰睽孤也見豕負塗者火動而上澤動

而下已居炎極三處澤盛睽之極也離為文明澤

是卑穢以文明之極而觀至穢之物事同豕而負

塗泥穢莫斯甚矣故曰見豕負塗載鬼一車先張

之弧後說之弧者鬼魅盈車怪異之甚也至睽將

合至殊將通未至於洽先見殊怪故又見載鬼一

車載鬼不言見者為豕上有見字也見怪若斯懼

求害已故先張之弧將攻害也物極則反睽極則

通故後說之弧不復攻也匪寇婚媾者四刺其應


故謂四為寇睽志既通匪能為寇乃得與三為婚

媾矣故曰匪寇婚媾也往遇雨則吉者雨者陰陽

交和之道也眾異併消无復疑阻往得和合則吉

從之故曰往遇雨則吉象曰群疑亡也者往與三

合如詞之和向之見豕見鬼張弧之疑併消釋矣
故曰群疑亡也注恢詭譎怪道將爲一正義曰
莊子內篇齊物論曰无物不然无物不可故爲舉
筵與楹屬與西施恢詭譎怪道通爲一郭象注云
夫筵橫而楹縱屬醜而西施好所謂齊者豈必齊
形狀同規矩哉舉縱橫好醜恢詭譎怪各然其所
然各可其所可即形雖萬殊而性本得同故曰道
通爲一也莊子所言以明齊物故舉恢詭譎怪至
異之物道通爲一得性則同王輔嗣用此文而改
通爲將字者明物極則反睽極則通有似引詩斷
章不必與
本義同也



艮下坎上

蹇利西南不利東北

注云西南地也東北山也以難之平

則難解以難之山則道窮

利見大人

注云往則濟也

貞吉

注云爻皆當位各履其正

居難履正正邦之道也正道未否難由

䷥

正義曰蹇

難也有險在前畏而不進故稱爲蹇利西南不利東北者西南地位平易之方東北險位阻礙之所世道多難率物以適平易則蹇難可解若入於險阻則彌加擁塞去就之宜理須如此故曰蹇利西南不利東北也利見大人者能濟衆難惟有大德之人故曰利見大人貞吉者居難之時若不守正而行其邪道雖見大人亦不得吉故曰貞吉也彖曰蹇難也險在前也見

險而能止知矣哉蹇利西南往得中也不利東北

其道窮也利見大人往有功也當位貞吉以正邦

也蹇之時用大矣哉

注云蹇難之時非小人之所能用也

䷥

正義曰蹇難也

險在前也見險而能止知矣哉者釋卦名也蹇者有難而不進能止而不犯故就二體有險有止以釋蹇名坎在其外是險在前也有險在前所以爲難若冒險而行或罹其害艮居其內止而不往相時而動非知不能故曰見險而能止知矣哉也蹇利西南往得中也者之於平易救難之理故云往得中也不利東北其道窮者之於險阻更益其難其道彌窮故曰其道窮也利見大人往有功也者往見大人必能除難故曰往有功也當位貞吉以正邦也者二三四五爻皆當位所以得正而吉故曰當位貞吉也以正邦也者居難守正正邦之道故曰以正邦也蹇之時用大矣哉者能於蹇難之時建立其功用以濟世者非小人象曰山上有水

蹇

注云山上有水蹇難之象

君子以反身脩德

注云除難莫若反身脩德

○

正義曰山上有水蹇者山者是巖險水是阻難水積山上彌益危難故曰山上有水蹇君子以反身脩德者蹇難之時未可以進惟宜反求諸身自修其德道成德立方能濟險故曰君子以反身修德也陸績曰水在山上失流通之性故曰蹇通水流下今在山上不得下流蹇之象陸績又曰水本應山下今在山上終應反下故曰反身處難之世不可以行只可反自省察修己德用乃除難君子通達道暢之時並濟天下處窮之時則獨善其身也初六往蹇來譽難之始居止之初獨見前識觀險而止以待其時知矣哉故往則遇蹇來則得譽象曰往蹇來譽宜待也疏正義曰往蹇來譽者初六處蹇之初往則遇難來則得譽初居艮始是能見險而止見險不往則是來而得譽故曰往蹇來譽象曰宜待者既往則遇蹇宜止以待時也

六三王臣蹇蹇匪躬之故

注云處難窮時履當其位居不失中以應於五

不以五在難中私身遠害執心不回志匡王室者也故曰王臣蹇蹇匪躬之故履中行義以存其上

處蹇以此未見其尤也

象曰王臣蹇蹇終无尤也

疏

正義曰王

臣蹇蹇匪躬之故者王謂五也臣謂二也九五居於王位而在難中六二是五之臣往應於五履正居中志匡王室能涉蹇難而往濟蹇故曰王臣蹇蹇也盡忠於君匪以私身之故而不往濟君故曰匪躬之故象曰終无尤者

九三往蹇來反

注云進則入險

來則得位故曰往蹇來反為下卦之主是內之所恃也

象曰往蹇來反內喜

之也

疏

正義曰往蹇來反者九三與坎為鄰進則入險故曰往蹇來則得位故曰來反

象曰內喜之者內卦三爻惟九三一陽居二陰之上是內之所恃故云內喜之也 六四往

蹇來連

注云往則无應來則乘剛往來皆難故曰往蹇來連得位履正當其本實雖遇於難

非妄所招也

象曰往蹇來連當位實也

䷆

正義曰馬云連亦難

也鄭云遲久之意六四往則无應來則乘剛往來皆難故曰往蹇來連也象曰當位實者明六四得位履正當其本實而往來遇難者乃數之九五大所招非邪妄之所致也故曰當位實也

蹇朋來

注云處難之時獨在險中難之大者也故曰大蹇然居不失正履不失中執德之長

不改其節如此則同志者集而至矣故曰朋來也

象曰大蹇朋來當節也

䷆

正義曰九五處難之時獨在險中難之大者也故曰大蹇然得位履中不改其節如此則

同志者自遠而來故曰朋來象曰以中節者得位
居中不易其節故致朋來故云以中節也

注同

志者集而至矣正義曰此以同志釋朋來之義鄭
注論語云同門曰朋同志曰友此對文也通而言

之同志亦是朋黨也上六往蹇來碩吉利見大人

注云往則長難來則難終

難終則衆難皆濟志大得矣故曰往蹇來碩象曰
吉險夷難解大道可興故曰利見大人也

往蹇來碩志在內也

注云有應在內往之則利見失來則志獲志在內也


大人以從貴也

疏

正義曰碩大也上六難終之地不宜更有所往往則長難

故曰往蹇也來則難終難終則衆難皆濟志大得
矣故曰來碩吉也險夷難解大道可興宜見大人
以弘道化故曰利見大人也象曰志在內也者有
應在三志在內也應既在內往則失之來則得

之所以往則有蹇來則碩吉也以從貴者貴謂陽也以陰從陽故云以從貴也



坎下解利西南

注云西南衆也解難濟險利施於衆也亦不因于東北故

不言不利无所往其來復吉有攸往夙吉

注云未

解難而迷於處安也解之爲義解難而濟厄者也

爲吉也无難則能復其



正義曰解者卦名也

中有難則能濟其厄也

一音反胡賈解謂解難之初解謂既解之後彖稱動而

免乎險明非救難之時故先儒皆讀爲解序卦云物不可以終難故受之以解解者緩也然則解者險難解釋物情舒緩故爲解也解利西南者西南坤位坤是衆也施解於衆則所濟者弘故曰解利西南也无所往者且言解難濟險利施於衆此下

明救難之時誠其可否若元難可往則以來復為
吉若有難可往則以速赴焉善故云有所往其來
復吉有攸往夙吉設此誠者褚氏云世有元事求
功故誠以元難宜靜亦有待敗乃救故誠以有難
須速
彖曰解險以動動而免乎險解

注云動乎險外故謂之免

免險則解解利西南往得衆也其來復吉乃得中
故謂之解

也有攸往夙吉往有功也天地解而雷雨作雷雨

作而百果草木皆甲坼

注云天地否結則雷雨不作交通感散雷雨乃作也

雷雨之作則險厄者亨否結者散故百果草木皆甲坼也解之時大矣哉

注云无所

而不釋也難解之時非治難時故不言用體盡於解之名无有幽隱故不曰義



正義曰解

險以動動而免乎險解者此就二體以釋卦名遇
險不動无由解難動在險中亦未能免咎今動於
險外即見免說於險所以為解也解利西南往得
衆者解之為義兼濟為美往之西南得施解於衆
所以為利也其來復吉乃得中也者无難可解退
守靜默得理之中故云乃得中也也有攸往夙吉往
有功也者解難能速則不失其幾故往有功也天
地解而雷雨作雷雨作而百果草木皆甲坼者此
因震坎有雷雨之象以廣明解義天地解緩雷雨
乃作雷雨既作百果草木皆孚甲坼莫不解散
也解之時大矣哉者結歎解之大也自
天地至於草木无不有解豈非大哉
象曰雷雨
作解君子以赦過宥罪
疏
正義曰赦謂放免過
謂誤失宥謂寬宥罪
謂故犯過輕則赦罪重
則宥皆解緩之義也
初六无咎
注云解者解也
屯難盤結於是

乎解也處蹇難始解之初在剛柔始散之際
罪厄以夷其險處此之時不煩於位而无咎也

象曰剛柔之際義无咎也

注云或有過咎非其理也義猶理也



正義曰夫險難未夷則賤弱者受害然則蹇難未
解之時柔弱不能无咎否結既釋之後剛强者
不復陵暴初六處蹇難始解之初在剛柔始散之
際雖以柔弱處无咎之地逢此之時不慮有咎故
曰初六无咎也象曰義无咎者義猶理也剛柔既
散理必无咎或有過咎非理之常也故曰義无咎
也
注或有過咎非其理也
也正義曰或本无此八字
九二田獲三狐得黃矢
注云狐者隱伏之物也剛中而應為五所任
貞吉
處於險中知險之情以斯解物能獲隱伏也
故曰田獲三狐也黃理中之稱也矢直也田而獲
三狐得乎理中之道不失枉直之實能全其正者

也故曰田獲三狐
得黃矢貞吉也

象曰九二貞吉得中道也

疏

正義曰田獲三狐者狐是隱伏之物三為成數舉
三言之搜獲備盡九二以剛居中而應於五為五
所任處於險中知險之情以斯解險无險不濟能
獲隱伏如似田獵而獲窟中之狐故曰田獲三狐
得黃矢貞吉者黃中之稱矢直也田而獲三狐得
乎理中之道不失枉直之實能全其正者也故曰
得黃矢貞吉也象曰得中道也者明九二位既不
當所以得貞吉者由處於中得乎理中之道故也

六三負且乘致寇至貞吝

注云處非其位履非其
正以附於四用夫柔邪

以自媚者也乘二負四以容其身寇之
來也自己所致雖幸而免正之所賤也

象曰負且

乘亦可醜也自我致戎又誰咎也疏

正義曰負且乘
致寇至者六三

失正无應下乘於二上附於四即是用夫邪佞以自
說媚者也乘者君子之器也負者小人之事也施之
於人即在車騎之上而負於物也故寇盜知其非已
所有於是競欲奪之故曰負且乘致寇至也貞吝者
負乘之人正其所鄙故曰貞吝也象曰亦可醜也者天
下之醜多矣此是其一故曰亦可醜也自我致戎又
誰咎也者言此寇難由己之招非
是他人致此過咎故云又誰咎也
九四解而拇朋至
斯孚
注云失位不正而比於三故三得附之爲其拇也三爲之拇則失初之應故解其拇然後朋至
而信
象曰解而拇未當位也
䷧
正義曰解而拇朋至斯孚者而汝也拇足
天
指也履於不正與三相此三從下來附之如指之附足四有應在初若三爲之拇則失初之應故
必解其拇然後朋至而信故曰解而拇朋至斯孚
象曰未當位者四若當位履正即三爲邪媚之身

不得附之也既三不得附四則六五君子維有解

无所解今須解

注云居尊履中而應乎剛可以有

險小人雖闇猶知服之而无

象曰君子有解小人

退也



正義曰君子維有解吉者六五居尊履

之時可以解於險難維辭也有解於難所以獲吉
故曰君子維有解吉也有孚于小人者以君子之
道解難則小人皆信服之故曰有孚于小人也象
曰君子有解小人退者小人謂作難者信君子之
德故退而

上六公用射隼于高墉之上獲之无不

利

注云初為四應二為五應三不應上失位負乘
處下體之上故曰高墉墉非隼之所處高非三

之所履上六居動之上爲解之極將解荒悖而除
穢亂者也故用射之極而後動成而後舉故必獲
之而无象曰公用射隼以解悖也

疏

正義曰隼者貪殘之

鳥鷙鳥之屬墉牆也六三失位負乘不應於上即
是罪釁之人故以譬於隼此借飛鳥爲喻而居下
體之上其猶隼處高墉隼之爲鳥宜在山林隼於
人家高墉必爲人所繳射以譬六三處於高位必
當被人所誅討上六居動之上爲解之極將解之
荒悖而除穢亂故用射之也極而後動成而後舉
故必獲之而无不利故曰公用射隼于高墉之上
獲之无不利也公者臣之極上六以陰居上故謂
之公也象曰解悖也者悖逆也六三失位負乘不
應於上是悖逆之人也上六居動之上能除解六
三之荒悖故云以解悖也

上六居動之上能除解六三之荒悖

周易注疏卷第六
端平甲午歲除日三山東臆子趙標院

300部限定版

第 126 番

昭和四十八年七月 發行

周易注疏 上卷

定價一五、〇〇〇圓

解題 長澤規矩也

發行 足利學校遺蹟圖書館後援會

栃木縣足利市昌平町
足利學校遺蹟圖書館內

印刷 コロタイプ
平井正昇堂

製作
發賣

東京都千代田區飯田橋二一五―四
汲古書院

電話(二六五)九七六四
振替東京一五八〇三五